

27081









# ধর্মতত্ত্বদীপিকা ।

---

প্রথম ভাগ ।

ধর্মতত্ত্ববিবেক ।

---

শ্রীরাজনারায়ণ বসু কর্তৃক

প্রণীত ।

THE RADHAKRISHNA MISHRA  
INSTITUTE OF CULTURE  
CALCUTTA

দ্বিতীয় সংস্করণ ।

প্ৰকাশিত ১৭নং রঘুনাথ চট্টোপাধ্যায় স্ট্রীট ব্রাহ্মমন্দির বয়ে  
ঐকান্তিকচন্দ্র দত্ত দ্বারা মুদ্রিত ও প্রকাশিত ।

---

ব্রাহ্মক ৫৭ ।

R. M. L. L. A. R. Y	
Acc No	27081
Class. No	2941 BPS
Date	
St. Card	
Class	Rg
Cat	✓
Bk. Card	✓
Checked	Rg

# পুস্তকোৎসর্গ।

পবন স্নেহাস্পদ শ্রীমান্ কৃষ্ণধন দোয়

নিবাপদেশ্।

প্রাণাধিক !

তোমাকে আমার জ্যেষ্ঠা কন্যা সম্প্রদান করিয়াছি, আমার মানস-কন্যা দীপিকাও তোমায় উৎসর্গ করিতেছি। কোন ধর্ম্মে এ প্রকার দুই বিবাহের নিষেধ নাই, অতএব এ কন্যাটিকেও গ্রহণ করিতে সঙ্কচিত হইবে না।

প্রচলিত রীতানুসারে লোকে কনিষ্ঠ ভ্রাতা বা পুত্র বা জামাতাকে প্রাণাধিক বলিয়া সম্বোধন করে। আমি কেবল সেই প্রচলিত রীতির পরতন্ত্র হইয়া যে তোমাকে প্রাণাধিক বলিয়া উপরে সম্বোধন করিয়াছি এমত নহে, তাহাতে আমার মনের আন্তরিক ভাবই ব্যক্ত করিয়াছি। সেই স্নেহের নিদর্শন স্বরূপ এই পুস্তকখানি তোমায় উৎসর্গ করিলাম।

আমি জানি তুমি যেমন তোমার অবলম্বিত ব্যবসায়ানুসারে লোকের শারীরিক পীড়ার উপশম করিয়া থাক তেমনি তাহাদের আধ্যাত্মিক পীড়ার প্রতীকার জন্তও কায়মনোবাক্যে যত্ন কর; শেবোক্ত মহৎ কার্য্যে আমার গ্রন্থখানি যদি তোমার কোন উপকারে আইসে, আমি তাহা স্লামার বিষয় জ্ঞান করিব।

পরমেশ্বর তোমাকে দীর্ঘায়ু করুন ও সকল কুশল প্রদান করুন !

একান্ত মেহশ্রদ্ধাগ্নে বদ্ধ

শ্রীযত্ননাথায়ণ বসু।





## বিজ্ঞাপন ।

---

অনেক দিবস হইল আমি এই ধর্মতত্ত্ব-দীপিকা রচনাতে প্ররক্ত হইয়াছি । এক্ষণে ঈশ্বরপ্রসাদাৎ তাহা সমাপ্ত হইয়া প্রচারিত হইল ।

ব্রাহ্মধর্ম পরম সত্যধর্ম ইহা দেখান ও তাহার তত্ত্ব সকল ব্যাখ্যা করা এই গ্রন্থের উদ্দেশ্য ! ইহার প্রথম ভাগে যে সকল তত্ত্ব প্রমাণীকৃত হইয়াছে, তাহাই দ্বিতীয় ভাগে ব্যাখ্যাত হইয়াছে । ব্রাহ্ম পাঠকবর্গ এই গ্রন্থের প্রথম ভাগে দার্শনিক বিচার পাইবেন, দ্বিতীয় ভাগে তাহা পাইবেন না । প্রথম ভাগে যে দার্শনিক বিচার আছে তাহার কঠোরতার হ্রাস করিতে ক্রটি করি নাই । আমাদিগের ধর্মের মূলের বিষয় বলিতে গেলেই দার্শনিক বিচার আসিয়া উপস্থিত হয়, তাহা কোন মতে নিবারণ করা যাইতে পারে না । কিন্তু যদি কেহ মনে করেন যে দর্শনজ্ঞান সর্বোপেক্ষা গরীয়ান্ তাহা হইলে তাঁহার আর ভ্রমের সীমা থাকে না । ঈশ্বরের অনেক অকিঞ্চন অনুচর আছেন যাহাদিগের দর্শনক্ষেত্রে দর্শন তাহার নীরস কঠোর মূর্তি কখন প্রদর্শন করে নাই । কিন্তু অনেক দর্শন-শাস্ত্র-বিশারদ বিদ্বান্ অপেক্ষা তাঁহারা শ্রেষ্ঠ । দার্শনিক তর্কদ্বারা যে পর্য্যন্ত না ধর্মতত্ত্ব সকল প্রমাণীকৃত হয়, তাহাতে বিশ্বাস করা উচিত নহে, এরূপ যাহারা মনে করেন তাঁহাদিগেরও ভ্রমের সীমা নাই । যেমন কোন অবোধ ব্যক্তি নদীর প্রস্রবণ না আবিষ্কৃত হইলে তাহার সুশীতল সুনির্মল জল পান করিব না বলিয়া প্রতিজ্ঞা করে তাঁহারাও সেইরূপ নির্দোষের কার্য্য করেন ।

কেহ কেহ এইরূপ বলিতে পারেন যে যে সকল বিষয় এই গ্রন্থে লখা হইয়াছে তাহা অতি সংক্ষেপরূপে লিখা হইয়াছে । কিন্তু

তাঁহারা যদি এই গ্রন্থ প্রণয়নের অভিপ্রায় বিবেচনা করেন তাহা হইলে তাঁহারা উহা দোষ বলিয়া গণ্য করিবেন না। এই গ্রন্থ প্রণয়নে আমার অভিপ্রায় এই যে পাঠকবর্গ এই গ্রন্থদ্বারা ব্রাহ্মধর্ম সম্বন্ধীয় বিষয় সকল স্থূলরূপে অবগত হইবেন ; তাহা হইলে ইহার প্রত্যেক বিষয় সম্বন্ধীয় বিশেষ গ্রন্থ পাঠ করিয়া সেই বিষয়টি বিশেষ রূপে অবগত হইবার পক্ষে ইহা উপকারী হইবে। এই গ্রন্থকে ব্রাহ্মধর্মের পুরদ্বার স্বরূপ করিতে চেষ্টা করিয়াছি ; কত দূর আমার চেষ্টা সূক্ষ্ম হইয়াছে তাহা বলিতে পারি না।

পৃথিবীতে কিছুই সম্পূর্ণরূপে নূতন নাই। এই গ্রন্থের অনেক ভাব অত্যাশ্রিত গ্রন্থ হইতে সংগৃহীত। কিন্তু আমি ভরসা করি, পাঠকবর্গ কোন কোন স্থানে নূতন ভাবও পাইবেন।

এই গ্রন্থদ্বারা যদি ব্রাহ্মধর্মের কিকিছুমাত্র উপকার হয় তাহা হইলে আমার এই কয়েক বৎসরের পরিশ্রম সফল হইবে।

## শ্রীরাজনারায়ণ বসু।

### দ্বিতীয় সংস্করণের বিজ্ঞাপন।

এবারে এই পুস্তকের অনেক পরিবর্তন ও পরিবর্দ্ধন হইয়াছে। বিজ্ঞানের পুস্তকের মূল্য পূর্বে এক টাকা ছিল, কিন্তু সাধারণের সুবিধার্থে মূল্য দশ আনা করা হইল। ইতি ২১শ্রাবণ, ১২৯৩ সাল।

## নির্ঘণ্ট পত্র ।

—:~:—

অধ্যায়	বিষয়	পত্রাঙ্ক
উপক্রমণিকা	জ্ঞান ও প্রত্যয়বাদ ... ..	১
প্রস্তাভাস	... ..	১২
প্রথম অধ্যায়	আত্মপ্রত্যয় ও যুক্তি দ্বারা ঈশ্বর-তত্ত্ব সংস্থাপন	১৪
দ্বিতীয় অধ্যায়	ঈশ্বর-তত্ত্ব সংস্থাপনে কার্যমূলক যুক্তির ক্ষীণতা	২৬
তৃতীয় অধ্যায়	ঈশ্বর-তত্ত্ব সংস্থাপনে কার্য মূলক যুক্তির আবশ্যকতা	২৮
চতুর্থ অধ্যায়	ঈশ্বর-তত্ত্ব প্রত্যয়ক্রমে ক্ষুণ্ণিত হয় ...	৩৩
পঞ্চম অধ্যায়	ঈশ্বরের সহিত জগতের সম্বন্ধ ... ..	৩৬
ষষ্ঠ অধ্যায়	ঈশ্বরের সহিত মনুষ্যের সম্বন্ধ ... ..	৩৮
সপ্তম অধ্যায়	ঈশ্বরবোধাসনা ... ..	৪৩
অষ্টম অধ্যায়	পরকাল ... ..	৫০
নবম অধ্যায়	ব্রহ্মবিদ্যার প্রামাণিকত্ব ... ..	৫৭
দশম অধ্যায়	ধর্ম সম্বন্ধীয় ভ্রমেব কাবণ ... ..	৬০
একাদশ অধ্যায়	ঈশ্বরের আত্ম পরিচয় প্রদান ... ..	৭১
দ্বাদশ অধ্যায়	সত্য ধর্ম কি এই প্রশ্নের উত্তর ও ব্রাহ্মধর্মের স্বরূপ ও লক্ষণ	৭৮
পরিশিষ্ট	অসভ্য জাতিদিগের ঈশ্বরে ও পরকালে বিশ্বাস প্রচলিত আছে	১০



# ধর্মতত্ত্বদীপিকা ।

## প্রথমভাগ ।

### ধর্মতত্ত্ব-বিবেক ।

#### উপক্রমণিকা ।

মল্লভা ভূমিষ্ট হওয়া অবধি মৃত্যু পর্য্যন্ত জ্ঞানোপার্জন করে। সে সমস্ত জীবন জ্ঞানোপার্জন না করিয়া কখনই থাকিতে পারে না। ছদ্মপোষ্য শিশু কথাও কহিতে পারে না। পুস্তক পাঠ করিতেও পারে না, তথাপি সে ইচ্ছিয় সকলের দ্বারা জ্ঞানোপার্জন করে। সে জ্ঞানেন্দ্রিয় দ্বারা বাহ্য বস্তু সকলের অস্তিত্ব ও স্বৰূপ অনুভব করে। তৎপরে যখন অশ্রের সহিত কথা কহিতে সমর্থ হয়, তখন সে জ্ঞানোপার্জনের আর একটি উপায় লাভ করে। তৎপরে যখন সে গ্রন্থপাঠ করিতে সক্ষম হয়, তখন তৎসহকারে তাহার জ্ঞানের আয়তন ক্রমশঃ বৃদ্ধি হইতে থাকে। তৎপরে তাহার চিন্তা শক্তির যখন বিশেষ ক্ষুণ্ণি হয়, তখন কথোপকথন ও গ্রন্থ পাঠ দ্বারা যাহা অবগত হয় তাহার সত্যাসত্য পরীক্ষা করিতে সমর্থ হয়। এইরূপে মল্লভা ভূমিষ্ট হওয়া অবধি মৃত্যু পর্য্যন্ত জ্ঞানোপার্জন করে। মল্লভ্যের জ্ঞান তাহার জীবনের সমকালব্যাপী সে সমস্ত জীবন জ্ঞানোপার্জন না করিয়া কখনই থাকিতে পারে না। মল্লভা যেমন জ্ঞানোপার্জন না করিয়া কখনও থাকিতে পারে না, তেমনি সে বাহ্য জ্ঞানিতে পারে তাহাতে বিশ্বাস না করিয়াও কখনও থাকিতে পারে না। বিশ্বাস

মনুষ্যের স্বভাবসিদ্ধ ধর্ম। বিশ্বাস বিষয়ে সে আপনার স্বভাবকে কখনই অতিক্রম করিতে সমর্থ হয় না। যে ঘোর সংশয়বাদী, যে সকল বস্তুর অস্তিত্ব অস্বীকার করে, সে কেন আপনার সংশয়াত্মক মত প্রচার করিতে এত ব্যগ্র? তাহাতেই বোধ হইতেছে যে সে অন্যের অস্তিত্বে বিশ্বাস করে। বাহারা এরূপ ঘোর সংশয়বাদী নহে, বাহারা কেবল ভৌতিক পদার্থের অস্তিত্বে বিশ্বাস করে, কোন অতীন্দ্রিয় পদার্থের অস্তিত্বে বিশ্বাস করে না, তাহাদিগকে জিজ্ঞাস্য এই যে, তাহারা শক্তির অস্তিত্বে বিশ্বাস না করিয়া থাকিতে পারে কি না? শক্তির অস্তিত্বে অবশ্যই তাহারা বিশ্বাস করে। কিন্তু শক্তি বিজ্ঞানশাস্ত্রানুসারে পরিমেয় হইলেও তাহা ইন্দ্রিয়ের অগোচর। অতীন্দ্রিয় পদার্থে অবিশ্বাসকারীর গাত্রে কোন বস্তুর আঘাত হইলে সে ক্লেশ অনুভব করে। ক্লেশ সেই বস্তুর শক্তির কার্য্যমাত্র, তাহা কিছু নিজে শক্তি নহে। তথাপি তাহা শক্তিরই উৎপন্ন ইহা না বিশ্বাস করিয়া সে ব্যক্তি কখনই থাকিতে পারে না। এইরূপ বিবেচনা করিলে প্রতীত হইবে যে, আমরা কোন প্রকার বিশ্বাস না করিয়া কখনই থাকিতে পারি না।

জ্ঞান তিন প্রকার; সহজ, যুক্তিমূলক ও বিচারলব্ধ। যে তত্ত্বের কোন প্রমাণসিদ্ধ যুক্তি দেওয়া যাইতে পারে না, অথচ বাহাতে আমরা না বিশ্বাস করিয়া কখনই থাকিতে পারি না, তাহার জ্ঞানকে সহজ জ্ঞান বলে। তর্কের সময় দেখা যায় যে কোন তত্ত্বের প্রমাণ কি, আবার সে প্রমাণের প্রমাণ কি, এইরূপ করিয়া চলিয়া গেলে, এমন কতগুলি তত্ত্বে উত্তীর্ণ হইতে হয়, বাহার কোন প্রমাণ নাই, অথচ তাহাতে আমরা না বিশ্বাস করিয়া থাকিতে পারি না। ঐ সকল তত্ত্বের জ্ঞানকে সহজ জ্ঞান বলা যায়\*। সম্মুখস্থিত বৃক্ষ আছে, ইহা সহজ জ্ঞান। ইহার কোন যৌক্তিক প্রমাণ দেওয়া যাইতে পারে না, অথচ আমরা তাহাতে না বিশ্বাস করিয়া থাকিতে পারি না। আমি আছি এই জ্ঞান সহজজ্ঞান। আমি আছি ইহার কোন যৌক্তিক প্রমাণ

---

\* জ্ঞানের সঙ্গে প্রত্যয়জড়িত আছে, যে প্রত্যয় সহজ জ্ঞানের সঙ্গে জড়িত তাহাকে অস্বল্প প্রত্যয় বলা যায়।

দেওয়া যাইতে পারে না, অথচ আমরা তাহাতে না বিশ্বাস করিয়া কখনই থাকিতে পারি না। আমার অনিষ্ট করা অন্যের পক্ষে অন্যায় এই জ্ঞান সহজ জ্ঞান। এই তত্ত্বের কোন যৌক্তিক প্রমাণ দেওয়া যাইতে পারে না, অথচ আমরা তাহাতে না বিশ্বাস করিয়া কখনই থাকিতে পারি না। সকাম পরোপকার অপেক্ষা নিষ্কাম পরোপকার মহৎ, এই জ্ঞান সহজ জ্ঞান। এই তত্ত্বের কোন যৌক্তিক প্রমাণ দেওয়া যাইতে পারে না, অথচ আমরা তাহাতে না বিশ্বাস করিয়া কখনই থাকিতে পারি না।

যৌক্তিক প্রমাণের অনাবশ্যকতা অর্থাৎ স্বতঃসিদ্ধতা, এবং বিশ্বাস না করিয়া থাকা যায় না অর্থাৎ অবশ্য-বিশ্বাসনীয়তা, সহজ জ্ঞানের এই দুই লক্ষণ ব্যতীত অত্যাশ্চর্য লক্ষণ আছে।

সহজ জ্ঞান মূল জ্ঞান। সহজ-জ্ঞান দ্বারা আমরা যে জ্ঞান লাভ করি তাহা অন্য কোন প্রকাবে লভনীয় নহে, তাহাই আমাদের সকল জ্ঞানের পত্তন ভূমি। বৃক্ষের অস্তিত্ব জ্ঞান আমরা কেবল সহজ-জ্ঞান দ্বারা লাভ করি। আমাদের সহজজ্ঞান রূপ উপায় না থাকিলে যুক্তি অথবা কল্পনা দ্বারা বৃক্ষের অস্তিত্বজ্ঞান লাভ করিতে আমরা কখনই সমর্থ হইতাম না। ন্যায় অন্যাদেব ভাব এবং মহৎ ও নীচের ভাব মূল ভাব, অন্য কোন ভাব হইতে উৎপন্ন হয় নাই। আমাদের সহজজ্ঞানরূপ উপায় না থাকিলে যুক্তি অথবা কল্পনা দ্বারা ন্যায় অন্যাদেব ভাব অথবা মহৎ ও নীচের ভাব লাভ করিতে আমরা কখনই সমর্থ হইতাম না। সহজ-জ্ঞান স্বয়ং নিরবলম্ব ; কিন্তু তাহাকে অবলম্বন করিয়া যুক্তি ও কল্পনা প্রভৃতি অন্যান্য মনোবৃত্তি কার্য্য করিতে সমর্থ হয়। যুক্তি সহজ-জ্ঞান দ্বারা পরিজ্ঞাত বস্তু হইতে সম্পূর্ণরূপে ভিন্ন অন্য কোন বস্তুর অস্তিত্ব নিরূপণ করিতে সমর্থ হয় না। যখন কোন জ্যোতির্বেতা<sup>\*</sup> চক্ষুর অদৃশ্য কোন গ্রহের অস্তিত্ব নিরূপণ করেন, তখন মনুষ্যের পূর্ববিজ্ঞাত বস্তু হইতে সম্পূর্ণরূপে ভিন্ন কোন বস্তু নিরূপণ কবেন না। যখন ভূতত্ত্ববেত্তা পৃথিবীর গর্ভস্থিত মনুষ্যের অগম্য প্রকাণ্ড জলন্ত দ্রব ধাতুপিণ্ডের অস্তিত্ব নিরূপণ করেন তখন মনুষ্যের পূর্ববিজ্ঞাত বস্তু হইতে সম্পূর্ণরূপে স্বতন্ত্র বস্তু নিরূপণ করেন না। অতএব প্রমাণ হইতেছে যে যুক্তিদ্বারা আমরা কোন মূল ভাব উপার্জন করিতে পারি না। সহজ-জ্ঞান দ্বারা আমরা যে সকল



পদার্থ জানিতে সক্ষম হই, করণা সেই সকল পদার্থকে অবলম্বন করিয়া স্বীয় সংযোজন, বিয়োজন, প্রসারণ ও আকৃষ্টন শক্তি সকলের সহকারে কার্য্য করে। স্বর্ণময় পর্ব্বত, স্কন্দহীন দানব, প্রকাণ্ড আকার দৈত্য অশ্লুষ্ঠপরিমাণ মনুষ্য, এই সকল ভাব সহজ-জ্ঞান দ্বারা উপার্জিত ভাবে সংরচিত। সহজ জ্ঞান উপলক্ষ বশতঃ মনুষ্যের মনে সঞ্চারিত হয়। যে উপলক্ষে বিশেষ বিশেষ সহজ জ্ঞানের সঞ্চার হয়, সে উপলক্ষ কোন ব্যক্তির সম্বন্ধে না ঘটিলে, সে সহজ জ্ঞান তাহার মনে সঞ্চারিত হয় না। সূর্য্য সকলেরই দর্শনীয় পদার্থ অতএব সূর্য্যের অস্তিত্বজ্ঞান সকল মনুষ্যেরই আছে, কিন্তু যে বস্তুটি পৃথিবীর কেবল একটি দেশ মাত্রে আছে তাহার দর্শন সকল মনুষ্যের সম্বন্ধে ঘটেনা অতএব তাহার জ্ঞান সকল মনুষ্যের মনে বিদ্যমান নাই।

সহজ জ্ঞানের লক্ষণ সকল বর্ণনা করিয়া বয় প্রকার সহজ জ্ঞান আছে তাহা লেখা যাইতেছে।

এই বৃক্ষটী যথার্থই আছে, সূর্য্য যথার্থই দীপ্তি পাইতেছে, সমুদ্রস্থিত মেজ্জ যথার্থই আছে, বায়ু যথার্থই গাত্রে সংস্পর্শ হইতেছে; এই সকল জ্ঞান এক প্রকার সহজ জ্ঞান। আমি আছি, আমি শরীর হইতে পৃথক পদার্থ, আমি পূর্বে যে ব্যক্তি ছিলাম এখনো সেই ব্যক্তি আছি, আমি নানা ব্যক্তি নহি একমাত্র ব্যক্তি, আমার শক্তি আছে, এবশ্বিধ জ্ঞান আর একপ্রকার সহজজ্ঞান। এই সমুদ্রস্থিত মেজ্জের বাহা কিছু অনুভব করিতেছি অর্থাৎ তাহার বর্ণ কঠিনতা প্রভৃতি এ সকলই তাহার গুণ-মাত্র, সেই সকল গুণের আধার আছে, এইরূপ জ্ঞান আর একপ্রকার সহজ জ্ঞান। আমার অনিষ্ট অন্তের করা অনুচিত, অমুকের যথার্থ 'অধিকার' আক্রমণ করা উচিত নহে ও অমুককে বাহা দেয় তাহা দেওয়া উচিত, এইরূপ জ্ঞান আর একপ্রকার সহজ জ্ঞান। অজ্ঞান অমুক মনুষ্য অপেক্ষা জ্ঞানী অমুক মনুষ্য শ্রেষ্ঠ, আমার নিকটস্থিত সহস্র মূদ্রা যশঃপ্রাপ্তি জন্ত দান করা অপেক্ষা নিকাম হইয়া কেবল দরিদ্রের দুঃখ মোচন জন্ত দান করা শ্রেষ্ঠ, এবশ্বিধ জ্ঞান আর একপ্রকার সহজ জ্ঞান। উল্লিখিত কয়েকপ্রকার সহজ জ্ঞান ব্যতীত অগ্ৰান্ত প্রকার সহজ জ্ঞান আছে।

উপরে যে সকল সহজ জ্ঞানের কথা বলা হইল, তাহা বিশেষ বিশেষ সহজ জ্ঞান। এই সকল বিশেষ বিশেষ সহজ জ্ঞান দ্বারা আমরা সাধারণ সহজ জ্ঞানে উপনীত হই। আমরা বিশেষ বিশেষ ইন্দ্রিয়গোচর পদার্থ দর্শন করিয়া এই সাধারণ তত্ত্বে উপনীত হই যে বাহ্য বিষয় আছে। আমাদিগের নিজের কার্যের মূলে শক্তি আছে ইহা অনুভব করিয়া আমরা শক্তির ভাব প্রাপ্ত হই এবং সকল কার্যের মূলে শক্তি আছে এই সাধারণ তত্ত্বে উপনীত হই। আমাদিগের নিজের কৌশলের কারণ জ্ঞান, ইহা অনুভব করিয়া কৌশলের কারণ জ্ঞান এই সাধারণ তত্ত্বে উপনীত হই। আমরা বিশেষ বিশেষ বস্তুর গুণাধার অনুভব করিয়া এই সাধারণ তত্ত্বে উপনীত হই যে সকল বস্তুরই গুণাধার আছে। আমরা বিশেষ বিশেষ ব্যক্তির যাহা প্রাপ্য তাহা তাহাকে দেওয়া উচিত ইহা অনুভব করিয়া, এই সাধারণ তত্ত্বে উপনীত হই যে যাহার যাহা প্রাপ্য তাহাকে তাহা দেওয়া উচিত। আমরা বিশেষ বিশেষ নিষ্কাম পরোপকারজনক কর্মের মহত্ত্ব অনুভব করিয়া এই সাধারণ তত্ত্বে উপনীত হই যে নিষ্কাম পরোপকার, সকাম পরোপকার অপেক্ষা শ্রেষ্ঠ। কেহ কেহ এই কথা বলেন যে, সাধারণ সহজ জ্ঞান সকল 'আমাদিগের আত্মাতে স্বভাবতঃ আছে, কিন্তু এই কথা সত্য নহে। এই সকল সাধারণ সহজ জ্ঞান আমরা সাধারণ তত্ত্বাকারে, হয় আমাদিগের পিতৃপুরুষদিগের নিকট হইতে লাভ করি, নয় নিজে আমরা সে সকলে উপনীত হই।

আমরা বিশেষ বিশেষ সহজ জ্ঞান দ্বারা সাধারণ সহজ জ্ঞানে উপনীত হই বটে, কিন্তু সেই সকল বিশেষ বিশেষ সহজ জ্ঞান সাধারণ সহজ জ্ঞানের হেতু নহে। সাধারণ সহজ জ্ঞান ও যুক্তিমূলক সাধারণ জ্ঞান এই দুয়ের মধ্যে প্রভেদ এই যে সাধারণ সহজ জ্ঞানে উত্তীর্ণ হইবার সময় আমরা যে বিশেষ বিশেষ সহজ জ্ঞান দ্বারা তাহাতে উত্তীর্ণ হই, তাহা তাহার হেতু নহে। আর যুক্তিমূলক সাধারণ জ্ঞানে উত্তীর্ণ হইবার সময় আমরা বিশেষ বিশেষ দৃষ্টান্তকে হেতু করিয়া সেই সকল সাধারণ তত্ত্বে উপনীত হই। বিশেষ বিশেষ ব্যক্তির যাহা প্রাপ্য তাহা তাহাকে না দেওয়া অমুচিত, ইহা, যাহার যাহা প্রাপ্য তাহাকে তাহা না দেওয়া অমুচিত,

এই তত্ত্বের প্রমাণ নহে। সেই সকল বিশেষ বিশেষ দৃষ্টান্ত ঐ সাধারণ জ্ঞানের উদয়ের উপলক্ষমাত্র। এই সাধারণ জ্ঞান আপনার প্রমাণ আপনিই বহন করে; তাহা মনে উদ্ভূত হইলেই মন তাহা সত্য বলিয়া স্বীকার করে; বিশেষ বিশেষ দৃষ্টান্তের অমুরোধে সেরূপ করে না। যদি এমন হইতে পারিত যে একেবারেই ঐ সকল সাধারণ প্রত্যয় মনে উদ্ভূত হইত, তাহা হইলে আমরা বিশেষ বিশেষ দৃষ্টান্তের কিছুমাত্র অপেক্ষা না করিয়া সে সকলের সত্য স্বীকার করিতাম। যুক্তিমূলক সাধারণ তত্ত্ব এরূপ নহে। বিশেষ বিশেষ স্থলে উৎকৃষ্ট বস্তুর গতি পৃথিবীর দিকে হইতে দেখিয়া আমরা এই সিদ্ধান্তে উপনীত হই যে সমস্ত পৃথিবীতে এই-রূপ ঘটনা থাকে। উৎকৃষ্ট বস্তুর পৃথিবীর দিকে গতির বিশেষ দৃষ্টান্ত যদি আমরা না দেখিতাম তবে আমরা ঐ সাধারণ তত্ত্ব কখনই উদ্ভূত হইতাম না। ঐ সকল বিশেষ দৃষ্টান্ত, ঐ সাধারণ তত্ত্বের প্রমাণ। ঐ সাধারণ তত্ত্ব আপনার প্রমাণ আপনিই বহন করে না। ঐ সকল বিশেষ দৃষ্টান্তের অমুরোধে আমরা ঐ সাধারণ তত্ত্ব বিশ্বাস করি।

সহজ জ্ঞান সামান্যতঃ চারি শ্রেণীতে বিভাগ করা যাইতে পারে। ইন্দ্রিয় প্রত্যক্ষ সংঘটিত সহজ জ্ঞান, প্রতিবোধ সংঘটিত সহজ জ্ঞান, বুদ্ধি সংঘটিত সহজ জ্ঞান এবং বিবেক সংঘটিত সহজ জ্ঞান। ইন্দ্রিয়গোচর গুণের জ্ঞানকে ইন্দ্রিয় প্রত্যক্ষ সংঘটিত সহজ জ্ঞান বলে। আমি আছি, আমি শরীর হইতে ভিন্ন পদার্থ, আমি একই ব্যক্তি নানা ব্যক্তি নহি, আমার ইচ্ছা স্বাধীন, আমি দেখিতেছি, শুনিতেছি, স্মরণ করিতেছি ও মানসিক অন্তান্ত কার্য্য করিতেছি, ইত্যাদি সহজ জ্ঞান প্রতিবোধ সংঘটিত অথবা গাংজা সংঘটিত সহজ জ্ঞান। ইন্দ্রিয় প্রত্যক্ষ সংঘটিত সহজ জ্ঞান ও গাংজা ঘটিত সহজ জ্ঞান এই দুই প্রকার সহজ জ্ঞানকে সামান্যতঃ পদার্থবোধ সহজ জ্ঞান বলিয়া নির্দেশ করা যাইতে পারে, যেহেতু তদ্বারা আমরা পদার্থ সকলের অস্তিত্ব অনুভব করি। এই দুই প্রকার সহজ জ্ঞান না থাকিলে আমরা পদার্থ সকলের অস্তিত্ব কখনই অনুভব করিতে পারিতাম না। ইন্দ্রিয় প্রত্যক্ষ সংঘটিত সহজ জ্ঞান দ্বারা আমরা বাহ্য-বস্তু সকল অনুভব করি, আর প্রতিবোধ সংঘটিত সহজ জ্ঞান দ্বারা আমরা

আম্রার অন্তিত্র অমুভব করি। এই দুই প্রকার পদার্থবোধক সহজ জ্ঞান ব্যতীত আর একপ্রকার পদার্থবোধক সহজ জ্ঞান আছে, তদ্বারা আমরা বাহ্য বস্তুর ও আত্মার সম্পূর্ণ নির্ভর স্থল ঈশ্বর পদার্থ অমুভব করি। এই প্রকার সহজ জ্ঞানের বিষয় এই উপক্রমণিকায় উল্লেখ না করিয়া মূল গ্রন্থে উল্লেখ করা যাইবে। জড়ের গুণের আধার জড় আছে, মনের গুণের আধার মন আছে, এ প্রকার সহজ জ্ঞান বুদ্ধিসংঘটিত সহজ জ্ঞান, যে হেতু এস্থলে জ্ঞাত গুণকে অবলম্বন করিয়া আমরা অজ্ঞাত আধারে উপনীত হইতেছি। জ্ঞাতকে অবলম্বন করিয়া অজ্ঞাতে পহুচন বুদ্ধির কার্য। অস্ত্রের যথার্থ অধিকার আক্রমণ করা অগ্নায়, বাহার বাহা প্রাপ্য, তাহাকে তাহা দেওয়া উচিত, স্বার্থপর কর্ম অপেক্ষা স্বার্থপরতা-শূন্য কর্ম মহৎ, এ প্রকার সহজ জ্ঞানকে বিবেক সংঘটিত সহজ জ্ঞান বলে।

সহজ জ্ঞানের বিষয় বলিয়া এইক্ষণে যুক্তিমূলক জ্ঞানের বিষয় বলা যাইতেছে।

হেতু অবলম্বন পূর্বক কোন সিদ্ধান্তে উপনীত হওয়ার নাম যুক্তি। পর্বত হইতে ধূম উদ্গীর্ণ হইতেছে অতএব পর্বতে অগ্নি আছে। এস্থলে পর্বতে অগ্নি আছে এই বিশ্বাসের হেতু আর এক বিশ্বাস। সে বিশ্বাস এই, অগ্নি সংযোগ ব্যতীত ধূম উদ্গত হইতে পারে না।

যুক্তি তিন প্রকারে বিভক্ত ; বিশেষ-দৃষ্টান্ত-পর, ব্যাপ্তিনিশ্চয় ও ব্যাপ্যনিকূপণ। যাহা এক স্থলে সত্য তাহা অত্র একটি স্থলেও সত্য, ইহা যে প্রণালীদ্বারা নিরূপণ করা যায় তাহাকে বিশেষ-দৃষ্টান্ত-পর যুক্তি বলে। কোন ওষধ দ্বারা কোন একটি বিশেষ ব্যক্তিকে আরোগ্যলাভ করিতে দেওয়া অত্র এক ব্যক্তি তদ্বারা আরোগ্য লাভ করিবে, ইহা অহুমান করা। বিশেষ দৃষ্টান্তপর যুক্তির দৃষ্টান্ত। এক শ্রেণীর বস্তুর অথবা ঘটনার অন্তর্গত বিশেষ বিশেষ বস্তু অথবা বিশেষ বিশেষ ঘটনার প্রতি যাহা খাটে, তাহা সেই সমস্ত শ্রেণী সম্বন্ধে খাটে, ইহা যে প্রণালীদ্বারা নিরূপণ করা যায় তাহাকে ব্যাপ্তিনিশ্চয় বলে। বিশেষ বিশেষ স্থলে পৃথিবীর আকর্ষণ কার্য দেখিয়া আমরা এই ব্যাপ্তি নিশ্চয় করি যে, সমস্ত

পৃথিবীর আকর্ষণী শক্তি আছে। যে কথা একপ্রকার বস্তু অথবা ঘটনার প্রতি খাটে, তাহা সেই বস্তু অথবা ঘটনা শ্রেণীর অন্তর্গত বিশেষ বিশেষ বস্তু অথবা ঘটনার প্রতি খাটে ইহা যে প্রণালী দ্বারা অবধারণ করা যায় তাহাকে ব্যাপ্যনিরূপণ বলে। সকল মনুষ্যই মরণশীল, অতএব রামচন্দ্র মরণশীল, এই সিদ্ধান্ত ব্যাপ্যনিরূপণের দৃষ্টান্ত। সকল ব্যাপ্যনিরূপণে এক একটি ব্যাপ্তিনিশ্চয় আছে। সকল মনুষ্যই মরণশীল এই ব্যাপ্তিনিশ্চয় উল্লিখিত ব্যাপ্য-নিরূপণে আছে।

বিশেষ দৃষ্টান্তপর, ব্যাপ্তিনিশ্চয় ও ব্যাপ্যনিরূপণ এই তিন প্রকার যুক্তি লইয়া কয়েক প্রকার বিশেষ যুক্তি হইয়াছে, তাহাদের নাম ভাব-মূলক যুক্তি, কার্য-মূলক যুক্তি এবং সাদৃশ্য-মূলক যুক্তি। ভাবমূলক যুক্তি তাহাকে বলা যায়, যাহা বস্তুর ভাবকে অবলম্বন করিয়া তদ্বিষয়ক তত্ত্ব নিরূপণ করে। তাবৎ সৃষ্ট বস্তু অপূর্ণ, অতএব মনুষ্য অপেক্ষা উচ্চতর জীব যদি থাকে, তাহারও অপূর্ণ। সৃষ্ট বস্তুর অপূর্ণতার ভাব হইতে আমরা স্থির করিতেছি যে, মনুষ্য অপেক্ষা উচ্চতর জীব সকল অপূর্ণ। কার্য-মূলক যুক্তি তাহাকে বলা যায়, যদ্বারা কার্য-বিজ্ঞান সহকারে কারণের অস্তিত্ব ও স্বরূপ নিরূপণ করা যায়। ঘটিকা-বস্ত্র দেখিয়া আমরা স্থির করি যে তাহার কারণ কোন ঘটিকার আছে ও তাহার জ্ঞান আছে। কার্য-কারণ-সম্বন্ধ বিবেচনা না করিয়া কেবল বস্তুর সাদৃশ্য বিবেচনা পূর্বক কোন সিদ্ধান্তে উপনীত হওয়ার নাম সাদৃশ্য মূলক যুক্তি। কাক-শরীরের সহিত কুম্ভবর্ণের কার্য-কারণ-সম্বন্ধ আছে কি না, ইহা বিবেচনা না করিয়া কেবল এক কাকের সহিত অল্প কাকের সকল বিষয়ে সাদৃশ্য থাকিবে, ইহা বিবেচনা করিয়া, সকল কাকই কুম্ভবর্ণ এই সিদ্ধান্তে উপনীত হওয়া সাদৃশ্যমূলক যুক্তির এক দৃষ্টান্ত। \*

সহজ জ্ঞান ও যুক্তিমূলক জ্ঞানের বিষয় বলিয়া এক্ষণে বিচারলব্ধ জ্ঞানের বিষয় বলা যাইতেছে।

মনের বেষৃতি দ্বারা আমরা ছই জনার পরস্পর ঐক্যানক্য বিবেচনা করি তাহাকে বিবেক দ্বারা বিচার বলা যায়। অগ্নি শীতল পদার্থ এই

\* অষ্ট্রেলিয়া দেশে খেত কাক দৃষ্ট হইয়াছে -

বাক্যের অর্থার্থতা আমরা বিবেক দ্বারা নির্ধারণ করি। আমরা বিবেচনা করি যে অগ্নির জ্বলের সঙ্গে সৈত্যাভাবের ঐক্যতা নাই অতএব অগ্নি শীতল পদার্থ এই বাক্য কখনই সত্য হইতে পারে না। অমুক যেকোন সচ্চরিত্র ব্যক্তি তাহাতে কখনই এমন বোধ হয় না যে তিনি এইরূপ কুকর্মে করিয়াছেন। এখানে আমরা উল্লিখিত ব্যক্তির সচ্চরিত্রতাভাব ভাবের উল্লিখিত কুকার্যের ভাবের অনৈক্য বিবেচনা করিয়া আমরা নির্ধারণ করি যে তিনি কখনই উল্লিখিত কুকর্ম করেন নাই। প্রত্যেক বিচার কার্যে সহজ জ্ঞান আমাদের দিগকে সহায়তা করে। অগ্নি শীতল পদার্থ নহে এই তত্ত্ব অবধারণে এই সহজ জ্ঞান আমাদের দিগকে সহায়তা করে যে অগ্নি উষ্ণ পদার্থ। অমুক সচ্চরিত্র ব্যক্তি এই কুকার্য কখনই করেন নাই এই সিদ্ধান্তে এই সহজ জ্ঞান আমাদের দিগকে সহায়তা করে যে তিনি সচ্চরিত্র। তাহার সচ্চরিত্রতা আমরা ইন্দ্রিয় প্রত্যক্ষ সংঘটিত সহজ জ্ঞান ও বিবেক সংঘটিত সহজ জ্ঞান দ্বারা অনুভব করি। ইন্দ্রিয় দ্বারা আমরা তাহার কার্য সকল দেখি এবং বিবেক দ্বারা তাহার উৎকর্ষানুৎকর্ষ অনুভব করি।

যুক্তি ও সহজ জ্ঞান দ্বারা সত্য লাভ করা যায়। সত্যলাভের এই দুই উপায়েই মধ্যে কোনটিই অবজ্ঞার যোগ্য নহে। তাহাদের দুয়ের মধ্যে প্রভেদ এই যে সহজ জ্ঞান দ্বারা অব্যবহিতরূপে সত্যলাভ করা যায় আর যুক্তি দ্বারা ব্যবহিতরূপে সত্যলাভ করা যায় কিন্তু যে যুক্তি সহজ জ্ঞানের বিরোধী তাহা সম্পূর্ণরূপে অগ্রাহ্য। যে হেতু সহজ জ্ঞান আমাদের সকল জ্ঞানের পত্তনভূমি। যে শাস্ত্রে সহজ জ্ঞান ও যুক্তির কার্য পরস্পর সম্বন্ধ, নিগম ও ভ্রম নিবারণের উপায় অবধারণ করে তাহাকে প্রকৃত জ্ঞান-শাস্ত্র বলে।

জ্ঞানের বিষয় বলিয়া এক্ষণে বিশ্বাসের বিষয় বলা যাইতেছে।

প্রত্যেক প্রত্যয় হয় আত্মপ্রত্যয়, নতুবা, যুক্তিমূলক প্রত্যয়, অথ প্রকার হইতে পারে না। যে বিশ্বাসকে কল্পনামূলক বলিয়া আপাততঃ জ্ঞান হয় তাহা ক্ষীণ যুক্তি-মূলক। আকাশ প্রস্তরময় ইহা কল্পনামূলক বিশ্বাস বলিয়া আপাততঃ বোধ হয়। কিন্তু উহা ক্ষীণ-যুক্তি-মূলক বিশ্বাস। সে ক্ষীণ যুক্তি এই—কোন বিশেষ প্রস্তরের বর্ণ আকাশের বর্ণের জায় অতএব

আকাশ সেই প্রস্তর রচিত পদার্থ। মেঘ জীবিত পদার্থ এই বিশ্বাসকে আপাততঃ কল্পনামূলক বলিয়া বোধ হয়, কিন্তু তাহা ক্ষীণ যুক্তিমূলক। সে ক্ষীণ যুক্তি এই—বাহ্য গতিবিশিষ্ট তাহাই জীবিত পদার্থ। মেঘ গতিবিশিষ্ট পদার্থ অতএব তাহা জীবিত পদার্থ। কোন কোন বিশ্বাসকে আপাততঃ মানসবিকার-মূলক বলিয়া বোধ হয় বটে, কিন্তু বস্তুতঃ তাহা ক্ষীণ-যুক্তি-মূলক বিশ্বাস। কোন মনুষ্য ভূত দেখিয়াছে এমন বিশ্বাস করে, তাহার সেই বিশ্বাস আপাততঃ মানসবিকার-মূলক অর্থাৎ ভয়-মূলক বিশ্বাস বলিয়া বোধ হইতে পারে, কিন্তু বস্তুতঃ তাহা ক্ষীণ যুক্তি-মূলক বিশ্বাস। সে ব্যক্তি আলোক ও ছায়ার মিশ্র কার্য্য জনিত মনুষ্যাকারবৎ কোন আকার দেখিয়া থাকিবে তাহাতে তাহার ঐ বিশ্বাস জন্মিয়াছে। যে ক্ষীণ যুক্তি অবলম্বন করিয়া সে ঐ সিদ্ধান্তে উপনীত হইয়াছে তাহা এই—মনুষ্যাকারবৎ আকার অবশ্য মনুষ্যেরই হইবে, কিন্তু যেখানে সে আকার দৃষ্ট হইয়াছে তথায় কোন জীবিত মনুষ্যের থাকা সম্ভব নয়, অতএব সেই আকার অবশ্যই কোন মৃত ব্যক্তির আকার হইবে। আমূল অনুসন্ধান করিলে শব্দ-প্রমাণ মূলক বিশ্বাসও হয় যুক্তি-মূলক, নতুবা আত্মপ্রত্যয় হইয়া দাঁড়ায়। বাহ্যাদিগের কথাতো আমরা নির্ভর করিয়া কোন বিষয়ে বিশ্বাস করি সে বিষয়, হয় তাঁহারা নিজে সহজ জ্ঞান দ্বারা জানিতে পারিয়াছিলেন অথবা যুক্তি দ্বারা স্থির করিয়াছিলেন। যদি তাঁহারা নিজে সহজ জ্ঞান দ্বারা তাহা জানিতে পারিয়াছিলেন এমন হয়, তবে ঐ বিশ্বাস সহজ জ্ঞান মূলক বিশ্বাস বলিতে হইবে। যদি নিজে যুক্তি দ্বারা অবগত হইয়া থাকেন তবে তাহাকে যুক্তি-মূলক বিশ্বাস বলিতে হইবে। সূর্য্য পৃথিবীকে প্রদক্ষিণ করে এই বিশ্বাস শব্দ-প্রমাণ-মূলক অর্থাৎ পূর্ব্বকালের মহাজনেরা তাহা বলিয়া গিয়াছেন, এজন্ত অনেকে তাহাতে বিশ্বাস করে। কিন্তু তাঁহাদিগের ঐ বিশ্বাসের মূল তাঁহাদিগের ক্ষীণ যুক্তি মাত্র। অতএব স্থিরীকৃত হইতেছে যে প্রত্যেক প্রত্যয় হয় সহজ-জ্ঞান-মূলক, নয় যুক্তি-মূলক।

মনোবৃত্তিতে আমাদের বিশ্বাস করিতেই হইবে, এই প্রাকৃতিক নিয়ম দ্বারা আমাদের সকল বিশ্বাস নিয়মিত হয়। মনোবৃত্তিতে বিশ্বাস আমাদের সকল বিশ্বাসের মূল। সহজ জ্ঞান আমাদের যাহা জানাইয়া

দিতেছে তাহা আমরা না বিশ্বাস করিয়া কখনই থাকিতে পারি না।  
 \* যুক্তি আমাদেরকে যাহা জানাইয়া দিতেছে তাহা আমরা না বিশ্বাস করিয়া  
 কখনই থাকিতে পারি না। স্মৃতি দ্বারা যাহা আমরা স্মরণ করিতেছি তাহা  
 যথার্থ, ইহা আমরা না বিশ্বাস করিয়া কখনই থাকিতে পারি না। মনই  
 বলিয়া দেয় যে কোন্ বৃত্তিকে বিশ্বাস করিতে হইবে কোন্ বৃত্তিকে বিশ্বাস  
 করিতে হইবে না। মনই বলিয়া দেয় যে সহজ জ্ঞান, যুক্তি প্রভৃতি বৃত্তি বিশ্বাস  
 করিতে হইবে, কল্পনাকে বিশ্বাস করিতে হইবে না। মনই বলিয়া দেয়  
 যে কোন্ বৃত্তিকে কতদূর বিশ্বাস করিতে হইবে। মনই বলিয়া দেয় যে  
 কোন স্থলে এমন কি আত্মপ্রত্যয়কেও বিশ্বাস করা যাইতে পারে না। \*  
 মনই বলিয়া দেয় যে যুক্তির নিয়ম কি কি এবং সেই সকল নিয়ম পালন  
 করিলে আমরা সত্যে উত্তীর্ণ হইতে পারি এবং পালন না করিলে আমরা  
 ভ্রমে পতিত হই। মন যতদূর আমাদেরকে জানাইয়া দেয় ততদূরই  
 আমরা জানিতে পারি, তাহার অধিক জানিতে পারি না। প্রকৃতিকে  
 জিজ্ঞাসা করিবার আমাদের অধিকার নাই যে,—তুমি আমাদেরকে এত  
 দূর অবধি জানাইলে, অধিক জানাইলে না কেন? মাতার বিনম্র পুঞ্জের  
 আয় প্রকৃতির পদতলে বসিয়া তিনি যাহা শিক্ষা দিবেন ও যতদূর শিক্ষা  
 দিবেন, তাহাই আমাদের নত মস্তকে গ্রহণ করিতে হইবে।

---

\* কোন কোন জ্যোতিষবাদক পৌড়ার সময় যাহা আমরা দেখি অস্ত্রের পক্ষে তাহা বিশ্বাস-  
 যোগ্য নহে।



## প্রস্তাভাস ।

---

সকল বিজ্ঞান শাস্ত্র আত্মপ্রত্যয়ের উপর সংস্থাপিত । আত্ম প্রত্যয় দুই প্রকার, ইন্দ্রিয়গোচর পদার্থ-সম্বন্ধীয় ও ইন্দ্রিয়ের অগোচর পদার্থ-সম্বন্ধীয় ইন্দ্রিয় গোচর পদার্থ যেমন বিজ্ঞানের বিষয় তেমনি ইন্দ্রিয়ের অগোচর পদার্থ, বিজ্ঞানের বিষয় । আত্ম প্রত্যয় যেমন প্রথম প্রকার বিজ্ঞানের পত্তনভূমি তেমনি শেষ প্রকার বিজ্ঞানেরও পত্তনভূমি ।

ঈশ্বর ও আত্মা ইন্দ্রিয়ের অগোচর পদার্থ । কার্য্যকারণ সম্বন্ধ পর্যালোচনারূপ পদ্ধতি দ্বারা আমরা ঈশ্বরে উপনীত হই, এমত নহে ; আমরা এক প্রকার দর্শনদ্বারা তাঁহাকে দেখিতে পাই । আমি যেমন এক অতীন্দ্রিয় দর্শন দ্বারা আপনাকে অর্থাৎ আত্মাকে অনুভব করিতেছি, সেইরূপ আত্মার নির্ভরহুলকে অর্থাৎ আত্মার আত্মাকে অনুভব করিতেছি । অগ্ৰাণু দর্শন গোচর পদার্থ যেমন বিজ্ঞানের বিষয় সেইরূপ আত্মা ও পরমাত্মা উভয়ই বিজ্ঞানের বিষয় । আত্মা যেমন মনোবিজ্ঞানের বিষয়, ঈশ্বর তেমনি ব্রহ্মবিদ্যার বিষয় ।

পদার্থ বিদ্যা-বিশারদ পণ্ডিতেরা যেমন পদার্থ-সম্বন্ধীয় কতকগুলি প্রধান তত্ত্ব দর্শন ও পরীক্ষা দ্বারা নিরূপণ করিয়াছেন, তেমনি ব্রহ্মবিদ্যা-বিশারদ পণ্ডিতেরা আধ্যাত্মিক দর্শন ও পরীক্ষা দ্বারা ব্রহ্মবিদ্যা সম্বন্ধীয় নিম্ন লিখিত প্রেমান তত্ত্ব সকল নিরূপণ করিয়াছেন ।

- (১) ঈশ্বরের অস্তিত্ব ।
- (২) ঈশ্বরে অনন্তত্ব ।
- (৩) আত্মার অস্তিত্ব ।
- (৪) আত্মার অমরত্ব ।
- (৫) মনুষ্যের ইচ্ছার স্বাধীনতা ।

- (৬) জ্ঞায় অন্ত্যায়ের অস্তিত্ব ।
- (৭) স্বার্থপরতা পরিত্যাগের মহত্ব ।
- (৮) ঈশ্বর প্রীতির মহত্ব ও সৌন্দর্য্য ।

এই সকল তত্ত্বের সত্য পণ্ডিতেরা যেমন অনুভব করেন তেমনি সামান্ত লোকেও অনুভব করিতে সমর্থ হয় । নিজের ও সর্বসাধারণ লোকের অমু-  
ভবকে অবলম্বন করিয়া পণ্ডিতেরা এই সম্বন্ধীয় ঐ সকল প্রধান তত্ত্ব  
নির্দারণ করিয়াছেন । সর্বসাধারণ লোকের অনুভবই ব্রহ্মবিদ্যার পত্তন  
ভূমি ।

ঐ সকল তত্ত্ব এই গ্রন্থে ক্রমশঃ প্রমাণীকৃত ও ব্যাখ্যাত হইবে ।

---

## প্রথম অধ্যায় ।



### আত্মপ্রত্যয় ও যুক্তি দ্বারা ঈশ্বরতত্ত্ব সংস্থাপন ।

মর্ত্যলোকে অবস্থিত হইয়া মনুষ্যের মনশ্চক্ষু কেবল মর্ত্য লোকে সম্বন্ধ আছে এমত নহে। তাহার এক লোকাতিগ দৃষ্টি আছে, যদ্বারা তাহার হৃদয়ে সকল পদার্থ ও ঘটনার সম্পূর্ণ ও নিত্য নির্ভর-স্থল কোন পূর্ণ পদার্থে বিশ্বাস সঞ্চারিত হয়।

ঈশ্বরে বিশ্বাস সকল ধর্মের মূল।

এ বিশ্বাস পরম্পরাগত-প্রবাদ-মূলক নহে। কোন কোন পণ্ডিত বলিয়া থাকেন লোকে বালা কালে কেবল পিতা মাতা প্রভৃতি গুরুজনের মুখ-বিনির্গত ধর্মোপদেশ প্রাপ্ত হইয়া ঈশ্বরতত্ত্বে বিশ্বাস করে, তাঁহারা বিবেচনা করেন না যে ঈশ্বরতত্ত্বে যাহারা বিশ্বাস করে তাহাদিগের মধ্যে অনেক বুদ্ধিমান ব্যক্তি আছেন, তাঁহারা গুরুপরম্পরা-প্রবাহিত প্রবাদের প্রতি অবিবেচনা পূর্বক নির্ভর না করিয়া স্বীয় স্বীয় বুদ্ধির পরিচালনা দ্বারা মতের সত্যাসত্য পরীক্ষা করিয়া দেখেন। যখন দেখা যাইতেছে যে তাঁহারাও ঈশ্বর-তত্ত্বে বিশ্বাস করেন, তখন তাঁহারা কেবল চির পরম্পরাগত প্রবাদের প্রতি নির্ভর করিয়া ঐ তত্ত্বে বিশ্বাস করিতেছেন, এমন কখনই বলা যাইতে পারে না। পরন্তু চিরপরম্পরাগত প্রবাদ অনাদি নহে; অবশ্য এক সময়ে তাহাদ্বারা প্রথম উৎপত্তি হইয়া থাকিবে।

ঈশ্বরতত্ত্বে বিশ্বাস ঈশ্বরের আত্মপরিচয় প্রদানমূলকও নহে। ঈশ্বর আছেন ও তিনি অদ্রাস্ত, ইহা অগ্রে না মানিলে ঈশ্বরের আত্মপরিচয় প্রদানে বিশ্বাস করা যাইতে পারে না। ঈশ্বরের অদ্রাস্ত স্বরূপ মানিতে গেলে তাঁহার পূর্ণতাও মানিতে হয়। অতএব প্রমাণ হইতেছে যে ঈশ্বরে বিশ্বাস তাঁহার আত্মপরিচয় প্রদান মূলক নহে।

ঐ বিশ্বাস, ভয়, ভক্তি প্রভৃতি মানস-বিকার জনিত নহে। পূর্বেই প্রদর্শিত হইয়াছে যে মানস বিকারের কোন প্রকার বিশ্বাস জন্মাইবার ক্ষমতা নাই।

ঐ বিশ্বাস কল্পনামূলকও নহে। পূর্বেই প্রদর্শিত হইয়াছে যে, কল্পনাও কোন প্রকার বিশ্বাস জন্মাইতে পারে না। অধিকন্তু পূর্বে প্রদর্শিত হইয়াছে, কল্পনা কোন মৌলিক ভাব উৎপাদন করিতে পারে না, ঈশ্বরের ভাব মূল ভাব।

ঈশ্বরের ভাব যে মূল ভাব, তাহা নিম্নে প্রদর্শিত হইতেছে।

ঈশ্বর প্রকৃতির ভাব অথ কোন ভাব হইতে উৎপন্ন হয় নাই। ঈশ্বর লোকাভীত পদার্থ, লোকাভীত পদার্থ অথ সকল বস্তু হইতে ভিন্ন। লোকাভীত পদার্থের ভাব অথ কোন বস্তু হইতে উৎপন্ন হয় নাই।

যখন প্রমাণীকৃত হইল যে ঈশ্বরের ভাব মূল ভাব, তখন তাহা কল্পনামূলক বলা যাইতে পারে না।

ঈশ্বর-তত্ত্ব-প্রত্যয় যুক্তি-মূলকও নহে। পূর্বেই প্রদর্শিত হইয়াছে যে যুক্তিব বিষয়ীভূত বস্তু অত্যাগ্ৰ বস্তুসদৃশ, কিন্তু ঈশ্বরের ভাব মূল ভাব।

অতএব ঈশ্বরে বিশ্বাস কল্পনা অথবা যুক্তি মূলক বিশ্বাস বলা যাইতে পারে না। ঈশ্বরের অস্তিত্বে প্রত্যয় আত্ম প্রত্যয়। ঈশ্বরের অস্তিত্বে বিশ্বাস আত্ম প্রত্যয়, তাহা নিম্নে প্রদর্শিত হইতেছে।

আমরা স্বতন্ত্র নহি, আমরা অপূর্ণ ও পদে পদে আমাদের পরতন্ত্রতা অনুভব করি। আমরা নিরতই যে স্বতন্ত্র-স্বভাব কোন পূর্ণ পুরুষের প্রতি নির্ভর করিতেছি, ইহা না বিশ্বাস করিয়া আমরা কখনই থাকিতে পারি না। আত্মার নির্ভর ভাবের ভিতর শেষ নির্ভরস্থল স্বরূপ অনাদি নিরালম্ব পূর্ণ পদার্থের ভাব ভুক্ত আছে। নির্ভরের ভাব শেষ নির্ভর স্থলের অস্তিত্ব বুঝায়। আমাদের স্বভাব ও বাহ্য বিষয়ের স্বভাব অপূর্ণ, ইহা যেমন আমরা না বিশ্বাস করিয়া থাকিতে পারি না; তেমনি কোন পূর্ণ পদার্থের প্রতি আমরা ও বাহ্য পদার্থ সর্বদা নির্ভর করিতেছে, এ বিশ্বাস আমরা না করিয়া থাকিতে পারি না। অতএব ঐ প্রত্যয় অবশ্য বিশ্বাসনীয়। এ বিশ্বাসের কোন যৌক্তিক প্রমাণ দেওয়া যাইতে পারে না, অপচ আমরা তাহাতে না বিশ্বাস

করিয়া থাকিতে পারি না, অতএব তাহা স্বতঃসিদ্ধ । ঈশ্বরের ভাব মূল ভাব, তাহা ইতি পূর্বেই প্রদর্শিত হইয়াছে । অতএব ঐ ভাব আদিম ।

ঈশ্বরতত্ত্ব-প্রত্যয় যেমন অবশ্য বিশ্বসনীয়, স্বতঃসিদ্ধ ও মৌলিক তেমনি তাহা সর্বস্বদয়াধিষ্ঠিত ।

আত্মপ্রত্যয় সকল উপলক্ষ-বশতঃ মানব-মনে উদ্ভূত হয়; অতএব সকল আত্মপ্রত্যয় প্রকৃতপ্রস্তাবে সর্বস্বদয়াধিষ্ঠিত নহে । কিন্তু ইহা অবশ্য স্বীকার করিতে হইবে যে ঈশ্বরতত্ত্ব প্রত্যয় সেরূপ নয় । তাহার উদয়ের উপলক্ষ সকল মনুষ্যের সম্বন্ধে ঘটে, মনুষ্য আপনার অপূর্ণতা আলোচনা করিলেই তাহার মনে এক পূর্ণ পুরুষের ভাব উদ্ভূত হয় । অতএব ঈশ্বরতত্ত্ব প্রত্যয় প্রকৃত প্রস্তাবে সর্বস্বদয়াধিষ্ঠিত ইহা প্রমাণ করা কর্তব্য ।

সকল মনুষ্য বস্তুর অলৌকিক নির্ভর স্থলে বিশ্বাস করে । পর্যটকেরা যে সকল জাতির ঐ বিশ্বাস নাই বলিয়া প্রথমে স্থির করিয়াছিলেন, পরে বিশেষ অনুসন্ধানের দ্বারা জানা গিয়াছে, তাহাদের ঐ বিশ্বাস আছে । যেমন উষ্ণ মণ্ডলের কোন বৃক্ষ বা লতা শীত মণ্ডলে রোপণ করিলে তাহা এমনি পরিবর্তিত ও বিকৃতাকার হইয়া যায় যে তাহাকে সেই বৃক্ষ অথবা লতা বলিয়া ডাকা যাইতে পারে না; সেইরূপ বদ্যপি এমন কোন জাতি পাওয়া যায়, যাহাদিগের ধর্ম্মভাব কিছুমাত্র নাই, তাহাদিগকে মনুষ্য বলিয়া গণ্য করা যাইতে পারে না । কেহ কেহ এই কথা বলেন যে, যখন কোন কোন ব্যক্তিকে অর্থাৎ নাস্তিকদিগকে ঈশ্বরের অস্তিত্বে বিশ্বাস না করিতে দৃষ্ট হয়, তখন ঈশ্বর-তত্ত্বপ্রত্যয় সর্বস্বদয়াধিষ্ঠারী, ইহা কি প্রকারে বলা যাইতে পারে? তাহার উত্তর এই—যেমন সকল নিয়মের ব্যভিচার স্থল আছে তেমনি ঈশ্বর-তত্ত্বপ্রত্যয় সম্বন্ধীয় নিয়মেরও ব্যভিচার স্থল আছে । যেমন একহস্তবিশিষ্ট শিশু জন্মিতে দেখা দ্বারা কখনই প্রমাণ হয়-না যে মনুষ্য স্বভাবতঃ দুই হস্ত বিশিষ্ট নহে, তেমনি দুই একটি নাস্তিক থাকিতে কখনই প্রমাণ হয় না যে মনুষ্যের স্বভাবতঃ ধর্ম্মভাব নাই । মনুষ্য যেমন বস্তুর অলৌকিক নির্ভর স্থলে বিশ্বাস করে, তেমনি তাহাকে সকল বস্তুর নির্ভর স্থল বলিয়া বিশ্বাস করে । এক-ঈশ্বরবাদীরা বিশ্বাস করে যে সকল পদার্থই এক ঈশ্বরের প্রতি নির্ভর করে । বহুদেবোপাসকেরা বিশ্বাস করে যে সকল

জ্ঞাত বস্তুরই দেবতা আছে। যখন তাহারা কোন নূতন বস্তু অথবা ঘটনা দেখে তখন তাহারা তাহার অগিষ্ঠাত্মী নূতন দেবতার কল্পনা করে। সকল মনুষ্যই বিশ্বাস করে যে অলৌকিক পদার্থের প্রতি সকল বস্তু সম্পূর্ণ রূপে নির্ভর করিতেছে। একেশ্বর-বাদীরা বিশ্বাস করে যে ঈশ্বরের প্রতি সকল বস্তু সম্পূর্ণ নির্ভর করিতেছে। বহুদেবোপাসকদিগের সম্পূর্ণ নির্ভরের ভাব অদ্যাপি উজ্জল নহে, তথাপি সকল বস্তুই যে দেবতাদিগের উপর সম্পূর্ণরূপে নির্ভর করিতেছে এ বিশ্বাস যে তাহাদিগের হৃদয়েই বিদ্যমান আছে, তাহা তাহাদের স্তোত্র ও প্রার্থনাদ্বারা প্রকাশিত হয়। সকল মনুষ্যই বিশ্বাস করে যে অলৌকিক পদার্থের প্রতি সকল বস্তু নিত্যকাল নির্ভর করিতেছে। এবং সেই অলৌকিক পদার্থ পুরুষ অর্থাৎ আদম। একেশ্বর-বাদীরা বিশ্বাস করে যে সকল বস্তুই ঈশ্বরের প্রতি নিত্যকাল নির্ভর করিতেছে। বহুদেবোপাসকেরা বিশ্বাস করে যে এমন সময় কখন হয় নাই এবং হইবেকও না, যখন পদার্থসকল দেবতাদিগের উপর নির্ভর করে নাই এবং কবিরেক না। কোন কোন ধর্মাবলম্বী ঈশ্বরকে সাকার ও কোন কোন ধর্মাবলম্বী তাহাকে নিরাকার বলিয়া জ্ঞান করে কিন্তু সকলেই তাহাকে পুরুষ অর্থাৎ আত্মা বলিয়া বিশ্বাস করে। সকল মনুষ্য সকল বস্তুর সম্পূর্ণ ও নিত্য অলৌকিক নির্ভর স্থলকে পূর্ণস্বরূপ বলিয়া বিশ্বাস করে। একেশ্বরবাদী জাতি সকল বস্তুর নির্ভর স্থল একমাত্র অদ্বিতীয় পরমেশ্বরকে পূর্ণপদার্থ বলিয়া বিশ্বাস করে। বহুদেবোপাসক জাতি তাহা-দেব উপাস্ত দেবতা সমূহকে পূর্ণস্বরূপ বলিয়া বিশ্বাস করে। দৈববল অপেক্ষা বল নাই, দেবতারা সকল দেখিতেছেন ও সকল করিতেছেন, দেব-তারা অমর ও পুণ্ডরীক, বহুদেবোপাসক জাতিদিগের মধ্যে প্রচলিত ঐ সকল বাক্য দ্বারা প্রমাণ হইতেছে যে তাহারা তাহাদিগের উপাসিত দেবতা সমূহকে পূর্ণতার আধার বলিয়া জ্ঞান করে। আবার কোন কোন বহু-দেবোপাসক জাতি আপনাদিগের উপাসিত দেবতা সকলের মধ্যে একটী দেবতাটুকু পূর্ণস্বরূপ ও অল্প সকল দেবতা তাহার নিতান্ত অধীন এইরূপ বিশ্বাস করে। কোন কোন জাতি অধিক হস্ত ও অধিক মস্তক থাকাকে পূর্ণতার লক্ষণ বলিয়া জ্ঞান করে। কোন কোন জাতি নিরাকারত্বকে পূর্ণ-

তার লক্ষণ বলিয়া জ্ঞান করে। কোন কোন জাতি একটা পক্ষত অথবা  
 বনের উপর নিয়ন্তৃত্বকে পূর্ণতার লক্ষণ বলিয়া জ্ঞান করে। তাহাদের  
 দ্বন্দ্বের পূর্ণতার উচ্চতর ভাব নাই। তাহাদের মন যেমন ক্ষুদ্র, জ্ঞান যেমন  
 সংকীর্ণ, পূর্ণতার ভাবও তাহাদিগেব তজ্জপ। কোন কোন জাতি সমস্ত  
 জগতের উপর নিয়ন্তৃত্বকে পূর্ণতার লক্ষণ বলিয়া জ্ঞান করে। পূর্ণতার  
 ভাব ভিন্ন ভিন্ন হউক, কিন্তু সকল জাতি এক পূর্ণস্বরূপ পদার্থকে বিশ্বাস  
 করে ইহার সন্দেহ নাই। অতএব স্থিরীকৃত হইতেছে যে, সকল বস্তুর সম্পূর্ণ  
 ও নিত্য নির্ভর স্থল কোন পূর্ণ পুরুষ আছেন, এই বিশ্বাস সকল মনুষ্যেরই  
 আছে।

স্বতঃসিদ্ধতা, আদিমত্ব, অবশ্য বিশ্বসনীয়তা এই সকল লক্ষণ থাকাতে  
 সকল বস্তুর সম্পূর্ণ নির্ভর স্থল এক পূর্ণ পদার্থ আছে এই বিশ্বাসকে আত্ম  
 প্রত্যয় বলা যায়। উহা পদার্থ বোধক আত্মপ্রত্যয়। পদার্থ বোধক  
 আত্ম প্রত্যয়ের এক আকার স্বাভাবিক সংস্কার। এই স্বাভাবিক  
 সংস্কারের প্রধান লক্ষণ এই যে তাহা অন্ধরূপে কার্য্য করে। যখন  
 বিশেষ বিশেষ পক্ষী যে দেশে বসন্ত বিরাজ করিতেছে সেই সেই  
 দেশের দিকে গমন করে, তখন সেই দেশ কোন্ দেশ অবিজ্ঞাত  
 থাকিয়াও সেই দিকে গমন করে। যখন নব মধুমক্ষিকা প্রথম মধুগর্ভ  
 পুষ্পের দিকে গমন করে, তখন মধু কি পদার্থ তাহা অবিজ্ঞাত  
 থাকিলেও মধুগর্ভ পুষ্প দিকে গমন করে। মনুষ্যের আত্মা বাহ্য বিষয়  
 কি আত্মাকে সহজ জ্ঞান দ্বারা যে রূপ স্পষ্ট রূপে অনুভব করে, ঈশ্বরকে  
 সেরূপ অনুভব করিবার পূর্বে এই অন্ধ সংস্কারের বশবর্তী হইয়া কার্য্য  
 করে। তাহা ঈশ্বরকে অবিজ্ঞাত থাকিয়াও এই অন্ধ সংস্কারের বশ-  
 বর্তী হইয়া তাহার প্রতি নির্ভর জ্ঞান তাহার দিকে গমন করে। কৃষ্ণটি  
 যেমন একগুণ খড়িকে ভ্রমবশতঃ আপনার অণুমনে করিয়া  
 তাহাকে উত্তাপ প্রদান করে। সেইরূপ মনুষ্য নৈসর্গিক পদার্থ  
 সকলকে ঈশ্বর মনে করিয়া তাহাদের উপাসনা করে। কিন্তু  
 যখন তাহাদের মধ্যে কৌশলের সামান্য অনুভব করে তখন এক  
 মাত্র অদ্বিতীয় সত্য স্বরূপ ঈশ্বরকে উপাসনা করে, তখন সে যে সহজ জ্ঞানের

দ্বারা পদার্থ সকল স্পষ্ট রূপে অমুভব করে, সেই সহজ জ্ঞান দ্বারা ঈশ্বরকেও স্পষ্টরূপে অমুভব করে। তখন যে ঈশ্বরকে তাহার আত্মা পূর্বে স্বাভাবিক সংস্কার বশতঃ অন্ধরূপে অন্বেষণ করিতেছিল সেই ঈশ্বরকে প্রাপ্ত হয়। উল্লিখিত কৌশলের সাহায্য অমুভব ঈশ্বরকে পদার্থ বোধক সহজ জ্ঞান দ্বারা স্পষ্ট রূপে অমুভবের উপলক্ষ স্বরূপ হয়।

উল্লিখিত সহজজ্ঞান দ্বারা ঈশ্বরের স্পষ্ট অমুভবের বিষয় নিম্নে বিবৃত হইতেছে।

একই প্রকার অমুভব শক্তিদ্বারা আমরা বাহ্য পদার্থ, আত্মা এবং ঈশ্বরকে অমুভব করি, কিন্তু যে অমুভব দ্বারা আমরা বাহ্য পদার্থকে অমুভব করি তাহা ইন্দ্রিয়ের সাহায্য দ্বারা করিয়া থাকি কিন্তু আত্মা এবং ঈশ্বর অমুভবকার্য্যে ইন্দ্রিয়ের সাহায্য আবশ্যক করে না। আমরা আপনাকে যে অমুভব করিতেছি তাহা ইন্দ্রিয়ের সাহায্য না লইয়া অমুভব করিতেছি। আমি আমার মস্তক নহি, চক্ষু নহি, কণ্ঠ নহি, আমি আমার শরীর অথবা শরীরের অঙ্গ নহি, “আমি” পদার্থকে আমার ইন্দ্রিয় দ্বারা অমুভব করি না, ঈশ্বরকেও সেইরূপ কোন ইন্দ্রিয় দ্বারা আমি অমুভব করি না। একই প্রকার অমুভব শক্তি দ্বারা আমরা বাহ্য পদার্থ আত্মা ও ঈশ্বর অমুভব করিতেছি বলিয়া। প্রাচীনেবা বলিয়া গিয়াছেন যে ঈশ্বর দৃষ্টব্যপদার্থ। পদার্থবিদ্যা ইন্দ্রিয়গোচর পদার্থ প্রতিপাদন করে, মনোবিজ্ঞান এবং অধ্যাত্ম বিদ্যা আত্মাকে প্রতিপাদন করে এবং ব্রহ্ম বিদ্যা ঈশ্বরকে প্রতিপাদন করে। ইহার প্রত্যেকে বিজ্ঞান শাস্ত্র। প্রত্যেক বিজ্ঞান শাস্ত্র যেমন কতকগুলি আত্ম প্রত্যয়ের উপর সংস্থাপিত, তেমনি ব্রহ্ম বিদ্যাও কতকগুলি আত্ম প্রত্যয়ের উপর সংস্থাপিত। অত্যাশ্চর্য্য বিজ্ঞান শাস্ত্র যেমন দর্শন ও পরীক্ষা দ্বারা উন্নত হয়, তেমনি ব্রহ্মবিদ্যাও আধ্যাত্মিক দর্শন ও পরীক্ষা দ্বারা উন্নত হয়।

কোন ভৌতিক পদার্থ দর্শন করিলে যেমন আমরা এক কালে পদার্থের অস্তিত্ব ও গুণ সকল অমুভব করি তেমনি ঈশ্বরকে অমুভব করিবার সময় আমরা তাঁহার অস্তিত্বের সঙ্গে সঙ্গে তাঁহার কতকগুলি গুণ অমুভব করি। যেমন সমুদ্রগর্ভিত বৃক্ষ অমুভব কালে তাহার আকৃতি ও বর্ণ



অমূল্য করি, তেমনি ঈশ্বরকে অমূল্য করিবার সময় তাঁহার নিরতিশয় মহত্ব ও অস্তিত্ব ও তাঁহার প্রতি সকল পদার্থের সম্পূর্ণ নির্ভর অমূল্য করি। ঈশ্বরকে অমূল্য করিবার সময় আমরা তাঁহাকে অর্থাৎ নিরতিশয় মহৎ এবং অসীম পূর্ণ বলিয়া এবং সকল পদার্থ সম্পূর্ণরূপে নিত্যকাল নির্ভর করিতেছে বলিয়া অমূল্য করি ।

যখন ঈশ্বরানুভবেব সংস্কার কল্পনা মিশ্রিত থাকে তখন নানা উপধর্ম ও কুসংস্কারের উৎপত্তি হয় কিন্তু যখন বিবেক অর্থাৎ বিচারের উদ্রেক হয় তখন প্রকৃত তত্ত্ব জ্ঞানের উদয় হয়। অসভ্য ও অজ্ঞানান্ধ লোকে কল্পনার বশবর্তী হইয়া বিশ্বাস করে যে ঈশ্বরের নিরতিশয় মহত্ব অনেক মস্তক ও অনেক হস্ত বিশিষ্ট প্রকাণ্ড শরীরের প্রতি নির্ভর করে। অতএব তাহারা তাঁহাকে ঐ প্রকার শরীর বিশিষ্ট বলিয়া বিশ্বাস করে, পরিমার্জিত বুদ্ধি সম্পন্ন লোকেরা বিবেক দ্বারা স্থির করে যে ঈশ্বর যখন নিরতিশয় মহৎ তখন তিনি শব্দী হইতে পারেন না। ঐ প্রকার অজ্ঞানান্ধ অবস্থার লোকে কল্পনার বশবর্তী হইয়া ঈশ্বর সম্বন্ধীয় নানা প্রকাণ্ড অমূল্য প্রত্যয়ে বিশ্বাস করে কিন্তু বিবেক দ্বারা যখন তাহাদিগের হৃদয়ে জ্ঞানালোকের কিরণ ফরণ হয় তখন তাহার আলোকে ঐ সকল অমূল্য কল্পনা অন্তর্হিত হয়।

বিচার দ্বারা কি প্রকারে মনে একত্ব তত্ত্ব জ্ঞানের উদয় হয় তাহা নিম্নে প্রদর্শিত হইতেছে।

ঈশ্বর যখন সকল বস্তু সম্পূর্ণ নির্ভর স্থল তখন সকল বস্তুর স্বজন, বস্তুমানতা, অস্তিত্ব ও শক্তি তাঁহার প্রতি সম্পূর্ণরূপে নির্ভর করিতেছে। সকল বস্তুই তাঁহারই দ্বারা সৃষ্ট হইয়াছে এবং তাঁহারই দ্বারা বিবৃত হইয়া স্থিতি করিতেছে। কোন কোন পণ্ডিত বলেন যে ঈশ্বর ও জগৎ উভয় নিত্যকাল আছে, ঈশ্বর জগতের নির্মাতা ও নিয়ন্তা, স্রষ্টা নহেন। ঈশ্বর ও জগৎ উভয়েই নিত্যকাল বর্তমান রহিয়াছে, আমরা এরূপ কখনই স্বীকার করিতে পারি না, যেহেতু আমাদের আত্ম প্রত্যয় এই যে ঈশ্বর অতীত সকল বস্তু সম্পূর্ণ নির্ভর স্থল। জগৎ নিত্য পরমাণু দ্বারা ঈশ্বর কর্তৃক নির্মিত হইয়াছে ইহা মননে হইলে জগৎ ঈশ্বরের সম্পূর্ণরূপ অধীন ইহা মনে হয় না কিন্তু আমাদের আত্ম প্রত্যয় বলিয়া দিতেছে যে জগৎ ঈশ্বরের সম্পূর্ণরূপে অধীন।

অতএব প্রমাণ হইতেছে যে জগৎ ঈশ্বরের দ্বারা এক সময় সৃষ্ট হইয়াছিল। ভূতত্ত্ববেত্তারা পৃথিবী ও জ্যোতির্কোস্তারা ড্যালোক সম্বন্ধীয় যে সকল বিশাল পরিবর্তনের কথা বলেন, জগৎ এক সময় সৃষ্ট না হইয়া কেবল সেই সকল পরিবর্তনের প্রবাহে যে নিত্যকাল তাহাতে প্রবাহিত হইয়া আসিতেছে এমন নহে। জগৎ এক সময় সৃষ্ট হইয়াছিল, সৃষ্টির পর ঐ সকল পরিবর্তন তাহাতে ঘটিয়াছে।

ঈশ্বর আত্মা কিন্তু তিনি নিবতিশয় মহান, অতএব তিনি শরীর বিশিষ্ট আত্মা নহেন এবং তাহাতে আত্মার নিকট ঐশ্বর্য সকল নাই। যখন শরীর নিকট পদার্থ এবং কাম ও ক্রোধাদি প্রবৃত্তি নিকট প্রবৃত্তি, তখন সে সকল পূর্ণ পুরুষ পরমেশ্বরে থাকিতে পারে না। যখন বুদ্ধি, বিবেক, স্মরণ প্রভৃতি \* মানসিক বৃত্তি স্বভাবতঃ ক্ষীণ, তখন সে সকল বৃত্তি ঈশ্বরে থাকিতে পারে না। যে আত্মার সম্মান আত্মা আছে অথবা বাহ্য অপেক্ষা অল্প আত্মা শ্রেষ্ঠ তাহা কখন নিবতিশয় মহান আত্মা নহে, ঈশ্বর যখন নিবতিশয় মহান তখন তিনি অদ্বিতীয়। যে আত্মা পরিমিত দেশ ব্যাপী ও পরিমিত কাল স্থায়ী সে আত্মা পূর্ণ আত্মা নহে। অতএব ঈশ্বর পরিমিত দেশ ব্যাপী অথবা পরিমিত কাল-স্থায়ী নহেন। তিনি অনন্ত দেশ ব্যাপী অর্থাৎ সর্বব্যাপী ও অনন্তকাল স্থায়ী অর্থাৎ নিত্য।

যে আত্মার জ্ঞান, শক্তি, করুণা ও আনন্দ নাই, তাহাকে পূর্ণ আত্মা বলা যায় না। অতএব সে সকল পূর্ণ পুরুষে আছে ও প্রত্যেক লক্ষণ তাহাতে পূর্ণ ভাবে আছে অর্থাৎ তিনি অনন্ত জ্ঞান, অনন্ত শক্তি, অনন্ত করুণা ও অনন্ত আনন্দবিশিষ্ট। যে আত্মা সম্পূর্ণ রূপে পবিত্র নহে তাহাকে কখনই পূর্ণ বলা যায় না অতএব ঈশ্বর সম্পূর্ণ রূপে পবিত্র।

উল্লিখিত বিচার আত্মপ্রত্যয়ের সাহায্য লইয়া কার্য্য করে, কিরূপে আত্মপ্রত্যয়ের সাহায্য লইয়া কার্য্য করে, তাহা নিম্নে প্রদর্শিত হইতেছে।

আমরা আত্মপ্রত্যয় দ্বারা জানিতেছি যে, উৎপত্তি, বর্তমান অস্তিত্ব, ও শক্তির জন্ত নির্ভরকে সম্পূর্ণ নির্ভর বলে। আমরা বিচার দ্বারা জানি-

\* বুদ্ধি করিয়া বাহির করিতে হয়, বিবেচনা করিয়া স্থির করিতে হয়, অতএব এই সকল বুদ্ধিকে ক্রিয়তা সূচক বলিতে হইবে।

তেছি যে, যখন ঈশ্বর সকল পদার্থের সম্পূর্ণ নির্ভরস্থল, তখন তিনি সকল বস্তুর উৎপত্তি, বর্তমান অস্তিত্ব ও শক্তির নির্ভর স্থল ।

আত্মপ্রত্যয় আমাদিগকে বলিয়া দেয় যে, শরীর নিকৃষ্ট পদার্থ ও কাম ক্রোধাদি প্রবৃত্তি নিকৃষ্ট প্রবৃত্তি । বিবেক আমাদিগকে বলিয়া দেয় যে, যখন শরীর নিকৃষ্ট পদার্থ ও কাম ক্রোধাদি নিকৃষ্ট প্রবৃত্তি তখন সে সকল পূর্ণ পুরুষ পরমেশ্বরে থাকিতে পারে না । আত্মপ্রত্যয় আমাদিগকে বলিয়া দেয় যে, যুক্তি, বিবেক, স্মরণ প্রভৃতি মানসিক বৃত্তি স্বভাবতঃ ক্ষীণ ; বিবেক আমাদিগকে বলিয়া দেয় যে, সে সকল বৃত্তি যখন স্বভাবতঃ ক্ষীণ, তখন তাহা ঈশ্বরে নাই । আত্মপ্রত্যয় আমাদিগকে জানাইয়া দেয় যে, অদ্বিতীয়ত্ব পূর্ণতার লক্ষণ ; বিবেক আমাদিগকে জানাইয়া দেয় যে, পূর্ণ পুরুষ যিনি তিনি অদ্বিতীয় । আত্মপ্রত্যয় আমাদিগকে বলিয়া দেয় যে, পারমিত দেশ-ব্যাপিত্ব অথবা পারমিত-কাল স্থায়িত্ব অপূর্ণতার লক্ষণ ; বিবেক আমাদিগকে বলিয়া দেয়, সে সমস্ত গুণ ঈশ্বরে থাকিতে পারে না । তিনি অনন্ত দেশব্যাপী অর্থাৎ সর্বব্যাপী ও অনন্তকালস্থানী অর্থাৎ নিত্য ।

আত্মপ্রত্যয় আমাদিগকে বলিয়া দেয় যে, জ্ঞান, শক্তি, করুণা ও আনন্দ পূর্ণতার লক্ষণ ; বিচার আমাদিগকে বলিয়া দেয় যে, যখন সে সকল পূর্ণতার লক্ষণ, তখন তাহা অবশ্য পূর্ণপুরুষে আছে, ও প্রত্যেক লক্ষণ তাহাতে পূর্ণভাবে আছে, অর্থাৎ তিনি অনন্ত জ্ঞান, অনন্ত শক্তি, অনন্ত করুণা ও অনন্ত আনন্দ বিশিষ্ট । আত্মপ্রত্যয় আমাদিগকে বলিয়া দেয় যে, সম্পূর্ণ পবিত্রতা পূর্ণতার লক্ষণ ; বিবেক আমাদিগকে বলিয়া দেয় যে, যিনি পূর্ণস্বরূপ তিনি অবশ্য সম্পূর্ণরূপে পবিত্র হইবেন ।

ঈশ্বরের প্রকৃতি নির্ণায়ক আত্মপ্রত্যয় সকল বিবেক-সংঘটিত আত্ম-প্রত্যয় । সে সকল বিবেক অন্তর্গত মহত্ত্বমহত্ত্ব বোধবৃত্তি \* সঞ্চারিত । সে সকল প্রত্যয় যে আত্মপ্রত্যয় তাহার প্রমাণ এই যে, সে সকল যৌক্তিক প্রমাণের প্রতি নির্ভর করে না অথচ তাহাতে আমরা না বিশ্বাস করিয়া থাকিতে পারি না ; এবং সে সকল প্রত্যয়ের অন্তর্গত ভাব সকল মূলভাব ।

\* মহত্ত্বমহত্ত্ব-বোধ-বৃত্তি দ্বারা আমরা কি মহৎ কি অমহৎ, তাহা জানিতে সক্ষম হই ।

উল্লিখিত প্রত্যয় সকলেতে কেন আমরা বিশ্বাস করি, তাহার কোন যৌক্তিক প্রমাণ দিতে পারি না, অথচ তাহাতে আমরা না বিশ্বাস করিয়া থাকিতে পারি না । জ্ঞান, শক্তি করণাকে—শুদ্ধ জ্ঞান, শক্তি, করণা নহে, অনন্ত জ্ঞান, অনন্ত শক্তি ও অনন্ত করণাকে পূর্ণতার লক্ষণ বলিয়া কেন আমরা বিশ্বাস করি, শরীর ও আমাদিগের মানসিক বৃত্তি সকলকে কেন আমরা ক্ষীণ ও অপূর্ণ মনে করি, উৎপত্তি, বর্তমান অস্তিত্ব ও শক্তি জ্ঞাত নির্ভরকে কেন আমরা সম্পূর্ণ নির্ভর জ্ঞান করি, ইহার কোন যৌক্তিক প্রমাণ আমরা দিতে পারি না, অথচ তাহাতে আমরা না বিশ্বাস কবিয়া থাকিতে পারি না ।

উল্লিখিত প্রত্যয় সকলের অন্তর্গত ভাব মূলভাব । মহত্বের ভাব সামান্যতঃ মূলভাব ; অধিকন্তু কোন বিশেষ পদার্থের মহত্বের ভাব অথ কোন মহৎ পদার্থের ভাব হইতে উৎপন্ন নহে । কোন বিশেষ পদার্থের মহত্ব বা নিকৃষ্টত্ব সেই পদার্থেরই আছে অথ পদার্থের নাই । এই কথা নিরতিশয় মহৎ পদার্থে আরো অধিক খাটে । নিবতিশয় মহত্বের ভাব অথ সকল প্রকার মহত্বের ভাব হইতে সম্পূর্ণরূপে ভিন্ন ।

উল্লিখিত কারণবশতঃ প্রতীত হইতেছে যে উল্লিখিত প্রত্যয় সকল আত্মপ্রত্যয় । ঐ সকল আত্মপ্রত্যয়ের সাহায্য লইয়া উল্লিখিত বিচার কার্য সম্পাদিত হয় কিন্তু ঐ সমস্ত বিচারের পত্তনভূমি পদার্থ-বোধক সহজ জ্ঞান । সকল বস্তুর সম্পূর্ণ নির্ভর স্থল একজন পূর্ণ পুরুষ আছেন এই পদার্থ বোধক সহজ জ্ঞান না থাকিলে আদৌবেই এ বিচারের উদ্দেশ্য হইত না । ইহার পরে গ্রন্থের সকল স্থলে ঐ বিচারকে ঈশ্বর পদার্থ-বোধক সহজ জ্ঞানমূলক বিচার বাক্যে উক্ত করা যাইবেক ।

আমাদিগের সম্পূর্ণ নির্ভরস্থল কোন পূর্ণ পুরুষ আছেন, কেবল এই পদার্থ বোধক সহজ জ্ঞানের প্রতি নির্ভর করিলে ঈশ্বর কেবল অগম, অগোচর, নিরঞ্জন, অনন্ত কারণ বলিয়া উপলব্ধ হয়েন । উল্লিখিত সহজ জ্ঞান আমাদিগকে কেবল এইমাত্র জানাইয়া দেয় যে, ঈশ্বর নিরতিশয় মহৎ । কিন্তু নিরতিশয় মহত্ব কোন প্রকার বিদিত বা বচনীয় লক্ষণ না থাকিলেও না থাকিতে পারে । কিন্তু সহজ জ্ঞান আমাদিগকে ইহাও বলিয়া দেয় যে,

ঈশ্বর আত্মা। বদ্যাপি তিনি আমাদেরই আত্মার ভ্রাতৃ আত্মা নহেন তথাপি যখন তিনি আত্মা, তখন তিনি কিয়ৎ পরিমাণে বিদিতব্য ও বচনীয়। যে মূল হইতে ঈশ্বরের অস্তিত্ব ও অনির্কচনীয়ত্ব আমরা জানিতে পারিতেছি, মেটে মূল হইতে আমরা জানিতেছি যে তিনি কিয়ৎ পরিমাণে বিদিতব্য ও বচনীয়। আত্মপ্রত্যয় হইতে যেমন প্রথমোক্ত সত্য লাভ করিতেছি, তেমনি আবার শেষোক্ত সত্য লাভ করিতেছি। এক বিষয়ে আত্মপ্রত্যয়কে বিশ্বাস করা ও অল্প বিষয়ে তাহাতে বিশ্বাস না করা অন্তর্ভুক্ত। যদি ঈশ্বরের অস্তিত্বে ও অনির্কচনীয়ত্বে বিশ্বাস কৰিত হইত, তবে তিনি কিয়ৎ পরিমাণে বচনীয় ইহাও বিশ্বাস করিত হইবে।

সকল পক্ষার্থেব সম্পূর্ণ নির্ভরস্থল কোন পূর্ণ পক্ষার্থ আছে, এই প্রত্যয় প্রায় সকল মনুষ্যের হৃদয়ে বিরাজিত আছে, কিন্তু ঈশ্বরেব প্রকৃতি-নির্ণায়ক সত্য প্রত্যয় সকল মনুষ্যের হৃদয়ে বিরাজমান নাই। তাহার কারণ এই যে, নিজের অপূর্ণতা বোধরূপ উপলক্ষ সকলের সম্মুখে ঘটে; ঐ উপলক্ষের ঘটনা হইলেই আমাদের মনে আমাদের সম্পূর্ণ নির্ভরস্থল পূর্ণ পক্ষার্থে বিশ্বাস সঞ্চারিত হয়; আব ঈশ্বরের প্রকৃতি সম্বন্ধীয় বিচাররূপ উপলক্ষ সকলের সম্মুখে ঘটে না, এই জন্য ঈশ্বরের প্রকৃতি সম্বন্ধীয় সত্য প্রত্যয় সকলের হৃদয়ে বিদ্যমান নাই। বিশেষতঃ কেবল পদার্থ-বোধক আত্ম-প্রত্যয়; বিবেক-সংঘটিত আত্মপ্রত্যয় ও তন্মূলক বিচার এই তিনের সংযুক্ত কার্য দ্বারা যে প্রকৃত ঈশ্বর-তত্ত্ব জ্ঞানের উদয় হয় তাহাও নহে। কার্য-মূলক যুক্তির সহকারিতাও না পাইলে ঐ জ্ঞানের উদয় হয় না। ঈশ্বর-তত্ত্ব-জ্ঞান কার্যমূলক যুক্তির অতীত কিন্তু তৎসহকারে তাহা মানবমনে উদ্ভূত হয়। ঈশ্বর তত্ত্বজ্ঞান কার্য মূলক যুক্তির অতীত তাহা এই গ্রন্থের দ্বিতীয় অধ্যায়ে ও তাহা তৎসহকারে মানবমনে উদ্ভূত হয়, তাহা ইহার তৃতীয় অধ্যায়ে প্রদর্শিত হইবে।

ঈশ্বরকে আমরা বতদূর জানি না কেন, তথাপি তিনি আমাদের বাক্য মনের অগোচর, অগম, অনির্দেশ্য পদার্থ থাকেন। যখন তিনি অনন্ত পদার্থ, তখন অন্তবৎ পদার্থ যে আমরা, আমরা তাঁহাকে কি প্রকারে বোধগম্য করিতে পারিব। তাঁহার স্বরূপ আমাদের সম্মুখে নিবিড় অন্ধকারে আবৃত।

তাহা সূর্য্যও প্রকাশ করিতে পারে না, চন্দ্র তারকও প্রকাশ করিতে পারে না, এই বিদ্যুৎ সকলও প্রকাশ করিতে পারে না, অগ্নি কি প্রকারে প্রকাশ করিবে? ঈশ্বরের স্বরূপ রূপ গাঢ় তিমিরাচ্ছন্ন অতলস্পর্শ সমুদ্রে কেবল ঈশ্বরেরই দ্বারা পরিমেয় ।

ঈশ্বরকে আমরা কিয়ৎ পরিমাণে জানিতে সক্ষম হই, আর অধিক পরিমাণে জানিতে সক্ষম হই না। এই জ্ঞান প্রাচীনরা বলিয়া গিয়াছেন যে, ঈশ্বরকে আমরা জানি যে এমনও নহে, না জানি যে এমনও নহে ।

---

## দ্বিতীয় অধ্যায় ।

### ঈশ্বরতত্ত্ব সংস্থাপনে কার্যামূলক যুক্তির ক্ষীণতা ।

আত্মপ্রত্যয় ও ভাবমূলক যুক্তি বেক্রপ ঈশ্বরতত্ত্ব সংস্থাপন করে, কার্যামূলক যুক্তি সেক্রপ সংস্থাপন করিতে সক্ষম হয় না ।

কার্যামূলক যুক্তিদ্বারা প্রমাণীকৃত হয় না যে, বস্তু সকলের অনাদি নির্ভর স্থল আছে । কার্যামূলক যুক্তি দ্বারা এইরূপ প্রতিপন্ন হয় যে কারণের কারণ, আবার তার কারণ, আবার তাহার কারণ, এইরূপ কারণের অনন্তশ্রেণী চলিয়া গিয়াছে, তদ্বারা অনাদি কারণের অস্তিত্ব স্থিরীকৃত হয় না । অনাদি নির্ভর স্থলে বিশ্বাস যে আত্ম-প্রত্যয়মূলক ইহা প্রথম অধ্যায়ে প্রদর্শিত হইয়াছে ।

আমরা দেখিতেছি, যে, কৌশলের কারণ জ্ঞান । অতএব যখন জগতে কৌশল দৃষ্ট হইতেছে তখন সে কৌশলের কারণ কোন জ্ঞানবান্ পুরুষ আছেন ইহা প্রমাণ হইতেছে । এ যুক্তি দ্বারা জগতে প্রদর্শিত কৌশলের কারণ কোন জ্ঞানবান্ পুরুষ আছেন এইমাত্র প্রমাণীকৃত হয়, তাহার অধিক প্রমাণীকৃত হয় না । এ যুক্তিতে ঈশ্বর সর্বজ্ঞ একপ প্রমাণ করা যাইতে পারে না । যেহেতু কৌশল উদ্ভাবনের ক্ষমতা ও সর্বজ্ঞতা এই দুই গুণ পরস্পর ভিন্ন । এ যুক্তিতে ঈশ্বর জগতের স্রষ্টা ইহাও প্রমাণ করা যাইতে পারে না ; তিনি জগৎ-নির্মাণে এইমাত্র প্রমাণ হয় । কুম্ভকার যেমন যুক্তিকাব আশ্রয় লইয়া কুম্ভ প্রস্তুত করে, তেমনি তিনি নিত্য পরমাণুর আশ্রয় লইয়া জগৎ সৃষ্টি করিয়া থাকিলেও থাকিতে পারেন । এ যুক্তিতে ঈশ্বর যে অদ্যাপি বর্তমান আছেন তাহারও নিশ্চয় হয় না । যন্ত্রকার যেমন যন্ত্র নির্মাণ করিয়া মরিয়া যায়, তেমনি ঈশ্বর এই জগৎ-রূপ যন্ত্র নির্মাণ করিয়া এক্ষণে না থাকিলেও না থাকিতে পারেন ।

জগতে কৌশলের সমানতা দৃষ্ট হইতেছে, অতএব ঈশ্বর এক মাত্র অদ্বিতীয় । কিন্তু এ যুক্তি, জগতে যে সকল পদার্থের মধ্যে দৃঢ়তর সম্বন্ধ আমরা অমুভব

করিতে সক্ষম হই, কেবল সেই সকল পদার্থ সম্বন্ধে খাটে, অন্য পদার্থ সম্বন্ধে খাটে না। আমরা জগতের সকল পদার্থের মধ্যে দৃঢ়তর সম্বন্ধ উজ্জল রূপে দেখিতে পাই না। বিশেষতঃ এ জগৎ হইতে সম্পূর্ণরূপে ভিন্ন যদি কোন জগৎ থাকে, তবে তৎসম্বন্ধে উল্লিখিত যুক্তি আদবে খাটে না।

যুক্তি দ্বারা ঈশ্বরের সর্বশক্তিমানতার সহিত তাঁহার সম্পূর্ণ মঙ্গল স্বরূপের সমন্বয় করা যাইতে পারে না। যখন জগতে দুঃখ ক্লেশ দৃষ্ট হইতেছে, তখন তাঁহাকে যদি সর্বশক্তিমান বলা যায়, তবে তাঁহাকে নিষ্ঠুরপ্রকৃতি বলিয়া মানিতে হয়। যেহেতু তিনি ক্লেশ একবারে না দিবার ক্ষমতা সম্বন্ধেও ক্লেশ দিতেছেন। আব আবার যদি তাঁহাকে সম্পূর্ণ মঙ্গলস্বরূপ মানা হয়, তবে তাঁহাকে সর্বশক্তিমান মানা হইতে পারে না। যেহেতু সম্পূর্ণ মঙ্গলাভি-প্রায় সম্বন্ধেও তাঁহাকে ক্লেশবিধান করিতে হইয়াছে। অতএব প্রতিপন্ন হইতেছে যে, যুক্তি দ্বারা তাঁহার সর্বশক্তিমানতার সহিত তাঁহার সম্পূর্ণ মঙ্গল স্বরূপের সমন্বয় করা যাইতে পারে না। অতএব ঈশ্বর সর্বশক্তিমান ও সম্পূর্ণ মঙ্গলময়, ইহা সংস্থাপন করিতে যুক্তি অক্ষম বলিতে হইবে।

পাপ করিলে মনে আত্মগ্লানির উদয় হয় ও পুণ্য করিলে তাহাতে আত্ম-প্রসাদের সঞ্চার হয়, অতএব ঈশ্বর পাপের প্রতি অপ্রসন্ন ও পুণ্যের প্রতি প্রসন্ন। এ যুক্তিতে ঈশ্বর সম্পূর্ণরূপে পাপের প্রতি অপ্রসন্ন ও পুণ্যের প্রতি প্রসন্ন এবং তিনি নিজে পবিত্র স্বরূপ, এমন প্রমাণীকৃত হয় না। যেহেতু দেখা যাইতেছে যে, কোন কোন পাপী ব্যক্তি সুখ লাভ করিতেছে ও কোন কোন পুণ্যবান ব্যক্তি ক্লেশ পাইতেছে। পৃথিবীতে পাপ পুণ্যের দণ্ড পুরস্কারের সম্পূর্ণ সামঞ্জস্য নাই। অতএব ঈশ্বর পবিত্রস্বরূপ ইহা সংস্থাপন করিতে কার্য্যমূলক যুক্তি অক্ষম, ইহা প্রতীত হইতেছে। বদ্যাপি স্বীকার করা যায় যে, ঈশ্বর সম্পূর্ণরূপে পুণ্যের প্রতি প্রসন্ন ও পাপের প্রতি অপ্রসন্ন ইহা কার্য্য-মূলক যুক্তি সংস্থাপন করিতে সক্ষম, তথাপি ইহা অবশ্য বলিতে হইবে যে, ঈশ্বর সম্পূর্ণরূপে পবিত্রস্বরূপ ইহা কার্য্যমূলক যুক্তি সপ্রমাণ করিতে অক্ষম, যেহেতু ঈশ্বর ধর্ম্মের প্রতি প্রসন্ন ও অধর্ম্মের প্রতি অপ্রসন্ন হইয়াও নিজে অপবিত্রস্বরূপ হইতে পারেন।



## তৃতীয় অধ্যায় ।

### ঈশ্বরতত্ত্ব সংস্থাপনে কার্যামূলক যুক্তির আবশ্যিকতা ।

ইহা প্রদর্শিত হইয়াছে যে কল্পনা তত্ত্ব জ্ঞানকে ক্ষুরিত হইতে দেয় না । আর বিবেক অর্থাৎ বিচার সেই জ্ঞানের উদ্রেক বিলক্ষণ করে । প্রকৃতরূপে বলিতে গেলে উল্লিখিত বিচার দ্বারা ঈশ্বরতত্ত্বজ্ঞান মনে উদ্ভিত হয় । কিন্তু ঐ বিচারের প্রতি কার্যামূলকযুক্তি অনেক সহকারিতা করে । কার্যামূলক যুক্তি ঐ বিচারের উপলক্ষ স্বরূপ কার্য করে ।

প্রথমে মনুষ্য কল্পনাবশতঃ আপনাতে শক্তি ও জ্ঞানের সংযোগ দেখিয়া এবং অন্য কোন বস্তুই শক্তিশূন্য নহে, ইহা উপলব্ধি করিয়া সে সকলকে প্রাণ-বিশিষ্ট অথবা মনুষ্যাকার কল্পিত পুরুষের অধিষ্ঠানস্থল বলিয়া মনে করে এবং সেই সকল কল্পিতপ্রাণ অথবা মনুষ্যাকার পুরুষকে পূর্ণস্বরূপ অলৌকিক পুরুষ জ্ঞান করতঃ তাহাদের উপাসনায় প্রবৃত্ত হয় । এই প্রকারে কল্পনা, ঈশ্বর এক মাত্র অদ্বিতীয়, এই জ্ঞানের উদয় হইতে দেয় না । তৎপরে যখন মনুষ্য জগতের দৃশ্যমান পদার্থের মধ্যে দৃঢ় সম্বন্ধ ও তাহাতে কৌশল দর্শন করে, তখন, সেই সকল পদার্থের নির্ভরস্থল একমাত্র অদ্বিতীয় পুরুষ আছেন, এই কার্যামূলক যুক্তি সহকারে তাহার হৃদয়ে ও বিবেক প্রভাবে এই জ্ঞানের উদয় হয় যে, সমস্ত জগতের সম্পূর্ণ নির্ভরস্থল একমাত্র অলৌকিক পুরুষ আছেন ; আর যদি এমন সকল জগত থাকে যাহার-সহিত ইহার কিছুমাত্র সম্বন্ধ নাই তাহারও নির্ভরস্থল তিনি । এই পরম সত্য কার্যামূলক যুক্তি দ্বারা সম্পূর্ণরূপে প্রমাণীকৃত হয় না এবং তাহা ঈশ্বর পদার্থবোধক আত্মপ্রত্যয় মূলক বিচার দ্বারা \* মানবহৃদয়ে সঞ্চারিত হয়, ইহা পূর্বে প্রদর্শিত হইয়াছে । কার্যামূলক যুক্তি ঐ বিচারের উপলক্ষ স্বরূপ কৰ্ম্ম করে ।

\* এই বিচার প্রথম অধ্যায়ে বিবৃত হইয়াছে।

জগৎ কার্য্যে কৌশল দৃষ্ট হইতেছে অতএব জগৎ কাহারো কর্তৃক নির্মিত হইয়াছে । এই কার্য্যমূলক যুক্তিসহকারে ঈশ্বর পদার্থবোধক আত্মপ্রত্যয় ও তন্মূলক বিচার দ্বারা এই পরমসত্য জ্ঞান মনুষ্যের মনে উদ্ভূত হয় যে, সমস্ত জগৎ এক সময় সৃষ্ট হইয়াছিল । কার্য্যমূলক যুক্তি জগতের কেবল দৃশ্যমান পদার্থের রচনা মাত্র প্রমাণ করিতে সমর্থ হয়, তাহা সমস্ত জগতের স্বজন প্রমাণ করিতে সক্ষম হয় না, ইহা পূর্বে প্রদর্শিত হইয়াছে এবং জগত ঈশ্বর দ্বারা সৃষ্ট হইয়াছে, এই সত্য জ্ঞান ঈশ্বর পদার্থবোধক সহজ জ্ঞান মূলক বিচার দ্বারা মানবরুদয়ে উদ্ভূত হয়, ইহাও পূর্বে প্রদর্শিত হইয়াছে । কার্য্যমূলক যুক্তি ঐ বিচারের উপলক্ষ স্বরূপ কার্য্য করে । জগৎ কার্য্যে কৌশল দৃষ্ট হইতেছে অতএব ঈশ্বর জ্ঞানবান পুরুষ এই কার্য্যমূলক যুক্তি সহকারে পদার্থবোধক সহজ জ্ঞান মূলক বিচার দ্বারা এই জ্ঞানের উদয় হয় যে ঈশ্বর সর্ব্বজ্ঞ অর্থাৎ অনন্ত-জ্ঞান বিশিষ্ট পুরুষ । ঈশ্বর সর্ব্বজ্ঞ ইহা কার্য্যমূলক যুক্তি দ্বারা সম্পূর্ণরূপে প্রমাণিত হয় না এবং তাহা ঈশ্বর পদার্থবোধক সহজ জ্ঞান মূলক বিচার দ্বারা মানব মনে উদ্ভূত হয়, ইহা পূর্বে প্রদর্শিত হইয়াছে । কার্য্যমূলক যুক্তি ঐ বিচারের উপলক্ষ স্বরূপ কার্য্য করে ।

প্রথমে মনুষ্য জগতে হুঃখ ক্লেশ দেখিয়া অলৌকিক পুরুষকে নির্ভর ও কোপনস্বভাব বলিয়া বিশ্বাস করে, কিন্তু যখন বিজ্ঞান দ্বারা অবগত হয় যে, অধিকাংশ নৈসর্গিক নিয়মের অভিপ্রায় মঙ্গল, তখন, তাহাদের সংস্থাপক অনেক পরিমাণে মঙ্গলময়, এই কার্য্যমূলক যুক্তিসহকারে ঈশ্বর পদার্থবোধক আত্মপ্রত্যয় মূলক বিচার দ্বারা এই জ্ঞানের উদয় হয় যে, পরমেশ্বর সম্পূর্ণ মঙ্গলময় । ঈশ্বর সম্পূর্ণ মঙ্গলময় ইহা কার্য্যমূলক যুক্তি দ্বারা সম্পূর্ণরূপে প্রমাণ হয় না এবং তাহা ঈশ্বর পদার্থ বোধক সহজ জ্ঞানমূলক বিচার দ্বারা মানব-মনে উদ্ভূত হয়, তাহা পূর্বেই প্রদর্শিত হইয়াছে । কার্য্যমূলক যুক্তি ঐ বিচারের উপলক্ষ স্বরূপ কার্য্য করে ।

প্রথমে মনুষ্য কল্পনাবশতঃ ঈশ্বরের মনুষ্যবৎ মানসবিকার ও ইচ্ছার পুনঃ পুনঃ পরিবর্তন আছে এমত বিশ্বাস করে কিন্তু যখন তাহারা দেখে যে, জগতের দৃশ্যমান পদার্থ সকল নির্দিষ্ট নিয়মানুসারে কার্য্য করিতেছে, তখন, তাহাদের কণ্ঠা নির্ব্বিকার, এই কার্য্যমূলক যুক্তি সহকারে ঈশ্বর পদার্থ বোধক সহজ-

জ্ঞানমূলক বিচার দ্বারা এই জ্ঞানের উদয় হয় যে, ঈশ্বর কেবল সেই সকল পদার্থ সম্বন্ধে নির্বিকার নহেন, তিনি সম্পূর্ণরূপে নির্বিকার। জগৎ দেখিয়া কার্যমূলক যুক্তি দ্বারা আমরা কখনই স্থির করিতে পারি না যে, ঈশ্বর সম্পূর্ণরূপে নির্বিকার, যেহেতু জগতের আমরা সকল দেশ দেখিতেছি না। কার্যমূলক যুক্তি উল্লিখিত বিচারের কেবল উপলক্ষ স্বরূপ কার্য করে।

অসত্য অজ্ঞানকে অবস্থায় যখন মনুষ্যের কর্তব্যাকর্তব্য জ্ঞান অল্পমত থাকে তখন মনুষ্য ঈশ্বরের প্রকৃতির উপর মানবীয় দোষারোপ করে কিন্তু যখন তাহাদের কর্তব্যাকর্তব্য জ্ঞান উন্নত হয় এবং পাপ করিলে মনে আত্মগ্লানি জন্মে ও পুণ্য করিলে আত্মপ্রসাদের উদয় হয়, তখন, যিনি এরূপ আত্মগ্লানি ও আত্মপ্রসাদের সৃষ্টি করিয়াছেন, তিনি অবশ্য পাপের প্রতি অপ্রসন্ন ও পুণ্যের প্রতি প্রসন্ন হইবেন, এই কার্যমূলক যুক্তি সহকারে ঈশ্বর পদার্থবোধক সহজ জ্ঞানমূলক বিচার দ্বারা এই পরমতত্ত্বের উদয় হয় যে, ঈশ্বর সম্পূর্ণরূপে পুণ্যের প্রতি প্রসন্ন ও পাপের প্রতি অপ্রসন্ন এবং সম্পূর্ণরূপে পবিত্র স্বরূপ। ঈশ্বর সম্পূর্ণরূপে পবিত্র ইহা কার্যমূলক যুক্তি দ্বারা সম্পূর্ণরূপে প্রমাণ হয় না এবং তাহা ঈশ্বরপদার্থবোধক সহজ জ্ঞানমূলক বিচারদ্বারা মানব-মনে উদ্ভিত হয় তাহা পূর্বেই প্রদর্শিত হইয়াছে। কার্যমূলক যুক্তি উল্লিখিত বিচারের উপলক্ষস্বরূপ কার্য করে। ২৭, ০৪১

ঈশ্বরের প্রকৃতি নির্ধারণ কার্যে কার্যমূলক যুক্তি অত্যন্ত আবশ্যিক তাহা উপরে প্রদর্শিত হইল। কল্পনা ঈশ্বরের প্রকৃতি সম্বন্ধীয় জ্ঞানকে ক্ষুরিত হইতে দেয় না, কার্যমূলক যুক্তি তাহার ক্ষুরণের সম্বন্ধে অত্যন্ত সহায়তা করে। এমন কি উল্লিখিত যুক্তির যদি কোন হেতু না থাকিত, আর স্মরণে যে যুক্তি যদি উদ্ভাবিত না হইত, তবে উক্ত জ্ঞান আদবেই ক্ষুরিত হইত না। মনে কর, যদি জগতে দৃশ্যমান বস্তুর প্রসঙ্গ বিলক্ষণ অসম্বন্ধ থাকিত, তবে, তাহাদের নির্ভর স্থল এক মাত্র, এই কার্যমূলক যুক্তির উদয় হইত না। স্মরণ্য ঈশ্বর অদ্বিতীয় এই তত্ত্বক্ষুরণের প্রতি অত্যন্ত ব্যাঘাত জন্মিত। যদি জগতে কেবলই চুঃখ ক্লেশ দৃষ্ট হইত, সুখ কিছুমাত্র না থাকিত, তাহা হইলে এই কার্যমূলক যুক্তি উদ্ভাবিত হইত না যে জগতের দৃশ্যমান পদার্থ সম্বন্ধে উদ্দেশ্য মঙ্গল। ঐ যুক্তি উদ্ভাবিত না হইলে এই

জ্ঞানের উদয় হইত না যে ঈশ্বর সম্পূর্ণরূপে মঙ্গলময়। মনের এক বৃত্তির সহিত অন্যবৃত্তির সম্বন্ধ আছে, মানসিক এক কার্যের সহিত অশ্রু কার্যের সম্বন্ধ আছে। জগতীয় পদার্থের জ্ঞান অর্থাৎ বিজ্ঞান ও তত্ত্বমূলক যুক্তি অর্থাৎ কার্যমূলকযুক্তির সহিত ঈশ্বরজ্ঞানোদয়ের দৃঢ়তর সম্বন্ধ আছে। ধর্ম্মতত্ত্বপ্রত্যয়ের ক্ষুব্ধ ও পরিশোধন জন্য বিজ্ঞান এতদ্রূপ আবশ্যক যে, হয় ত বিজ্ঞানাভাবে অধুনাতন কালের সকল লোক অদ্যাপি অন্ততাবিধিষ্ঠাত্রী কদর্য্যপ্রকৃতি কদর্য্যাকার কলিত দেবদেবী সকলেব উপাসনা করিত। কিন্তু কার্য মূলকযুক্তি যদিও এতদ্রূপ আবশ্যক তথাপি পদার্থবোধক আত্মপ্রত্যয় ও বিবেক সংঘটিত আত্মপ্রত্যয় আমাদের ঈশ্বর জ্ঞানের প্রধানমূলস্বরূপ বলিতে হইবে। ঐ আত্মপ্রত্যয় ব্যতীত যুক্তি কতদূর গমন করিতে সক্ষম হয়? ঐ আত্মপ্রত্যয় বশতঃ আমরা প্রমবর্ণশীল পদার্থ মধ্যে থাকিয়াও এক অমর নিত্য অবিনাশী পদার্থে বিশ্বাস করি ; ঐ আত্মপ্রত্যয় বশতঃ আমরা অন্তবৎ পদার্থ সকলের মধ্যে অবস্থিতি করিয়াও এক অনন্ত পদার্থে বিশ্বাস করি ; ঐ আত্মপ্রত্যয় বশতঃ আমরা বিচিত্রতা মধ্যে সংস্থাপিত হইয়াও একমাত্র অদ্বিতীয় পদার্থে বিশ্বাস করি ; ঐ আত্মপ্রত্যয় বশতঃ আমরা দর্শনের বিষয়ীভূত পদার্থ সকলের মধ্যে স্থিত থাকিয়াও এক ইন্দ্রিয়াতীত অদৃশ্য অলক্ষ্য পদার্থের অস্তিত্বে বিশ্বাস করি ; ঐ আত্মপ্রত্যয় বশতঃ আমরা জগতে দুঃখ ক্লেশ দেখিয়াও এক পূর্ণ মঙ্গলস্বরূপ পদার্থে বিশ্বাস করি।

কার্যমূলক যুক্তি যেমন ঈশ্বরতত্ত্ব প্রত্যয়ের ক্ষুরণের প্রতি সহকারিতা করে, তেমনি তাহা ক্ষুরিত হইলে তাহার বিলক্ষণ পোষকতা করে। জগত-কার্য্যে কৌশল দৃষ্ট হইতেছে অতএব তাহা অবশ্য কোন পুরুষ দ্বারা নির্ম্মিত হইয়াছে, এই যুক্তি, জগত ঈশ্বর দ্বারা সৃষ্ট হইয়াছে, এই তত্ত্বের বিলক্ষণ পোষকতা করে। বিশাল জগত-কার্য্যে কৌশল দৃষ্ট হইতেছে অতএব তাহার নির্ম্মাতার ইচ্ছা ও প্রভূত জ্ঞান আছে, এই যুক্তি ঈশ্বরের ইচ্ছা ও অনন্ত জ্ঞান আছে, এই তত্ত্বের বিলক্ষণ পোষকতা করিতেছে। জগতকার্য্যে কৌশলের একতা দৃষ্ট হইতেছে অতএব দৃশ্যমান জগতের নির্ম্মাতা এক, এই যুক্তি, ঈশ্বর এক মাত্র অদ্বিতীয়, এই তত্ত্বের সুন্দররূপে পোষকতা করি-

তেছে । দৃশ্যমান জগত নির্দিষ্ট নিয়মানুসারে চলিতেছে অতএব তাহার নিষ্পত্তা নির্বিকার, এই যুক্তি, দৈশ্বর সম্পূর্ণরূপে নির্বিকার, এই তত্ত্বের বিলক্ষণ পোষকতা করিতেছে । দৃশ্যমান জগতের নিয়ম সকলের উদ্দেশ্য মঙ্গল অতএব তাহার রচয়িতা মঙ্গলময়, এই যুক্তি, দৈশ্বর সম্পূর্ণরূপে মঙ্গলময়, এই তত্ত্বের সুন্দর রূপে পোষকতা করিতেছে । যখন পাপ করিলে আত্ম-মানি উপস্থিত হয় ও লোকের ঘৃণার আশঙ্ক হইতে হয় এবং পুণ্য করিলে আত্ম-প্রসাদের সঞ্চার হয়, তখন এরূপ আত্মমানি ও আত্মপ্রসাদের স্রষ্টা দৈশ্বর অবশ্যই পাপের প্রতি অগ্রসর ও পুণ্যের প্রতি প্রসন্ন, এই যুক্তি, দৈশ্বর সম্পূর্ণরূপে পবিত্র স্বরূপ, এই তত্ত্বের বিলক্ষণ পোষকতা করে ।

কোন কোন যুক্তি দৈশ্বরত্ব প্রত্যয়ের ক্ষুরণের প্রতি সহকারিতা না করিয়া কেবল তাহার পোষকতা করে । তাহার একটা দৃষ্টান্ত নিম্নে প্রদত্ত হইতেছে ।

যখন আমাদের জ্ঞান বিষয় আহার আছে, তৃষ্ণার বিষয় জল আছে, আসন্ন-লিপ্সার বিষয় স্নান লোকের সহবাস আছে, এইরূপ যখন আমাদের প্রত্যেক প্রবৃত্তির বিষয় আছে, তখন, সকল প্রবৃত্তি অপেক্ষা প্রবল পূর্ণ পুরুষের প্রতি নির্ভর প্রবৃত্তির বিষয় পূর্ণপুরুষ নাই, ইহা কিপ্রকারে সম্ভব হয়? যখন অস্ত্র সকল প্রয়োজন পূরণার্থ নৈসর্গিক বিধান আছে, তখন শ্রদ্ধা ভক্তি ও প্রীতিবৃত্তি চরিতার্থ করিবার জন্য পূর্ণ পুরুষের অস্তিত্বরূপ নৈসর্গিক বিধান নাই, ইহা কি প্রকারে বলা যাইতে পারে? এই যুক্তি দৈশ্বরত্ব সম্বন্ধীয় আত্ম-প্রত্যয়ের বিলক্ষণ পোষকতা করিতেছে । স্বভাব বাহাদিগের দেবতা তাঁহারা স্বভাককে এ বিষয়ে কেন বিশ্বাস করেন না বলা যায় না ।

দৈশ্বর-সম্বন্ধীয় যেসকল কার্য্য-মূলক যুক্তি ক্ষীণ, আত্মপ্রত্যয় দ্বারা তাহাদের অপূর্ণতার পূরণ হয়, আর যে সকল কার্য্য-মূলক যুক্তি বলবতী, তাহা সুন্দররূপে আত্মপ্রত্যয়ের পোষকতা করে ।

## চতুর্থ অধ্যায় ।

ঈশ্বরতত্ত্ব-প্রত্যয় ক্রমে স্মৃতিত হয় ।

প্রথম অধ্যায়ে প্রদর্শিত হইয়াছে যে, সকল পদার্থের সম্পূর্ণ নির্ভরস্থল কোন পূর্ণ-পদার্থ আছে, এই বুদ্ধি সংঘটিত আত্মপ্রত্যয় প্রথমে মানব-মনে উদ্ভূত হয় ; তৎপরে মহত্ব-বোধ-বৃত্তি ও ভাবমূলক বৃত্তি উভয়ের সংযুক্ত কার্যদ্বারা ঈশ্বরতত্ত্বজ্ঞান তাহাতে উদ্ভূত হয় । ঐ অধ্যায়ে দেখান গিয়াছে যে, ঈশ্বরতত্ত্বজ্ঞান একবারে সহসা মানবমনে উদ্ভূত হয় না । তৃতীয় অধ্যায়ে প্রদর্শিত হইয়াছে যে, অনেক পরিমাণে কার্যমূলক বুদ্ধিরূপ উপলক্ষ না ঘটিলে ও তাহার সহকারিতা না পাইলে উল্লিখিত বৃত্তিদ্বয় ঈশ্বরতত্ত্ব জ্ঞানের সঞ্চার করিতে সমর্থ হয় না ।

প্রথম অধ্যায়ে ও তৃতীয় অধ্যায়ে যাহা লিখিত হইয়াছে, তাহা পাঠ করিলে প্রতীত হইবে যে, মনুষ্যের ধর্মোন্নতি সংসাধন কার্য ক্রমে ক্রমে সম্পাদিত হয় । অতঃসকল প্রকার জ্ঞান যেমন প্রথমে অনতিস্ফুট থাকে, তৎপরে ক্রমে পরিস্ফুট হইয়া আইসে ঈশ্বরজ্ঞানও তদ্রূপ । যেমন তামসী নিশাতে অজ্ঞাত প্রদেশে সমুদ্রস্থ কোন বৃহৎ অট্টালিকাকে দেখিয়া কেবল সমুদ্রে একটি অট্টালিকা মাত্র আছে এই বোধ হয়, দিবালোক সমুদ্ভূত না হইলে তাহা কিসে প্রকার অট্টালিকা তাহা জানা যায় না, সেইরূপ, কোন পূর্ণ পুরুষ গাছেন, সমুদ্র প্রথমে এইমাত্র জানিতে সক্ষম হয়, তৎপরে জ্ঞানালোকের উদয় হইলে তাহাকে বিশেষরূপে জানিতে পারে । ষাঁহারা মনুষ্যের অজ্ঞানাক্রম অবস্থার ধর্মের সহিত সভ্যাবস্থার ধর্মের তুলনা করিয়া উভয়ের মধ্যে কোন সম্বন্ধ দেখিতে পান না, তাহারা বুদ্ধিবীজের সহিত ফলফুলে পরিশোভিত বিস্তীর্ণছায়াপ্রদ মহোপকারী মহাক্রমের তুলনা করিয়া হৃদের মধ্যে কোন সম্পর্ক না দেখিলেও না দেখিতে পারেন । কিন্তু

বাস্তবিক যেমন বৃক্ষ-বীজের সহিত বৃক্ষের সম্বন্ধ আছে তেমনি সমুদ্রের অজ্ঞানার্ক অবস্থার ধর্মের সহিত জ্ঞানালোক সমুজ্জ্বলিত অবস্থার ধর্মের সম্বন্ধ আছে। অত্ৰ সকল প্রকার জ্ঞানের উন্মেষ জত্ৰ যেমন ঈশ্বর-বাক্য আবশ্যক করে না তেমনি ঈশ্বর জ্ঞানের উন্মেষ জত্ৰ ঈশ্বরের আত্মপরিচয় প্রদান আবশ্যক করে না। অত্ৰ বিষয় সম্বন্ধীয় ভ্রমাত্মক মতের উচ্ছেদ জত্ৰ যেমন ঈশ্বর প্রত্যাশা আবশ্যক করে না, তেমনি ধর্ম-সম্বন্ধীয় ভ্রমাত্মক মতের উচ্ছেদ জত্ৰ ঈশ্বরপ্রত্যাশা আবশ্যক করে না। ঈশ্বরের নিয়মে পক্ষপাত নাই। উন্নতি-বিষয়ে অন্যান্য প্রকার জ্ঞান যে নিয়মের অধীন ঈশ্বরজ্ঞানও সেই নিয়মের অধীন।

অত্ৰা জ্ঞান লাভ অপেক্ষা ঈশ্বরজ্ঞানলাভ দুরূহ নহে তাহার প্রমাণ এই যে, অনেক অসভ্য জাতিদিগের ধর্মমতে ঈশ্বরসম্বন্ধীয় সত্য জ্ঞানের নিদর্শন লক্ষিত হয়। \* ঈশ্বরসম্বন্ধীয় আত্মপ্রত্যয় তো সকলেরই মনে নিহিত আছে। যে সকল যুক্তির প্রতি সেই সত্যজ্ঞানের ক্ষুরণ নির্ভর করে সে সকল যুক্তিকেও অসভ্য লোকদিগের মধ্যে জ্ঞানী লোকেরা সেই অসভ্যাবস্থায় থাকিয়াই উদ্ভাবন করিতে সমর্থ হয়। কারণ সে সকল যুক্তি যেমন আবশ্যক তেমনি সহজ। যে সকল অত্যন্ত অসভ্য লোকেরা সেই যুক্তি উদ্ভাবন করিতে সমর্থ হয় না তাহারাও 'যে ঈশ্বরের প্রকৃতি সম্বন্ধীয় সত্য ভাব বিবর্জিত এমন নহে। তাহারা যে সকল দেবদেবীর উপাসনা করে সেই সকল দেবদেবী-সম্বন্ধীয় বিশ্বাসেও সত্যভাব লক্ষিত হয়। যিনি জগতের কর্তা তিনি কোন বিশেষ পদার্থেরও কর্তা। যিনি জগতে অধিষ্ঠিত হইয়া আছেন তিনি কোন বিশেষ পদার্থেরও অধিষ্ঠাত্রী দেবতা। ১. প্রভূত জ্ঞান ও প্রভূতশক্তি অনন্ত জ্ঞান ও অনন্ত শক্তি ভুক্ত। এক-ঈশ্বর-বাদীরা যেমন ঈশ্বরকে অন্তরদর্শী বলিয়া বিশ্বাস করে তেমনি বহুদেবোপাসকেরা তাহাদের উপাসিত দেবদেবীকেও অন্তরদর্শী বলিয়া বিশ্বাস করে। এক-ঈশ্বর-বাদীরা যেমন ঈশ্বরকে অমর বলিয়া বিশ্বাস করে তেমনি বহুদেবোপাসকেরা দেবদেবীদিগকে অমর বলিয়া বিশ্বাস করে। একেশ্বর

---

\* পরিশিষ্ট দেখ।

বাদীরা যেমন ঈশ্বরকে সনন্ত জগতের অধিষ্ঠাত্রী দেবতা এবং প্রত্যেক পদার্থেরও অধিষ্ঠাত্রী দেবতা বলিয়া বিশ্বাস করে তেমন বহুদেবোপাসকেরা সাধারণ দৈবশক্তিকে সনন্ত জগতের অধীশ্বর ও প্রত্যেক পদার্থের অধিষ্ঠাত্রী দেবতাকে তাহার অধীশ্বর বলিয়া বিশ্বাস করে। অতএব বিবেচনা করিলে প্রতীত হইবে যে ঈশ্বরের লক্ষণ সম্বন্ধীয় সত্য কি এক-ঈশ্বরবাদী কি বহুদেবোপাসক সকলের ধর্ম্মমতে প্রাপ্ত হওয়া যায়। কোন ধর্ম্ম সত্য বিবর্জিত নহে। সকল ধর্ম্মমতে অল্প পরিমাণে হউক অথবা অধিক পরিমাণে হউক সত্য নিহিত আছে। অতএব যে কোন ধর্ম্মাবলম্বী হউক যদ্যপি অকপট রূপে সেই ধর্ম্ম যাজনা করে তবে নিজ জ্ঞান ও ধর্ম্মের উৎকর্ষানুসারে উপযুক্ত পুরস্কার প্রাপ্ত হইবে। কেবল সকল ধর্ম্মের কপট অনুচরদিগের নিন্দিত হওয়া ভার।

---



## পঞ্চম অধ্যায় ।

### ঈশ্বরের সহিত জগতের সম্বন্ধ ।

ঈশ্বর যখন জগতের সকল পদার্থ ও ঘটনার নিত্য নির্ভর স্থল তখন জগতের সকল ঘটনা তাঁহার বর্তমান অনুশাসনে ঘটিতেছে ।

ঈশ্বরকে যখন পূর্ণ বলিয়া মানা হইতেছে তখন ঈশ্বর স্বহস্তে জগতের সকল ঘটনা বিধান করিতেছেন ইহা বিশ্বাস না করিয়া, তাঁহার ইচ্ছা-মুসারে সকল ঘটনা ঘটিতেছে, ইহা বিশ্বাস করিতেই হয় ।

জগতের সকল ঘটনা ঈশ্বরের অনুশাসনে নির্দিষ্ট নিয়মানুসারে ঘটিতেছে ।

যে জড় বস্তুর যে স্বভাব তাহার পরিবর্তন হয় না । এক জড় পদার্থ অল্প জড় পদার্থের সহিত মিশ্রিত হইয়া যেরূপ গুণ ধারণ করে সে দুই পদার্থ মিশ্রিত করিলেই সেইরূপ গুণ ধারণ করিবে । তাহার অন্তথা হয় না ।

বাহ্য জগতের যেমন বদ্ধ ভাব সেইরূপ মানসিক জগতেরও বদ্ধভাব । মানসিক জগতও নিয়মের অধীন ।

বদ্ধভাবসম্পন্ন ভৌতিক ও মানসিক জগৎ ঈশ্বরের শক্তিকে অবলম্বন করিয়া নির্দিষ্ট ঐশিক অভип্রায়ানুসারে কার্য্য করিতেছে । কিন্তু তা বলিয়া কোন বস্তুই যে স্বাধীন নহে এমন নহে ।

আমাদের এক আত্মপ্রত্যয় আছে যে আমাদের ইচ্ছা স্বাধীন । সে আত্মপ্রত্যয়কে দার্শনিক তর্ক কোন রূপে বিনাশ করিতে সক্ষম হয় না । যখন মনুষ্য চেষ্টা করিলে আপনার স্বভাবকে ক্রমশঃ পরিবর্তন করিতে সক্ষম হয় তখন তাহার যে স্বাধীনতা আছে তাহার আর সন্দেহ নাই । আমাদের ইচ্ছাকে পুনঃ পুনঃ পরিবর্তন করিবার ক্ষমতা আছে,

আমরা তাহা শতবার—সহস্রবার পরিবর্তন করিতে সক্ষম হই। এ বিষয়ে আমাদের সম্পূর্ণ স্বাধীনতা আছে। ইহা যথার্থ বটে যে, হেতুবশতঃ আমরা সকল কার্য্য করি কিন্তু আমাদের এক সহজ জ্ঞান আছে যে আমরা হেতুর অধীন নহি। এক প্রকার কার্য্যের প্রবল হেতু সত্ত্বেও তদ্বিপরীত কার্য্য, যাহার হেতু এত প্রবল নহে, তাহা আমরা অনায়াসে করিতে পারি।

বদ্ধভাবযুক্ত জগতের কার্য্য ও মহুষ্যের স্বাধীন-ইচ্ছা-সমুদ্ভূত কার্য্য এই দুই প্রকার কার্য্যের সামঞ্জস্য করিয়া ঈশ্বর কিরূপে জগৎ চালাইতেছেন তাহা আমরা জ্ঞাত নহি। জ্ঞাত না থাকিবার কারণ এই যে, আমরা নিজে ঈশ্বর নহি। কিন্তু আমরা এই মাত্র জ্ঞাত আছি যে, জগতের সকল কার্য্য মঙ্গলের দিকে উদ্ভূত। ঈশ্বর যে সকল জীবকে সম্যক্রূপে স্মৃতি করিবেন তাহার আর সন্দেহ নাই। তাঁহার মঙ্গলস্বরূপ পর্যালোচনা করিয়া আমরা ইহা স্থির করিতে সক্ষম হই তাঁহার যেমন সকল জগতের প্রতি দৃষ্টি আছে তেমনি প্রত্যেক মহুষ্যের প্রতি তাঁহার দৃষ্টি আছে। তাঁহার মঙ্গলাভিপ্রায় যেরূপ সমুদায় জগতের কার্য্যে লক্ষিত হয় তেমনি প্রত্যেক মহুষ্যের জীবনের ঘটনা সকলেতেও লক্ষিত হয়।

.

## ষষ্ঠ অধ্যায় ।

### ঈশ্বরের সহিত মনুষ্যের সম্বন্ধ ।

ঈশ্বরের নিরতিশয় মহত্ত্ব মানিতে গেলে মনুষ্যের প্রতি ঈশ্বরের প্রীতি আছে ইহা অবশ্য মানিতে হয়। তিনি প্রীতিস্বরূপ ; তিনি প্রীতিস্বরূপ ইহা না মানিলে তাঁহাকে নিরতিশয় মহৎ বলিয়া মানা হয় না। আমরা যেমন ঈশ্বরের প্রকৃতি আলোচনা করিয়া জানিতে পারি যে, মনুষ্যের প্রতি তাঁহার প্রীতি আছে তেমনি বস্তুতঃ আমরা দেখিতে পাই যে তিনি আমাদের প্রীতি করিতেছেন। তিনি আমাদের পিতা মাতা অপেক্ষা অধিক যত্নের সহিত পালন করিতেছেন। আমরা প্রতি নিমেষে তাঁহার নিকট হইতে যে উপকার প্রাপ্ত হইতেছি তাহা গণনা করা দুঃসাধ্য। কিন্তু কেহ কেহ বলেন যে, আমরা তাঁহাহইতে যে সকল উপকার প্রাপ্ত হইতেছি তাহা নির্দিষ্ট নিয়মানুসারে তাঁহার সৃষ্ট বস্তু হইতে প্রাপ্ত হইতেছি, তিনি আমাদের এক্ষণে আর ভালবাসেন না অথবা সাক্ষাৎ সম্বন্ধে আমাদের উপকার সাধন করেন না। তিনি নিকৃষ্ট ও নিষ্পন্দ। ঈশ্বর-ভক্তের মন এই সিদ্ধান্তে কখনই সায় দিতে পারে না। ঈশ্বর আমাদের এখনো ভাল বাসিতেছেন। যখন ঈশ্বরের ইচ্ছার বিরাম হইলে জগৎ বিধ্বংস হয়, তখন আমরা তাঁহার নিকট হইতে যে সকল উপকার প্রাপ্ত হইতেছি তাহার বর্তমান ইচ্ছানুসারে প্রাপ্ত হইতেছি তাহা আর সন্দেহ নাই। যখন সে সকল উপকার তাঁহার বর্তমান ইচ্ছানুসারে প্রাপ্ত হইতেছি তখন যে এক্ষণে আমাদের প্রতি তাঁহার যত্ন ও প্রীতি নাই তাহা আমরা কি প্রকারে বিশ্বাস করিতে পারি। সেই জীবন্ত দেবতাই আমাদের এক্ষণে অন্নপানে পুষ্ট করিতেছেন, তিনি আমাদের বুদ্ধিবৃত্তি প্রেরণ করিতেছেন, তিনি আমাদের শুভ বুদ্ধিতে নিযুক্ত করিতেছেন, তিনি পাপ পুণ্যের দণ্ড পুরস্কার

বিধান করিতেছেন, তিনি আমাদেরকে পাপ হইতে মুক্ত করিতেছেন, তিনি আমাদের মনে ধর্মবল প্রদান করিতেছেন, তিনি আমাদের আধ্যাত্মিক উন্নতি সাধন করিতেছেন, তিনি আমাদের পরিত্রাণ কার্য সম্পাদন করিতেছেন, তিনি আমাদের সম্বন্ধে পাপ ঘাতীত সকল ঘটনাই বিধান করিতেছেন। উল্লিখিত উপকারজনক কার্য সকল তিনি সাধারণ মনুষ্য সম্বন্ধে বিধান করিতেছেন, তন্মধ্যে আবার যে ব্যক্তি তাঁহার নিতান্ত অল্পগত ও একান্ত শরণাপন্ন হয়েন তিনি তাঁহার প্রতি বিশেষ অল্পগ্রহ প্রকাশ করেন। তিনি ঈশ্বরকে যেরূপ প্রীতি করেন ঈশ্বর তাহা অপেক্ষা তাঁহাকে সমধিক প্রীতি করেন। ভক্ত যদি ঈশ্বরের দিকে একপদ অগ্রসর করেন, ঈশ্বর ভক্তের দিকে শত পদ অগ্রসর করেন। তিনি ভক্তকে তাঁহার প্রেম মুখ প্রদর্শন দ্বারা কৃতার্থ করেন। “কত তাঁর আনন্দ তাঁরে পাইয়া অন্তরে”। উপরে যাহা লিখিত হইল তাহা পরীক্ষার বিষয়। তাহা যে সত্য তাহা সকল দেশের সকল কালের সাধকেরা পরীক্ষা করিয়া দেখিয়াছেন। ঈশ্বরের যেমন অশ্রান্ত নিয়মিত কার্য আছে তেমনি সাধকের কৃতার্থ কবা তাঁহার এক নিয়মিত কার্য।

ঈশ্বর যেমন মনুষ্যকে আপনা হইতে সাহায্য করেন তেমনি মনুষ্য তাঁহার নিকট সাহায্যের জন্য প্রার্থনা করিলে তিনি সে প্রার্থনা সিদ্ধ করেন।

ঈশ্বর মনুষ্যের প্রার্থনা সিদ্ধ করেন এই কথা যাহারা অস্বীকার কবে তাহারা, যে স্বাধীনতা মনুষ্যের আছে তাহা ঈশ্বরের আছে, ইহা অস্বীকার করে। এক জন মনুষ্য অল্প মনুষ্যের প্রার্থনা পূরণ করিতে সক্ষম কিন্তু ঈশ্বরের প্রকৃতির কি এমন বদ্ধতাব যে যিনি মনুষ্যের একটা প্রার্থনাও পূর্ণ করিতে সক্ষম নহেন? কোন পৃথিবীস্থ রাজা আপনা দ্বারা সংস্থাপিত নিয়ম ভঙ্গ না করিয়াও অনেক স্থলে প্রজার প্রার্থনা পূরণ করিতে পারেন, আর যিনি রাজার রাজা ও সকল ভূতের অধিপতি তাঁহার স্বভাবের কি এমন বদ্ধতাব যে তিনি নিয়ম ভঙ্গ না করিয়া আমাদের কোন প্রার্থনা পূরণ করিতে পারেন না?

ঈশ্বরের নিকট প্রার্থনা করিবার এক প্রবল ইচ্ছা ঈশ্বর আমাদেরকে প্রদান করিয়াছেন। ঈশ্বর এমন প্রবল ইচ্ছা প্রদান করিয়াছেন

অথচ কোন কালে তাহা পূর্ণ করেন না ইহা কি কখন সম্ভব হইতে পারে? ঈশ্বর কি আমাদের সঙ্গে উপহাস করিতেছেন? এমন বিশ্বাসকে আমরা কখনই মনে স্থান দিতে পারি না।

ঈশ্বর করুণাময় পিতা হইয়া যে আমাদের কোন প্রার্থনা শ্রবণ করেন না ইহা কি প্রকারে বিশ্বাস করা যাইতে পারে?

ঈশ্বর অনন্ত গুণে মহৎ, অতএব আমরা এমন কখনই বিশ্বাস করিতে পারি না যে, মনুষ্যের যে স্বাধীনতা আছে তাহা তাঁহার নাই, তিনি আমাদের সঙ্গে উপহাস করিতেছেন এবং তিনি নির্দোষ পুরুষ। অতএব ইহা অবশ্য স্বীকার করিতে হইবে যে ঈশ্বর মনুষ্যের প্রার্থনা পূরণ করেন।

আমরা যেমন ঈশ্বরের প্রকৃতি আলোচনা করিয়া অশ্রুভব করিতে সমর্থ হই যে ঈশ্বর মনুষ্যের প্রার্থনা পূরণ করেন, তেমনি আমরা পরীক্ষা দ্বারা দেখিতেছি যে তিনি মনুষ্যের প্রার্থনা পূরণ করেন। ঈশ্বরের নিকট প্রার্থনা করিলে দেখা যায় যে আমাদের সকল প্রার্থনা তিনি পূর্ণ না করুন, কোন কোন প্রার্থনা পূর্ণ করেন।

ঈশ্বর কিন্তু আপনার সংস্থাপিত অথও বিশ্বব্যাপী নিয়ম সকল ভঙ্গ করিয়া মনুষ্যের কোন প্রার্থনা পূর্ণ করেন না। কারণ তাহা হইলে তাঁহাকে অব্যবস্থিতচিত্ত ও পক্ষপাতী হইতে হয়। তিনি কি প্রকারে সেই সকল নিয়ম ভঙ্গ না করিয়াও মনুষ্যের প্রার্থনা পূর্ণ করেন তাহা আমরা জানিতে পারি না। নিজে ঈশ্বর না হইলে ঈশ্বরের নিগূঢ় বিষয় সকল জানা যায় না যখন আমরা নিজে ঈশ্বর নই তখন আমরা তাহা কি প্রকারে বুঝিতে পারিব?

ঈশ্বরের নিকট সাংসারিক কামনা সিদ্ধি জন্ত প্রার্থনা করাতে দোষ নাই, কিন্তু আধ্যাত্মিক কামনা সিদ্ধি জন্ত প্রার্থনাই অসংখ্য গুণে শ্রেষ্ঠতর। শেষোক্ত প্রকার প্রার্থনা যে শ্রেষ্ঠতর তাহা আমাদের মহত্ব-বোধবৃত্তি বলিয়া দিতেছে। সাংসারিক কামনা সিদ্ধির প্রার্থনা অপেক্ষা আধ্যাত্মিক কামনা সিদ্ধির নিমিত্ত প্রার্থনা যে অসংখ্য গুণে মহৎ তাহার আর সন্দেহ নাই। প্রথমোক্ত প্রার্থনা অপেক্ষা শেষোক্ত প্রার্থনা শ্রেষ্ঠতর,

তাহা আবার ঈশ্বরের এই বিধান হইতে জানা যাইতেছে যে প্রার্থনা দ্বারা সাংসারিক কামনা সুসিদ্ধির স্থিরতা নাই। এপ্রকার কামনা কখন সিদ্ধ হয়, কখন হয় না। অনেক স্থলে স্পষ্ট দেখা যায় যে, সাংসারিক কামনার সিদ্ধি প্রাকৃতিক নিয়ম ভঙ্গের প্রতি নির্ভর করে, কিন্তু ঈশ্বর নিয়ম ভঙ্গ করিয়া কোন প্রার্থনা পূর্ণ করেন না। পরন্তু আধ্যাত্মিক কামনা সিদ্ধি সম্বন্ধে ঈশ্বর এইরূপ বিধান করিয়া দিয়াছেন যে, একান্ত চিন্তে প্রার্থনা করিলে সে প্রার্থনা অবশ্যই পূর্ণ হয়। অত্ৰ প্রাকৃতিক নিয়ম সঙ্গের মধ্যে ইহাও এক নিয়ম। বিশেষতঃ আধ্যাত্মিক কামনার প্রকৃতি আলোচনা করিলে প্রতীত হইবে যে, ঈশ্বরের নিকট তাহার সুসিদ্ধির জন্ত প্রার্থনা না করিলে কোন মতেই চলে না। ঈশ্বরকে প্রাপ্ত হইবার নিমিত্ত ইচ্ছা না হইলে তাঁহাকে কি প্রকারে পাওয়া যাইতে পারে? কিন্তু ইহা একটা প্রাকৃতিক নিয়ম যে ঈশ্বর প্রাপ্তিব ইচ্ছা হইলে তাহার সঙ্গে সঙ্গে তাহার জন্ত তাঁহার নিকট প্রার্থনা উত্থিত হয়, তাহা কোন মতে না হইয়া থাকিতে পারে না। এইরূপ প্রার্থনা স্বভাবতঃ মন হইতে উত্থিত হয়। ঈশ্বর নিরতিশয় মহান্, আমরা ক্ষুদ্র কীট, তাঁহার সহবাস লাভ করা আমাদের পক্ষে অতীব দুর্লভ। অতএব ঈশ্বরের সহবাস লাভ করিতে তাঁহার নিকট তচ্ছত্র প্রার্থনা না করিয়া কি প্রকারে থাকা যাইতে পারে? ঈশ্বরের নিকট ঈশ্বরের সহবাস ও ধর্ম বল জন্ত প্রার্থনা করা যেমন স্বাভাবিক, ঈশ্বরের সে প্রার্থনা পূরণ করা তেমনি স্বাভাবিক। ঘরের বাতায়ন উদ্ঘাটন করিলেই যেমন সূর্য্য-জ্যোতি তাহাতে প্রবেশ করে, তেমনি প্রার্থনা দ্বারা মনের দ্বার উদ্ঘাটন করিয়া দিলেই তাহাতে ঈশ্বরের বল প্রবেশ করে। কেহ কেহ এই কথা বলেন যে, যখন এইরূপ প্রার্থনা পূরণ আমরা স্বভাব হইতে প্রাপ্ত হইতেছি তখন ঈশ্বর আর শাস্তাং সম্বন্ধে সেই প্রার্থনা পূর্ণ করিলেন, ইহা কি প্রকারে বলা যাইতে পারে? তাহার উত্তর এই যে, যখন ঈশ্বরকে অবলম্বন কবিয়া প্রকৃতি কার্য্য করিতেছে, ও যখন ঈশ্বর আমাদের প্রার্থনা জানিতেছেন, ও যখন ঈশ্বরের বর্তমান ইচ্ছার উপর সকল বস্তু ও ঘটনা নির্ভর করিতেছে, তখন

ঈশ্বর যে নিজেকে সেই প্রার্থনা পূর্ণ করিলেন না ইহা আমরা কি প্রকারে বিশ্বাস করিতে পারি ?

কামনা সিদ্ধি জন্ত ঈশ্বরের নিকট প্রার্থমা যেমন আবশ্যক, আত্ম-চেষ্টাও তেমনি আবশ্যক। ঈশ্বর তাহাদিগকে সাহায্য করেন, যাহারা আপনাদিগকে আপনারা সাহায্য করে। “আত্ম-প্রভাবং দেব-প্রসাদাৎ” অর্থাৎ আত্মচেষ্টা ও ঈশ্বরের অহুগ্রহ দ্বারা সকল কামনা সিদ্ধ হয়। মনুষ্যের স্বাধীনতা আছে, এই জন্ত আত্ম-চেষ্টা কর্তব্য ; মনুষ্য ক্ষীণ, এই জন্ত ঈশ্বরের সহায়তা আবশ্যক।



## সপ্তম অধ্যায় ।

### ঈশ্বরোপাসনা ।

অদৌকিক পুরুষের প্রতি নির্ভর বোধে কতকগুলি ভাব মনে উদ্ভিত হয় ও সেই ভাব হইতে কত প্রকার কার্যের উৎপত্তি হয়। এইরূপ ভাব ও কার্যের নাম দেবোপাসনা। উল্লিখিত নির্ভর বোধ হইতে এইরূপ ভাব ও কার্যের উৎপত্তি হইবেই হইবে। তাহা স্বাভাবিক। যিনি সৰ্ব্বশক্তিমান ও ঐহিকের প্রতি আমরা সম্পূর্ণ নির্ভর করিতেছি তাঁহাকে ভয় করা ও তাঁহার আদেশ পালন করা, এবং তাঁহাকে করুণাময় স্নহং বলিয়া জানিলে তাঁহাকে ভক্তি ও প্রীতি করা, এবং যে সকল কার্য তাঁহার প্রিয়কার্য বলিয়া জ্ঞান হয় তাহা সম্পাদন করা মনুষ্যের স্বাভাবিক কার্য। দোবোপাসনা প্রবৃত্তি মনুষ্য কখন একবারে উচ্ছেদ করিতে পারে না এ বিষয়ে মনুষ্য আপনার স্বভাবকে কখনই অতিক্রম করিতে সক্ষম হয় না।

দেবোপাসনা-প্রবৃত্তির তিন লক্ষণ আছে। প্রথম লক্ষণ এই যে, তাহা পৃথিবীর সকল দেশেই ব্যাপ্ত। “প্রত্যেক জাতীয় মনুষ্য-মণ্ডলীর মধ্যে কতক ব্যক্তি ধর্মের রাজনাথ পোহোহিত্য কর্মে ব্রতী হইয়াছেন ; ঈশ্বরের অধিষ্ঠানোদ্দেশে মন্দির চৈত্য দেবালয় প্রভৃতি প্রতিষ্ঠিত হইয়াছে ; এবং কেবল ঈশ্বরেরই উপলক্ষ করিয়া যাগ যজ্ঞ ব্রত মহোৎসব তীর্থ পর্যটনাদি ব্যাপ্ত হইয়াছে। উদ্যত বজ্রহুশের ঞায় তাঁহার ভয়ঙ্কর নাম উচ্চারণ মাত্র লোক সকল ব্রন্ত হইয়া কত কুক্রিয়া হইতে সঙ্কুচিত ও নিবৃত্ত হইয়া থাকে ! কত রাজমুকুট-ধারী ব্যক্তিকে ভক্তি সহকারে তাঁহার নামে নতশির হইতে দৃষ্ট হয়, এবং কত মনুষ্য অনিত্য অধম সংসারাসক্তি পরিত্যাগ পূর্বক ঈশ্বরপ্রেমানন্দে নিমগ্ন হয়। সকল প্রকার গুণেই তিনি অধিষ্ঠাতা দেবতাকপে বরণীয় হইয়াছেন। সম্পদ কালে তাঁহার নামে জয়-



ধর্মনি উপস্থিত হইতে থাকে, এবং বিপদ সময়ে তিনি কাণ্ডারী স্বরূপে শরণা-  
পন্নদিগের অবলম্বনের বিষয় হয়েন। পারত্রিক মঙ্গলের বিষয়েও তাহারা  
তঁাহারই উপাসনা ও তঁাহার অনুজ্ঞাত কার্য সাধনকেই তদীয় হেতুভূত-  
রূপে অবধারণ করে, এবং আপনাদের অতীষ্ট সিদ্ধির নিমিত্ত তঁাহারই  
উপাসনা করিয়া থাকে।” \* ঈশ্বরের উপাসনার দ্বিতীয় লক্ষণ এই যে, তাহা  
অবিনাশী। এই জন্ত গোলাব পুষ্প যেমন আপনা হইতেই প্রক্ষুটিত হয়,  
তেমনি ভক্তিভাব সকল চিরকাল মনুষ্যের মনে আপনা হইতেই উদ্ভিত  
হয়। এই জন্ত প্রাচীনকালের ঈশ্বর-পরায়ণ ব্যক্তিদিগের রচিত ধর্মসম্বন্ধীত  
এখনও আমাদের মনে ভক্তির উদ্রেক করে। এই জন্ত প্রাচীনদিগের ধর্ম-  
বিষয়ক প্রবচন দৃঢ়মান দারুণিঃস্বত অনলোপম উৎসাহের সহিত আমাদের  
মনকে পূর্ণ করে। ঈশ্বর উপাসনা প্রবৃত্তির তৃতীয় লক্ষণ এই যে তাহা অতি  
বলবতী। আহারের কষ্টে ও প্রচণ্ডতাপে পরিত্রাজন জন্য বিশীর্ণকলেবর  
হইয়া কত লোক ঈশ্বর উদ্দেশে অনেক মহাটহ্মল অতি দূরস্থ তীর্থ পর্য্যটন  
কার্য্য সমাধা করে, কত লোকে ঈশ্বরের জন্ত ধন মান যশঃ প্রভৃতি বিসর্জন  
দেয়, ঈশ্বর জন্য কত লোকে প্রাণ পর্য্যন্ত সমর্পণ করে। ধন মান ও সাংসা-  
রিক সুখ স্বচ্ছন্দতা প্রাপ্তির আশয়ে কেহ স্বামী জাতির সহিত সহবাস পরিত্যাগ  
করে না, কিন্তু তাহা ধর্মের জন্য পরিত্যাগ করিতে কত ব্যক্তিকে দৃষ্ট হই-  
তেছে। ইহা উক্ত হইতে পারে যে উল্লিখিত ধর্ম সকলের মধ্যে কোন কোন  
ধর্ম ঈশ্বরোপাসনা প্রবৃত্তির বিকার জনিত কিন্তু ইহা অবশ্য স্বীকার করিতে  
হইবে যে সে সকল উক্ত প্রবৃত্তির বলের বিলক্ষণ পরিচয় দিতেছে।

ঈশ্বরের উপাসনা করা স্বভাবসিদ্ধ কার্য্য অতএব তাহা অন্যান্য স্বভাব-  
সিদ্ধ কার্য্যের ন্যায় নিয়ম পূর্ব্বক সম্পাদন করা কর্তব্য। ঈশ্বরোপাসনা  
প্রবৃত্তিকে নিয়মিত করা কর্তব্য কিন্তু তাহা নিরোধ করা কখনই কর্তব্য নহে।  
বাহ্যার প্রতি আমাদের সম্পূর্ণ নির্ভর ও বিনি সর্ব্বশক্তিমান তঁাহাকে যে ভয়  
করা কর্তব্য, বিনি আমাদের জীবন প্রদান করিয়াছেন ও অহর্নিশ উপকার  
সাধন করিতেছেন তঁাহার প্রতি যে কৃতজ্ঞচিত্ত হওয়া উচিত, বিনি সকল পদাথ

হইতে শ্রেষ্ঠ ও উৎকৃষ্ট তাঁহাকে যে প্রীতি করা কর্তব্য, যিনি আমাদের প্রভু তাঁহার যে আদেশ পালন করা উচিত, যিনি আমাদের বন্ধু তাঁহার যে প্রিয় কার্য সাধন করা কর্তব্য ইহার আর কোন যৌক্তিক প্রমাণ আবশ্যক করে না। যে ঈশ্বরে বিশ্বাস করে, যে ঈশ্বরকে সাংসারিক অথবা আধ্যাত্মিক সকল সুখের প্রদাতা বলিয়া জানে তাহার মনে উল্লিখিত ভাব উদ্ভিত না হইয়া এবং সে উল্লিখিত কার্য না করিয়া কখনই থাকিতে পারেনা। যে সকল ব্যক্তি ঈশ্বরে ও ঈশ্বরের কর্তৃত্ব ও মাহাত্ম্যে বিশ্বাস করে ও তাঁহাকে জীবন্ত দেবতা বলিয়া জানে তাহার জীবনের উদ্দেশ্য সুখ উপভোগের জন্য তাঁহার উপাসনা কর্তব্য জ্ঞান করিবেই করিবে। তন্মধ্যে যে ঈশ্বরকে কেবল সাংসারিক সুখ দাতা বলিয়া জানে সে সাংসারিক কামনা সুসিদ্ধি জন্য তাঁহার উপাসনা কর্তব্য জ্ঞান করে, যে অন্য সকল পদার্থে অতৃপ্তি বোধ করে এবং ঈশ্বরকে সর্বোৎকৃষ্ট পদার্থ ও সৌন্দর্যের সমুদ্র ও তৃপ্তির একমাত্র আকর বলিয়া জানে সে তাঁহার সহিত সম্মিলিত হইয়া আধ্যাত্মিক আনন্দ উপভোগ জন্ত তাঁহার উপাসনা কর্তব্য জ্ঞান করে।

ঈশ্বরোপাসনা প্রবৃত্তিতে মনের এই কয়েকটা ভাব ভুক্ত আছে। (১) ভয়, (২) মঙ্গলাভিপ্রায়ে বিশ্বাস, (৩) কৃতজ্ঞতা, (৪) ভক্তি, (৫) প্রীতি। যেমন পিতার শক্তি দেখিয়া বালকের মনে তাঁহার প্রতি ভয়ের উদ্রেক হয়; তাঁহাকে নিয়মানুসারে তাহার কল্যাণ সাধন করিতে দেখিয়া তাহার মনে তাঁহার মঙ্গলাভিপ্রায়ে বিশ্বাসের উদয় হয়, তাঁহাকে তাহার উপকার করিতে দেখিয়া তাঁহার প্রতি তাহার হৃদয়ে কৃতজ্ঞতার সঞ্চার হয়; তাঁহার জ্ঞান ও শক্তি তাহা অপেক্ষা অধিক ও সেই জ্ঞান ও শক্তি তাহার কল্যাণ সম্পাদন জন্ত নিয়োজিত দেখিয়া তাঁহার প্রতি তাহার ভক্তির উদ্রেক হয়; আপনার প্রতি তাঁহার প্রীতি দেখিয়া তাঁহার প্রতি তাহার প্রীতির সঞ্চার হয়, সেইরূপ ঈশ্বরের প্রতি জীবাত্মার ঐ সকল ভাবের উদয় হয়।

উল্লিখিত কয়েক ভাবের মধ্যে লোকের মনে যখন ঈশ্বরভয় প্রবল থাকে তখন অল্প সকল ভাব বর্তমান থাকে কিন্তু স্নান ভাবে অবস্থিত করে। আর যখন প্রীতি প্রবল হয় তখন প্রীতির প্রতিপোষক কারণে বিশ্বাস কৃতজ্ঞতা ও ভক্তি পূর্বাৎসর্গ, দ্বিগুণ তেজ ধারণ করিয়া ধর্মের পরম রমণীয় শোভা

সম্পাদন করে। বিবেক বৃত্তির অন্তর্গত মহত্ব-বোধ সঞ্চারিত সহজ জ্ঞান দ্বারা আমরা জানিতেছি যে ভয়প্রধান অর্থাৎ সকাম উপাসনা অপেক্ষা প্রীতি-প্রধান অর্থাৎ নিষ্কাম উপাসনা শ্রেষ্ঠ।

যে ব্যক্তি কোন সাংসারিক কামনা সুসিদ্ধির উদ্দেশে ঈশ্বরের উপাসনা করে তাহার সদাই ভয় যে তিনি অসন্তুষ্ট হইলে কামনা পূর্ণ করিবেন না। ঈশ্বরের এ প্রকার উপাসনা তাঁহার নিকৃষ্ট উপাসনা। অজ্ঞান মনুষ্যই এই-রূপ উপাসনা করে। তাহাদিগের উপাসনা যেরূপ নিকৃষ্ট উপাসনা প্রণালীও তদ্রূপ নিকৃষ্ট। তাহারা ঈশ্বরে ভূষ্টির জন্য স্তব স্তুতি পাঠ ও আপনার প্রিয় ইঞ্জিয়সুখদ্রব্য সকল অর্থাৎ ফল দুগ্ধ অন্ন মাংসাদি বিবিধ উপাদেয় আহাৰ্য্য বস্ত্র ও চন্দন গুপ্পাদি সুগন্ধ দ্রব্য উপহার প্রদান করে। মানব শরীর ও মানব জীবন বহুমূল্য জ্ঞান করিয়া উল্লিখিত উপাসক আপনার শরীরকে বিবিধ প্রকার প্রচুর কষ্ট প্রদান করে। এমন কি আপনার সম্ভানকেও উপাস্য দেবতার সম্ভটির জন্ত বলিদান দেয়। যখন ঐ প্রকার উপাসকের মনে এই ভাব জাজল্যমানরূপে উদয় হয় যে ঈশ্বরের নিকট পাপ অত্যন্ত স্বগাহ তখন তাহারা তাঁহাকে তুষ্ট রাখিবার জন্ত পাপ মোচন নিমিত্ত শরীরের অনেক কষ্টদ কৃচ্ছ সাধন প্রায়শ্চিত্তাদির অনুষ্ঠানে প্রবৃত্ত হয়।

ঈশ্বরের নিষ্কাম উপাসকই তাঁহার শ্রেষ্ঠ উপাসক। সকামপ্রীতি সর্বি-রোধ বাক্য। প্রীতি নিষ্কাম। তাহাকে কি সং পুত্র বলে, যে পিতার মৃত্যুর পর তাঁহার সঞ্চিত ধন প্রাপ্তি আশয়ে তাঁহার প্রতি ভক্তি ও শ্রদ্ধা প্রকাশ করিয়া থাকে? তাহাকে কি স্বদেশপ্রেমী বলা যাইতে পারে যে মান প্রাপ্তির আশয়ে আপনার জন্মভূমির হিতসাধনে প্রবৃত্ত হয়? তাহাকে কি যথার্থ বন্ধু বলা যাইতে পারে যে অর্থ প্রাপ্তির আশয়ে আপনার সুহৃদের প্রতি প্রীতি প্রদর্শন করে? ঈশ্বরের কেবল উৎকৃষ্ট গুণরূপ সৌন্দর্য্যে আকৃষ্ট হইয়া যে তাঁহার প্রেমানন্দে মগ্ন হয় সেই তাঁহার যথার্থ উপাসক। নিষ্কাম উপাসকের প্রত্যেক মনন, প্রত্যেক বাক্য, প্রত্যেক কর্ম, ঈশ্বরের প্রীতিার্থ মত উক্ত বা কৃত হয়। যে কর্ম তাঁহার কর্ম নহে তাহাতে তাঁহার অনুরাগ নাই, যে কথা তাঁহার অথবা তাঁহার কাঙ্ক্ষাসম্বন্ধীয় নহে তাহাতে তাঁহার উৎসাহ নাই। নিষ্কাম উপাসক ঈশ্বরের নিকট হইতে ঈশ্বর ব্যতীত অন্য কিছুই

প্রার্থনা করেন না। সাংসারিক সুখ যদি নিত্য হয় আর হৃৎথের লেশ মাত্র তাহাতে না থাকে তথাপি তিনি ঈশ্বরপ্রীতি রস সুধাপানের সুখের সহিত তুলনা করিয়া সে সুখকে সুখই বোধ করেন না। পারলৌকিক সুখেও ঈশ্বরজ্ঞান ও প্রীতিজনিত সুখ যদি না থাকে তবে তাহা অতি অকিঞ্চিৎকর রূপে তাহার নিকট প্রতীয়মান হয়। প্রীতির পূর্ণাবস্থা হইলে ভয় দূরীভূত হয়।

ঈশ্বর প্রাপ্তির জন্য ঈশ্বরের প্রীতি যেমন আবশ্যিক ঈশ্বরের প্রিয় কার্য সাধন তেমনই আবশ্যিক। ঈশ্বরের প্রিয় কার্য সাধন না করিলে তাঁহার প্রতি যথার্থ প্রীতি করা হয় না। পিতার আদেশ পালন না করিয়া কেবল তাঁহাকে প্রীতি করিলে কি হইবে? কিন্তু আবার ওদিকে কেহ কেহ যাহা বলেন যে কেবল ঈশ্বরের প্রিয় কার্য সাধন করিলেই হইল তাঁহাকে প্রীতি করা আবশ্যিক করে না, তাহা মনুষ্যস্বভাব সঙ্গত অথবা যুক্তি সঙ্গত নহে। ঈশ্বরকে প্রীতি না করিলে জীবনের উদ্দেশ্য আনন্দোপভোগ জন্য সর্কাপেক্ষা মহৎ বৃত্তি প্রীতিবৃত্তিকে তাহার উপযুক্ত বিষয়ের প্রতি নিয়োজিত করা হয় না। অতএব ঈশ্বরোপাসনাতে ঈশ্বরের প্রিয়কার্য সাধন যেমন আবশ্যিক ঈশ্বরের প্রতি প্রীতি তদ্রূপ আবশ্যিক। পক্ষী যেমন ছুই পক্ষ ব্যতীত উড়িতে সমর্থ হয় না তেমনি ঈশ্বরপ্রীতি ও প্রিয় কার্য সাধন এই দুয়ের সংযোগ ব্যতীত আমরা ঈশ্বর সমীপে উপনীত হইতে পারি না।

পৃথিবীস্থ সকল প্রকার উপাসক ঈশ্বরের প্রিয় কার্য সাধনকে তাঁহার উপাসনার প্রধান অঙ্গ জ্ঞান করে। নিকৃষ্ট ধর্মাবলম্বীরা ক্রিয়াকলাপরূপ বাহ্য অনুষ্ঠানকে তাঁহার প্রিয় কার্য জ্ঞান করে। শ্রেষ্ঠ ধর্মাবলম্বীরা ন্যায় ও পরোপকার কার্যকে তাঁহার প্রিয় কার্য জ্ঞান করে।

সাংসারিক কার্য সম্পাদন কালে প্রত্যেক স্থলে কিরূপ কর্ম করিলে ঈশ্বরের প্রিয় কার্য হয় তাহার বিধি ধর্মপুস্তকে থাকা অসম্ভব। ঈশ্বর মনুষ্যকে ন্যায়পরতা ও উপচিকীর্ষ বৃত্তি প্রদান করিয়াছেন। ঐ ছুই বৃত্তি দ্বারা কোন্ কার্য ঈশ্বরের প্রিয় ও কোন্ কার্য বা তাঁহার অপরিচিত তাহা আমরা জ্ঞানিতে সক্ষম হই ; ঐ ছুই বৃত্তি না থাকিলে কেবল ধর্মপুস্তক দ্বারা তাহা জ্ঞানিতে কখনই সক্ষম হইতাম না। নিম্নে ঐ ছুই বৃত্তির বিষয় বলা হইতেছে।

অন্য কৰ্ম দেখিলে আমাদিগের মনে অতুষ্টি জন্মে ও ন্যায় কৰ্ম দেখিলে তুষ্টি জন্মে এই জন্মই যে আমরা প্রথমোক্ত কৰ্মকে অন্তায় বলি আর শেষোক্ত কৰ্মকে ত্রায় বলি এমন নহে। ন্যায়ান্যায় বিবেক-কার্যে ছই পক্ষ পরিমাণ কার্য অন্তর্ভূত আছে। এই জন্য কোন প্রাচীন জাতির ধর্মে ন্যায়ার্থিষ্ঠাত্রী দেবতা হস্তে একটি তুলা-যন্ত্র ধরিয়া আছেন এমন বর্ণনা আছে। অন্যের যথার্থ অধিকার আক্রমণ করা অন্যায় এই বিবেক কার্যে অন্যের যথার্থ অধিকারের সহিত আক্রমণ কার্যের তুলনা অন্তর্ভূত আছে। এই ন্যায়ান্যায় বোধ দ্বারা সকল কৰ্ম, এমন কি, পরোপকার পর্যন্ত নিয়মিত হয়।

ন্যায়ান্যায়-বিশ্বাস আশ্রয়প্রত্যয়। কোন একটি কৰ্ম কেন ন্যায় অথবা কেন অন্যায় ইহার নিদান কারণ অনুসন্ধান করিতে গেলে দেখা যায় যে তাহার কোন যৌক্তিক প্রমাণ দেওয়া যাইতে পারে না অথচ আমরা তাহাতে না বিশ্বাস করিয়া থাকিতে পারি না। ন্যায়ান্যায়ের ভাব মূল ভাব। তাহা অন্য কোন ভাব হইতে উৎপন্ন নহে। এই ন্যায়ান্যায় বোধ সকল দেশের সকল কালের সকল লোকেরই আছে যে হেতু ন্যায়ান্যায়ের ভাব হৃদয়ে সঞ্চারিত হইবার উপলক্ষ সকলেরই সম্বন্ধে ঘটে। সকল দেশেই ন্যায়বান্ ব্যক্তি পুঞ্জিত হন; সকল দেশেই অন্যায়াচারী পরপীড়োপজীবী দুরাত্মা বৃণিত হয়। প্রত্যেক জাতি মধ্যে সর্বজন-মাত্ৰ নীতিমূত্র সকল প্রচলিত আছে। যেখানে লোকে সমাজবদ্ধ হইয়া আছে সেইখানেই এই ত্রায়াত্রায় বোধ তাহাদের হৃদয়ে বর্তমান দেখা যায়। দম্ভ্যদলের মধ্যেও এই বোধের সম্ভাব কিয়ৎ পরিমাণে দৃষ্ট হয়। ত্রায়ের নিয়ম সকল কিয়ৎ পরিমাণে পালন না করিলে দম্ভ্যদলও থাকে না।

৬ ঈশ্বর এই ত্রায়াত্রায় বোধ মনুষ্যের মনে স্থাপন করিয়া কার্যের ত্রায়াত্রায় বিষয়ে তাহার অভিপ্রায় মনুষ্যদিগকে ব্যক্ত করিয়াছেন। ঈশ্বর মনে করিলে মনের ঐক্যত্ব অন্তপ্রকার করিতে পারিতেন কিন্তু যিনি মনের অধিপতি, মানবমন যাহার অতি যত্নের ধন, তিনি সূক্ষ্মশীল শাস্তির উদ্দেশে তাহাকে উক্ত শুভকরী বৃত্তি প্রদান করিয়াছেন। এই ন্যায়ান্যায়-বিবেক-বৃত্তি লোক-সমাজের সমুদয় নিবারণার্থে সেতুস্বরূপ হইয়াছে। মনুষ্যের ঐ বৃত্তির এক-বারে উচ্ছেদ হইলে লোকসমাজ এক দণ্ড রক্ষা পায় না। যে সকল সংশয়-

বাদীরা মনুষ্যের উক্ত বৃত্তির সম্ভাব স্বীকার করেন না তাঁহারা ই লোক-সমাজে থাকিয়া উক্ত বৃত্তির শুভ ফল লাভ করিতেছেন ।

ধর্মের শোভা তখন অতি উজ্জ্বল রূপে প্রকাশ পায়, যখন ন্যায় বৃত্তি যত দূর লোকের উপকার করিতে বলে তাহা অপেক্ষা অধিক উপকার করা হয় । যে সকল মহাত্মারা পরের উপকার সাধনে প্রচুর কষ্ট স্বীকার এমন কি প্রাণ পর্য্যন্ত অর্পণ করিয়াছিলেন তাঁহারা কি চিরস্মরণীয় ব্যক্তি !

পরোপকার মহৎ কার্য্য ইহা মহত্ববোধজনিত আত্মপ্রত্যয় ।

কর্মের ন্যায়ান্যায় বোধ ও কর্মের মহত্ব বোধ এই দুই লইয়া ধর্মাদ্বৈত বোধ হইয়াছে । এই ধর্মাদ্বৈত বোধ মানবহৃদয়স্থিত ধর্মপুস্তক । ইহা মনুষ্যের অশেষ কল্যাণের প্রসবণ । ইহার আদেশানুসারে চলিলে ঈশ্বরোপাসনার এক প্রধান অঙ্গ অর্থাৎ তাঁহার প্রিয় কার্য্য সাধন সম্পন্ন হয় ও মনুষ্যের ঐতিক ও পাবিত্রিক মঙ্গল সাধন হয় ।



## অষ্টম অধ্যায় ।

### পরকাল ।

ঈশ্বরে বিশ্বাস যেমন ধর্মের এক প্রধান অঙ্গ তেমনি পরকালে বিশ্বাস ধর্মের আব এক প্রধান অঙ্গ ।

অধিকাংশ ব্যক্তি শরীর হইতে আত্মার বিভিন্নতায় বিশ্বাস করে কিন্তু তাহারা তাহার কোন যৌক্তিক প্রমাণ দিতে অক্ষম অথচ তাহার তাহাতে না বিশ্বাস করিয়া থাকিতে পারে না । শরীর ও আত্মার প্রভেদ বিষয়ে কোন যৌক্তিক প্রমাণ আবশ্যক করে না, সংজ্ঞাই তাহার সাক্ষ্য প্রদান করিতেছে । ঐ বিশ্বাসাস্তর্গত ভাব মূল ভাব । আত্মার স্বরূপ অথচ কোন বস্তুর স্বরূপের জ্ঞান নহে । আত্মার আকৃতি ও পরিমাণ নাই । আত্মা এত দীর্ঘ এত প্রস্থ ও এত পরিমাণ, বলিতে গেলে হস্তাস্পদ বাক্য হয় । আত্মা শরীর হইতে ভিন্ন এই বিশ্বাস সকল লোকেরই আছে । অতএব প্রমাণ হইতেছে যে শরীর হইতে আত্মার পার্থক্য বিশ্বাস আত্মপ্রত্যয় ।

আমরা আত্মপ্রত্যয় দ্বারা শরীর হইতে আত্মার পার্থক্য যাহা জানিতেছি তাহা আবার যুক্তি হইতে পোষকতা প্রাপ্ত হয় । যখন আমি একই ব্যক্তি নানা ব্যক্তি নহি, তখন আমার আত্মা কখনই ভৌতিক পদার্থ হইতে পারে না । কেননা ভৌতিক পদার্থ হইলে তাহা ভিন্ন ভিন্ন পরমাণু দ্বারা রচিত হইত এবং সেই পরমাণু-পুঞ্জের সংজ্ঞা গুণ থাকাতে প্রত্যেক পরমাণুরই সংজ্ঞা গুণ থাকিত । তাহা হইলে আমি আপনাকে এক ব্যক্তি মনে না করিয়া অনেক ব্যক্তি মনে করিতাম । কিন্তু যখন সেটি মনে করিতেছি না তখন আমার আত্মা যে অভৌতিক তাহা বিলক্ষণ প্রতীত হইতেছে ।

শরীর হইতে আত্মা পৃথক এই তত্ত্ব হইতে আমরা সহজ যুক্তি দ্বারা নিরূপণ করি যে আত্মা অমর। যখন আত্মা অভৌতিক তখন ভঙ্গুরত্ব ও বিনশ্বরত্ব প্রভৃতি ভৌতিক পদার্থের গুণ তাঁহাতে থাকিতে পারে না। ঐ যুক্তি এমন সহজ যে অসভ্য জাতিদিগের মধ্যেও পরকালে বিশ্বাস দৃষ্ট হয়। \*

পরকালের আর এক যুক্তি এই যে যখন জগতে কোন পদার্থেরই বিনাশ নাই তখন কেবল আত্মারই বিনাশ হইবে ইহা কি প্রকারে সম্ভব হইতে পারে? জগতের পদার্থ সকলের পবিণাম হয় মাত্র, তাহার ধ্বংস হয় না, তবে কেবল আত্মাই যে ধ্বংস হইবে তাহার সম্ভাবনা কি?

পরকালের আর এক যুক্তি এই যে যেমন চক্ষুর অস্তিত্ব দৃশ্যপদার্থের অস্তিত্ব বুঝায়, যেমন বুদ্ধির অস্তিত্ব আহাৰ্য্য বস্তুব অস্তিত্ব বুঝায়, তেমনি আমাদের স্মৃতিশক্তিগুলির অস্তিত্ব এক নিশ্চল ও নিত্য স্মৃতিব অস্তিত্ব বুঝায়। কিন্তু যখন ইহকালের অবস্থা নিশ্চল নিত্যস্মৃতির অবস্থা নহে তখন স্বীকার করিতে হইবে যে পরকাল আছে, ও নিশ্চল নিত্য স্মৃতির অবস্থা পারলৌকিক। স্বভাব যাহাদিগেব দেবতা তাহারা এবিষয়ে সত্যকে কেন বিশ্বাস করেন না বলা যাইতে পারে না।

পরলোকের অস্তিত্ব সংস্থাপক যুক্তির মধ্যে ঈশ্বর স্বরূপ মূলক যুক্তি সর্বাপেক্ষা প্রধান। ঈশ্বরের শ্রায়গুণ বলিয়া দিতেছে যে পরকাল আছে। ঈশ্বর যখন শ্রায়স্বরূপ, তখন তিনি অবশ্য পাপের শাস্তা ও পুণ্যের পুরস্কর্তা। কিন্তু প্রত্যক্ষ হইতেছে যে “যদিও লোকে ইহকালে আপনাপন কস্মাৎ-যায়ী ফলাফল প্রাপ্ত হয় তথাপি অনেক কুকস্মাচারী স্বীয় বুদ্ধিচাতুর্য্য দ্বারা দুঃসম্মজ্ঞিত লোকাপবাদ ও রাজদণ্ড ভোগ হইতে উত্তীর্ণ হয় এবং ক্রমাগত পাপাচরণ দ্বারা চিত্ত কঠোর হইয়া যাওয়াতে অনুতাপ রূপ শাস্তিও প্রাপ্ত হয় না। ধার্মিক ব্যক্তির কখন কখন অজ্ঞ লোকের অত্যাচার জন্ত স্বকীয় মহৎ কন্মের ফলভোগ করিতে অসমর্থ হইয়া থাকে।” †

\* পরিশিষ্ট দেখ।

† তত্ত্ববেদিনি পৃষ্টি ১।



দণ্ড পুরস্কারের এইরূপ অব্যবস্থা যে চিরকালের মত রহিয়া গেল এই মত সুচারু নিয়মাবদ্ধ ভৌতিক জগতের সর্বসামঞ্জসীভূত শাসন প্রণালী সহিত ও ইহলোকে অনেক স্থানে পাপ পুণ্যের দণ্ড পুরস্কারের সহিত ঐক্য হয় না। অতএব প্রমাণ হইতেছে যে পরকাল আছে আর সেই পরকালের উক্ত দণ্ড পুরস্কারের সমন্বয় হইবে।

ঈশ্বরের মঙ্গল স্বরূপও বলিয়া দিতেছে যে পরকাল আছে। আমরা দিগের জিজীবিষা হ্রুত্তি অর্থাৎ জীবিত থাকিবার এক স্বাভাবিক ইচ্ছা আছে; কেবল জীবিত থাকিবার ইচ্ছা নহে, সুখে জীবিত থাকিবার ইচ্ছা আছে। শুষ্ক তালু মৃগ যেমন জলের জন্ত ব্যগ্র তেমনি সকল মনুষ্য পূর্ণ শান্ত সুখের নিমিত্ত ব্যগ্র। আমরা ধন মান যশঃ উপার্জন সময়ে মনে করি যে উক্ত উপায় সকল দ্বারা প্রকৃত সুখ লাভ করিব কিন্তু ঐ সকল ঈপ্সিত বস্তু প্রাপ্ত হইলে প্রাচীনেরা যাহা বলিয়াছেন তাহার বাথার্থ্য অনুভব করি যে সে সকলের দ্বারা প্রকৃত সুখ সাধন হয় না। আমাদের জীবনোজ্জলকর পদার্থ সকল একে একে নির্বীণ হয় আমাদের অনেক মনোরথ হৃদয়ে উথিত হইয়া হৃদয়েই লীন হয় আমরা অগ্রে দেখি ও পশ্চাতে দেখি কিন্তু যাহা আমরা চাই তাহা ন পাইয়া ক্ষুণ্ণ হই; আমাদের মধুবতম সঙ্গীত তাহা যাহা বিবাদভাবে শ্রাব্যতার উপর যেমন সূর্য্যরশ্মির চাকচিক্য কিন্তু তাহার অভ্যন্তরে অন্ধকার ও শৈত্য, তেমনি ইহা অনেকবার ঘটে যে আমাদের মূখে হাস্য কিন্তু হৃদয় বিষম ও গ্লানিযুক্ত। আমাদের জ্ঞানের আয়তন অতি সঙ্কীর্ণ। প্রাচীন কালের শ্রেষ্ঠতম জ্ঞানী কহিয়া গিয়াছেন “আমরা এই মাত্র জানি যে আমরা কিছুই জানি না।” \* অধুনাতন জ্ঞানী দিগের মধ্যে যিনি শ্রেষ্ঠ তিনি উক্ত করিয়াছেন “আমি শিশুর ত্রাঃ বেলা-ভূমিতে কেবল উপল সকল সংগ্রহ করিতেছি, জ্ঞান মহোদধি পুরো ভাবে অক্ষুণ্ণ রহিয়াছে।” † আমরা বস্তুর স্বরূপ কিছু মাত্র জানি না

\* সফ্রেটিস ।

† নিউটন ।

আমরা তাহার কতিপয় গুণ এবং কার্য্য মাত্র জানিতে সক্ষম হই।  
 আমাদিগের বিবিদিষা বৃত্তি অন্তেতে সম্ভষ্ট হয় না। আমরা চাই  
 অনেক কিন্তু পাই অল্প। বৃহৎ তিমি মৎস্ত তড়াগেতে রাখিলে কিম্বা  
 যুদ্ধ ঘোষে উল্লসিতব্য তেজঃপুঞ্জ সমরাধিকে আবর্জ্ঞাবহ শকটে যোজিত  
 করিলে সে যেমন অসুখে কাল যাপন করে তদ্রূপ অসুখে আমরা  
 এই শরীরে অজ্ঞানান্ধ অবস্থায় বদ্ধ আছি। আমরা মর্ত্য কোন  
 পদার্থ হইতে তৃপ্তি স্নেহ লাভ করিতে পারি না। বাষ্পীয় রথা-  
 রোহি ব্যক্তি যত শীঘ্র আপনার লক্ষিত স্থানে উত্তীর্ণ হইতে বাসনা  
 করে তত শীঘ্র কি বাষ্পীয় রথ সহকারে তথায় উত্তীর্ণ হইতে পারে?  
 কবির মানস-বিরাজিত কাব্য অথবা ভাস্করের মানসোদিত শোভন মূর্তি  
 অথবা রাজার মনোমত রাজকার্য্য-শৃঙ্খলা কি প্রথমের প্রণীত কবিতা  
 অথবা দ্বিতীয়ের খোদিত পাষাণময়ী মূর্তি অথবা তৃতীয়ের ব্যবস্থিত  
 রাজকার্য্যের শৃঙ্খলার স্থায়? সাধু-চরিত্র বন্ধুর চরিত্র কি আমাদের মনঃ-  
 কল্লিত সাধু-চরিত্রের স্থায় সাধু? আমরা যত ইচ্ছা করি তত কি পাইতে  
 পারি? না আমরা যেরূপ হইতে ইচ্ছা করি সেরূপ হইতে পারি?  
 আমরা কোন পদার্থ হইতে তৃপ্তিস্নেহ লাভ করিতে পারি না। সন্ধ্যা-  
 লেরই এক এক সময় জীবনের অকিঞ্চিংকরত্ব উজ্জলরূপে প্রতীয়মান  
 হয়। হা! আমাদিগের বিবিদিষা ও স্নেহবোধ বৃত্তি কি কখনই সম্পূর্ণরূপে  
 চরিতার্থ হইবে না? আমাদিগের শ্রুষ্টি আমাদিগের চতুর্দিকে জ্ঞাতব্য পদার্থ  
 সকল সংস্থাপন পূর্ব্বক তৎসম্বন্ধীয় সমস্ত তত্ত্ব জানিবার ইচ্ছার উদ্রেক  
 করিয়া সে ইচ্ছা কি কখনই সম্পূর্ণ করিবেন না? এই সকল মহৎ  
 মনোবৃত্ত অনন্তরূপে উন্নত হইবার উপযোগ্য দেখা যাইতেছে  
 সে সকল কি তাহাদের উন্নতির প্রথম অবস্থাতেই বিধ্বস্ত হইবে?  
 যে বিমল নিত্য স্নেহের বাসনা অহরহঃ সকলেরই মনে উদ্ভিত হইতেছে  
 তাহা কি কেবল বাসনা মাত্র? আমাদের শ্রুষ্টি কোন ভাবিকালে আমাদিগকে  
 নিশ্চল নিত্য স্নেহের অবস্থা প্রদান করিবেন এই আশা আমাদিগের  
 মনে হইতে কখনই অন্তর্হিত হয় না। যদিপি ছুরবস্থারূপ রজনী চতুর্দিকে  
 ঘোরান্ধরূপে প্রতীয়মান হয় ও সাংসারিক ক্লেশরূপ প্রচণ্ড সমীরণ প্রবল

বেগে প্রবাহিত হয় তথাপি উক্ত আশা দীপালোক-সমুজ্জ্বলিত গৃহের  
 ভ্রায় আমাদিগের চিত্তকে উন্নত রাখে। ইহা যথার্থ বটে যে মর্ত্য লোকে  
 আমাদের আশা অনেকবার চরিতার্থ হয় না ; কিন্তু রোগ, দরিদ্রতা,  
 প্রিয়জন-বিয়োগ অথবা প্রিয়জনের সহিত প্রীতির বিচ্ছেদ সময়ে—  
 সকল বিপদে, মৃত্যু পর্য্যন্ত কেন এই পারলৌকিক স্মৃতির আশা আমা-  
 দিগের মনে প্রদীপ্ত থাকে ? ঈশ্বরের গুঢ় মঙ্গল স্বরূপে বিশ্বাস থাকিলে  
 তাহার সঙ্গে সঙ্গে পরকালে বিশ্বাস থাকিবেই থাকিবে। ঈশ্বর-পরায়ণ  
 চিত্ত পরকালের অত্যাশ্রয় প্রমাণ সিদ্ধ যুক্তি অপেক্ষা এই ঈশ্বর-লক্ষণ-মূলক  
 যুক্তির প্রতি অধিক নির্ভর করেন। পিতা যদি শিশু সন্তানের মন্দ করেন  
 তবে সে সন্তান কি করিতে পারে ? কিন্তু ইহা নিশ্চয় যে পিতা অবশ্যই  
 সন্তানের মঙ্গল সাধন করিবেন।

ঈশ্বরের ভ্রায় ও মঙ্গল এই দুয়ের সমন্বয় বলিয়া দিতেছে যে মনুষ্যের  
 পরকালে যে শাস্তি হইবে তাহা নিত্য কাল হইবে না। ঈশ্বর যেমন  
 আমাদের ভ্রায়বান রাজা তেমনি করুণাময় পিতা। তিনি আপনার  
 সন্তানদিগকে কোন দোষের জন্ত যে নিত্যকাল শাস্তি দিবেন ইহা  
 কখনই বিশ্বাস করা যাইতে পারে না। তিনি অন্তবৎ দোষের জন্ত  
 অনন্ত শাস্তি কখনই প্রদান করেন না। 'পীড়ার যাতনা যেমন শরীরের  
 আরোগ্য-চেষ্টার ফল ও তন্নিবন্ধন স্বাস্থ্য লাভের এক উপায় স্বরূপ, তেমনি  
 পাপজন্ত পরকালে যে পাপ-তাপ ভোগ হইবে, সেই পাপ-তাপ ভোগই  
 আত্মাকে পাপ-তাপ হইতে মুক্ত করিয়া তাহাকে স্মৃতি প্রদান করিবে।  
 পাপ-তাপ হইতে বিমুক্তির পর বিধৌত শ্বেতাশ্বের ভ্রায় আত্মা সুপরিষ্কৃত  
 ও স্মারজিত হইয়া উন্নতির পথে ক্রমশঃ অগ্রসর হইতে থাকিবে।

ঈশ্বরের মঙ্গল স্বরূপ বলিয়া দিতেছে যে পরকালে আত্মার মহৎ সুখ  
 সম্ভোগ হইবে, কিন্তু সে সুখের অবস্থা ক্রমশঃ ক্ষুদ্র হইবে। স্বভাবের  
 সকল কার্য্য ক্রমশঃ সম্পাদিত হয়। পরকালে আত্মার ক্রমশঃ উন্নতি  
 হইবে। যখন প্রতীত হইতেছে যে পৃথিবীর অবয়বের অনেক পরিণাম ও  
 অনেক নিকৃষ্ট জীব শ্রেণী নাশের পর পৃথিবীস্থ বর্তমান পদার্থশ্রেণী ও  
 উৎকৃষ্ট জীব মনুষ্যের সৃষ্টি হইয়াছে, আব যখন প্রতীত হইতেছে যে ভূম-

ওলের কোন স্থানে সভ্যতা অন্ত পাইয়া, পুনরায় যে স্থানে তাহা প্রকাশ পায় তাহা পূর্বাপেক্ষা উজ্জলতর বেশে প্রকাশ পাইয়া থাকে, যখন সকল বস্তুর গতি উন্নতির দিকে হইতেছে তখন ঈশ্বরের মহত্তম সৃষ্টি জীবাত্মা ক্রমশঃ উন্নত হইবে, আর এক অবস্থা অর্থাৎ লোক হইতে উৎকৃষ্টতর লোকে গমন করিবে, এমন অসুমান যুক্তিসিদ্ধ । অতএব প্রতীত হইতেছে যে পরকালে আত্মার ক্রমশঃ উন্নতি হইবে।

মনুষ্যের উৎকৃষ্ট মনোবৃত্তি ক্রমশঃ পরিশোধিত ও উন্নত হইয়া তাহাকে যে আনন্দ প্রদান করিবে তাহা এক্ষণে করনাও করা যাইতে পারে না ! কিন্তু আত্মার যত উন্নতি হউক না কেন তাহা কখনই ঈশ্বরের স্নায় হইতে পারিবে না। সৃষ্ট বস্তু কখন স্রষ্টার স্নায় হইতে পারে না।

ইন্দ্রিয়-চরিতার্থ-কারী বস্তু সম্বোধে যে সুখামুভব হয় সে সুখ এবং জ্ঞান ও বিশুদ্ধ প্রীতি জনিত সুখ অর্থাৎ আধ্যাত্মিক সুখ, এই উভয় প্রকার সুখের ভাব তুলনা করিলে আধ্যাত্মিক সুখ যে অনন্ত গুণে উৎকৃষ্ট তাহার সন্দেহ নাই। যখন পারলৌকিক সুখের অবস্থা অত্যাৎকৃষ্ট সুখের অবস্থা তখন তাহা আধ্যাত্মিক সুখের অবস্থা অর্থাৎ ঈশ্বর জ্ঞান ও ঈশ্বর প্রীতি জনিত সুখের অবস্থা। পূর্বে\* এক অধ্যায়ে প্রদর্শিত হইয়াছে যে ঈশ্বর প্রকৃতির প্রধান অংশ আমাদের জ্ঞান-নেত্রের সম্বন্ধে নিবিড় অন্ধকারে আবৃত। সেই অংশ ক্রমশঃ যত সেই নেত্র-সম্মুখে অনাবৃত হইতে থাকিবে ততই আত্মা কি অপরিমাপ্ত আনন্দ রসে প্লাবিত হইতে থাকিবে ! যেমন এক ত্রিভুজের দুই ভূজ বিস্তার করিলে সেই দুই ভূজের আধেয় কোণ সমান থাকে কিন্তু সেই ত্রিভুজের কর্ণ ও আয়তনের বৃদ্ধি হয়, তেমনি পরকালী ঈশ্বর জ্ঞান ও ঈশ্বর প্রীতি যত বৃদ্ধি হইতে থাকিবে ঈশ্বরের অন্তিম সৎকীর্য আত্মপ্রত্যয় সমান থাকিবে, কিন্তু ধর্মের কর্ণের স্বরূপ শাস্তি ও আয়তন-স্বরূপ আনন্দ ক্রমশঃ বর্দ্ধিত হইতে থাকিবে। \* যেমন পরকত-

---

\* ঈশ্বরের অন্তিম সৎকীর্য আত্ম প্রত্যয়, অতি অসভ্য ও মূঢ় লোকেরও যেমন, অতি উন্নত অবস্থাপন্ন দেবতারও তেমন, কিন্তু তাহাদের ঈশ্বর জ্ঞান কত ভিন্ন।

শ্রেণী উল্লঙ্ঘন কৰিতে গিয়া এক পৰ্ব্বতের উপৰ উথিত হইলে আৰ এক পৰ্ব্বত নয়নগোচৰ হয় তেমনি পৰকালে অভিনব আধ্যাত্মিক স্নৰ্থের এক অবস্থার পৰ আৰ এক উৎকৃষ্টতৰ অবস্থা স্ফুৰিত হইয়া জীবকে আশ্চৰ্য্য রসে প্লাবিত কৰিতে থাকিবে। সমুদ্র সঙ্গম দিকে ক্রমশঃ প্ৰসা-  
 রিত নদী সদৃশ পাৰলৌকিক স্নৰ্থ ক্ৰমে ক্ৰমে যেমন জীবের সম্মুখে প্ৰসাৰিত হইবে তেমনি সে কি বিশ্বমাপন্ন ও কৃতার্থ হইবে !

---

## নবম অধ্যায় ।

### ব্রহ্মবিদ্যার প্রামাণিকত্ব ।

অতীত বিদ্যা যেমন প্রামাণিক ব্রহ্মবিদ্যা তেমনি প্রামাণিক । যেমন অতীত বিদ্যার পত্তন ভূমি আমাদের মনোবৃত্তিতে বিশ্বাস সেইরূপ ব্রহ্মবিদ্যার পত্তন ভূমিও আমাদের মনোবৃত্তিতে বিশ্বাস । যখন ঈশ্বরকে জানিবার শক্তি আমাদের আছে তখন মনের অতীত শক্তি যেমন বিশ্বাস-যোগ্য উল্লিখিত অল্পভব শক্তি কেন না বিশ্বাসযোগ্য হইবে? অন্যান্য বিদ্যা যেমন আত্মপ্রত্যয়মূলক ব্রহ্মবিদ্যাও সেইরূপ আত্মপ্রত্যয়মূলক । পদার্থ বিদ্যা যেমন ইন্দ্রিয় প্রত্যক্ষ সংঘটিত আত্মপ্রত্যয় মূলক, মনো-বিজ্ঞান যেমন সংজ্ঞা সংঘটিত আত্মপ্রত্যয় মূলক, সেইরূপ ব্রহ্মবিদ্যাও অনাদি কারণ সম্বন্ধীয় আত্মপ্রত্যয় মূলক । অতএব অতীত বিদ্যা যেমন প্রামাণিক ব্রহ্মবিদ্যাও তেমনি প্রামাণিক বলিতে হইবে ।

কোন কোন পণ্ডিতেরা এরূপ বলেন যে অনাদি কারণ ঈশ্বর অত্যন্ত অলৌকিক পদার্থ অতএব ইন্দ্রিয়-গোচর পদার্থ প্রতিপাদক বিদ্যা যেমন প্রামাণিক ঈশ্বর-প্রতিপাদক বিদ্যা কি প্রকারে সেরূপ প্রামাণিক হইতে পারে? তাহার উত্তর এই যে যখন ভৌতিক পদার্থের শক্তি ইন্দ্রিয়ের অগোচর হইয়াও পদার্থবিদ্যার বিষয়, এমন কি, পরিমেয় হইতে পারিল তখন অনাদি কারণ বিজ্ঞানের বিষয় কেন না হইবে? যখন ভৌতিক পদার্থের সহিত সাদৃশ্য না থাকাতেও মন বিজ্ঞানের বিষয় হইতে পারিল তখন ঈশ্বর কেন বিজ্ঞানের বিষয় না হইবেন? বিবেচনা করিলে প্রতীত হইবে যে ইন্দ্রিয়ের অগোচর পদার্থ যেমন অদ্বিত ও অলৌকিক ইন্দ্রিয়গোচর পদার্থ তদপেক্ষা অল্প অদ্বিত ও অলৌকিক নহে । কোন কোন পণ্ডিত স্থায় যদি আমাদের কোন কোন ইন্দ্রিয় না থাকিত তবে আমরা

সেই সেই ইঞ্জিয়ার বিষয়ীভূত পদার্থ কোন মতেই অনুভব করিতে সমর্থ হইতাম না।

কোন কোন পণ্ডিত একরূপ বলেন যে ঈশ্বর যখন নিগূঢ় অনির্দেশ্য অনির্লব্ধনীয় ও বুদ্ধির অতীত পদার্থ তখন তৎসম্বন্ধীয় বিদ্যাকে কিরূপে বিজ্ঞান শাস্ত্রের আয় প্রামাণিক জ্ঞান করা যাইতে পারে? যাহারা একরূপ আপত্তি করেন তাঁহারা বিবেচনা করেন না যে বিজ্ঞান-শাস্ত্রের অনেক তত্ত্ব বুদ্ধির অতীত অথচ আমরা সে সকলে না বিশ্বাস করিয়া থাকিতে পারি না। ক্ষেত্রতত্ত্ব বিদ্যার এক তত্ত্ব এই যে সরল রেখার দৈর্ঘ্য আছে কিন্তু বিস্তৃতি নাই এবং বিন্দুর স্থিতি আছে কিন্তু অবয়ব নাই। এ তত্ত্ব বুদ্ধির অতীত অথচ আমরা সরল রেখারও বিন্দুর অস্তিত্বে না বিশ্বাস করিয়া থাকিতে পারি না। সূচিভাগ বিদ্যার \* এক তত্ত্ব এই যে এমন দুই রেখা আছে যাহা বর্দ্ধিত করিলে পরস্পর পরস্পরের নিকটবর্তী হইবে অথচ তাহাদের সংস্পর্শ হইবে না। এই তত্ত্বটী বোধগম্য নয় অথচ আমরা তাহাতে না বিশ্বাস করিয়া থাকিতে পারি না। বীজগণিতে অনন্তরাশি সম্বন্ধীয় সিদ্ধান্ত সকল বুদ্ধির অগম্য, তথাপি সে সকল সিদ্ধান্তে আমরা বিশ্বাস না করিয়া থাকিতে পারি না। তবে ব্রহ্মবিদ্যার তত্ত্ব সকল বুদ্ধির অতীত হইলেও সে সকল আমরা বিশ্বাস কেন না করিব? আমরা কিছুই সম্যক্ রূপে জানিতে পারি না। মাধ্যাকর্ষণ, তাড়িতাকর্ষণ, চৌম্বকাকর্ষণ, জীবনী শক্তি এসকল বিষয়ক প্রকৃত তত্ত্ব আমরা সম্যক্ রূপে জানিতে পারি না অথচ আমরা তাহাতে না বিশ্বাস করিয়া থাকিতে পারি না। সেই রূপ ঈশ্বরের প্রকৃতি সম্বন্ধীয় তত্ত্ব আমরা সম্যক্ জানিতে পারি না অথচ আমরা তাহাতে না বিশ্বাস করিয়া থাকিতে পারি না।

কেহ কেহ একরূপ বলেন যে যখন ঈশ্বর বিষয়ে মনুষ্যের মধ্যে মতের বৈচিত্র্য দৃষ্ট হইতেছে তখন ব্রহ্মবিদ্যার নিশ্চয় কি? তাহার উত্তর এই— যদি মতবৈচিত্র্য জ্ঞাত ব্রহ্মবিদ্যা অপ্রামাণিক বলিয়া গণ্য হয় তবে বিজ্ঞান শাস্ত্রীয় অনেক তত্ত্ব সম্বন্ধে মত-বৈচিত্র্য জ্ঞাত বিজ্ঞান শাস্ত্রও অপ্রামাণিক বলিয়া গণ্য হইতে পারে।

\* Conic Section.

কেহ কেহ এইরূপ বলেন যে সকল ধর্ম-মতেই ভ্রম দৃষ্ট হয় অতএব ধর্ম বিশ্বাস যোগ্য নহে। ষাঁহার। এরূপ বলেন তাঁহার। বিবেচনা করেন না যে বিজ্ঞান শাস্ত্রের পূর্বে অনেক ভ্রম ছিল অদ্যাপিও আছে তজ্জন্ত বিজ্ঞান শাস্ত্র যেমন পরিত্যাজ্য নহে সেইরূপ মনুষ্যের ধর্ম মতে ভ্রম থাকা জন্ত ধর্ম পরিত্যাজ্য নহে।

অতএব স্থিরীকৃত হইতেছে যে অন্যান্য বিদ্যা যেমন প্রামাণিক ব্রহ্মবিদ্যাও তক্রূপ প্রামাণিক। যখন পদার্থবিদ্যাবিশারদ পণ্ডিতদিগের দর্শন ও পবীক্ষার ফলে আমরা বিশ্বাস করি তখন ধার্মিক ব্যক্তিদিগের আধ্যাত্মিক দর্শন ও পবীক্ষার ফলে আমরা কেন না বিশ্বাস করিব ?।



## দশম অধ্যায় ।

ধর্মসম্বন্ধীয় ভ্রমের কারণ ।

পূর্বে কয়েক অধ্যায়ে ধর্ম বিষয়ক সত্য বিবৃত হইয়াছে। সত্য লাভার্থ ভ্রমের কারণ অনুসন্ধান করা কর্তব্য। তাহা হইলে সে ভ্রম হইতে আমরা ত্রাণ পাইতে পারি, অতএব এখানে ধর্মসম্বন্ধীয় ভ্রমের কারণ অনুসন্ধান করা যাইতেছে।

ধর্ম বিষয়ক ভ্রমের প্রথম কারণ মনুষ্যের কতকগুলি মানসবিকার ও প্রবৃত্তি। যে সকল মানসবিকার ও প্রবৃত্তি দ্বারা ধর্ম সম্বন্ধীয় ভ্রমের উৎপত্তি হয় তাহা নিম্নে বর্ণিত হইতেছে।

(১) আশ্চর্য্য। আশ্চর্য্য ও অজ্ঞান রূপ মিথুন ধর্ম সম্বন্ধীয় নানা ভ্রম উৎপাদন করে। অসংস্কৃত-মানস অজ্ঞানানু আদিম মনুষ্যদিগের সকলই আশ্চর্য্য বোধ হইত। সূর্য্য গলিত-কনক-সদৃশ সুন্দর রশ্মি দ্বারা পর্ব্বতশৃঙ্গ ও বৃক্ষমস্তক সকল সুশোভিত করত ক্রমে ক্রমে উত্তীর্ণ হইয়া সমস্ত জগৎকে জীবন ও চক্ষু প্রদান করে ; চন্দ্র, বিস্তীর্ণ নির্জল ক্ষেত্র আকাশে অল্প পারি-ষদ পরিবৃত্ত হইয়া পরিভ্রমণ করত প্রাণাঙ্কুরের কিরণ দ্বারা পৃথিবীকে রজত-রঞ্জন রঞ্জিত করে ; বায়ু এক নিমেষে মহাক্রম সকল উৎপাতন পূর্ব্বক ইতস্ততঃ বিক্ষিপ্ত করত বিস্তীর্ণ মহারণ্যের শ্রী ও শোভা বিনাশ করে, জল-স্রোত অকস্মাৎ প্রবল বেগে আগমন করিয়া গৃহ ও গৃহোপকরণ সমস্ত বস্তু কোথায় ভাসাইয়া লইয়া যায় ; অগ্নি অনতিবিলম্বে রাশি রাশি ইন্ধন ভস্মসাৎ করে ও বন উপবন সকল দগ্ধ করিয়া ফেলে ; পৃথিবী এক ক্ষুদ্র অকুরকে অভ্যুচ্চ বৃক্ষরূপে পরিণত করিয়া তাহাতে মনুষ্যের উপভোগ্য রমণীয় ফল উৎপাদন করে ও তদ্বারা বহু জীবকে সুশীতল ছায়া প্রদান করে, জগতের এ সমস্ত বস্তুই সেই আদিম মনুষ্যদিগের নিকট আশ্চর্য্য বোধ হইত। তাহারা সে সকল বস্তুর শক্তি দেখিয়া তাহাতে চমৎকৃত হইয়া সে সকল বস্তুকে

অলৌকিক ক্ষমতাপন্ন পুরুষ দিগের অধিষ্ঠান স্থল কল্পনা পূর্বক তাহাদের উপাসনায় প্রবৃত্ত হইয়াছিল । প্রথমাবস্থাতে মনুষ্য কেবল বাহ্য বস্তুর প্রকৃতি আলোচনা করে তখন কাম, ক্রোধ, স্নেহ, ব্রীড়া, মান, অপমান ইত্যাদি ভাব মনে আপনা হইতেই উদ্ভিত হইতে দেখিয়া তাহাতে আশ্চর্য্য হইয়া তাহাদের প্রত্যেকের এক এক অধিষ্ঠাত্রী দেবতা কল্পনা করে ও সেই সকল দেবতা-দিগের উপাসনা করিতে প্রবৃত্ত হয় । মনুষ্য ধর্ম্মতত্ত্বানুসন্ধানের এই অসম্পূর্ণ অবস্থায় বিদ্যোপার্জন, শিল্পকার্য্য, যুদ্ধকার্য্য প্রভৃতি কার্য্য সকলের এক এক অধিষ্ঠাত্রী দেবতা কল্পনা করে । যে অসাধারণ বীশক্তি-সম্পন্ন মনুষ্য স্বীয় প্রভূত মানসিক ক্ষমতা দ্বারা সহস্র সহস্র লোকদিগকে যজ্ঞবৎ যদৃচ্ছা রূপে পরিচালন করেন তাঁহার অসামান্য গুণ পর্যালোচনা পূর্বক তাহাতে মুগ্ধ হইয়া তাঁহাকে দেবতা অথবা দেবাবতার জ্ঞান করে ও তাঁহার জীবদ্দশাতেই অথবা তাঁহার মৃত্যুর পর তাঁহার উপাসনা করে ।

(২) কৌতুহল প্রবৃত্তি । ধর্ম্মসম্বন্ধীয় যে সকল নিগূঢ় বিষয় ঈশ্বর আমাদের জানিতে দেন নাই সেই সকল বিষয় জানিতে চেষ্টা করিয়া আমরা ভ্রমে পতিত হই । অজ্ঞ লোকেরা ঈশ্বরের আশ্রয় পরিচয় প্রদানে বিশ্বাস ও দর্শনকারদিগের ভ্রম এই কারণ হইতে উৎপন্ন হয় । অজ্ঞ-লোকেরা জ্ঞাত নহে যে ধর্ম্মতত্ত্ব সকল ঈশ্বর আমাদের হৃদয়ে অবিনশ্বর জাজ্বল্যমান অক্ষরে লিখিয়াদিয়াছেন, বুদ্ধি নিয়োগদ্বারা সেই সকল অক্ষর পাঠ করিয়া আমরা হইকালে ও পরকালে কৃতার্থ হইতে পারি অতএব তাহারা অবাস্তবিক ঈশ্বর বাক্যে বিশ্বাস করিয়া গ্রন্থের উপাসক হয় ও সেই গ্রন্থে যে সকল ভ্রম থাকে তাহাতেও বিশ্বাস করে । দর্শনকারেরা এইরূপ মনে করেন যে স্বীয় বুদ্ধি পরিচালনা দ্বারা ঈশ্বরের গুপ্ত বিষয় সকল তাঁহারা জানিতে সক্ষম হইবেন । শেষকালে জানিতে গিয়া নানা হস্তান্ত্রাঙ্গ ভ্রম ও গোলযোগে পতিত হয়েন । তাঁহারা বিবেচনা করেন না যে ধর্ম্মতত্ত্বানুসন্ধানে আমাদের বুদ্ধির সীমা সকল নিরূপিত আছে । কি প্রকার সীমা সকল নিরূপিত আছে তাহা পরে প্রদর্শিত হইবে ।

(৩) আশু বিশ্বাস প্রবৃত্তি । অদ্ভুত পদার্থ ও ঘটনাতে বিশ্বাস করিবার প্রবৃত্তি সাধারণ লোকের আছে, ইহা ধর্ম্ম সম্বন্ধীয় নানা ভ্রম উৎপাদন করে ।

তাহার ভূরি ভূরি দৃষ্টান্ত পুরাবৃত্তে পাওয়া যায়। অতএব সে বিষয় বাহ্যিক রূপে বিবরণ করিবার আবশ্যকতা দৃষ্ট হইতেছে না।

(৪) আখ্যায়িকা ও রূপকানুরাগ। সাধারণ লোকে আখ্যায়িকা ও রূপক বর্ণন প্রিয়। জ্ঞানী মহম্মদের তাহাদের উপদেশ জ্ঞাত যে সকল আখ্যায়িকা ও রূপক বর্ণনা ব্যবহার করেন সেই সকল আখ্যায়িকা ও রূপক বর্ণনা পরে যথার্থ বলিয়া বিশ্বাসিত হয়। ভারতবর্ষের পূর্বতন জ্ঞানীরা ঈশ্বরের সৃজন পালন ও সংহার শক্তিকে ব্রহ্মা, বিষ্ণু, শিবরূপে বর্ণন করিয়া ছিলেন এবং ধন ও বিদ্যাদ্বারা জগৎ পরিপালিত হইতেছে এই বিবেচনা করিয়া লক্ষ্মী ও সরস্বতীকে বিষ্ণুর স্ত্রী বলিয়া কল্পনা করিয়া ছিলেন, কিন্তু এক্ষণে সেই ব্রহ্মা, বিষ্ণু, শিব, লক্ষ্মী ও সরস্বতীকে প্রকৃত দেবতা মনে করিয়া লোকে উপাসনা করিতেছে। ঈশ্বর ভূত, ভবিষ্যৎ, বর্তমান এক-কালে দেখিতেছেন, এই জ্ঞাত শিবের তিন নেত্র আছে, ইহা ভারতবর্ষের পূর্ব-তন জ্ঞানীরা কল্পনা করিয়াছেন। কিন্তু লোকে এক্ষণে যথার্থই বিশ্বাস করে যে মহম্মদের নেত্রের স্থায় ঈশ্বরের তিন নেত্র আছে। উল্লিখিত জ্ঞানীরা ঈশ্বরের শক্তিকে দুর্গারূপে কল্পনা করিয়া গিয়াছেন, কিন্তু এক্ষণে লোকে তাঁহাকে প্রকৃত দেবতা জ্ঞান করিয়া তাঁহার উপাসনা কবে।

(৫) ধর্ম-প্রবর্তকদিগের লোকানুরাগ-প্রিয়তা। ধর্ম-প্রবর্তকেরা নিজ নিজ মত প্রথমতঃ বিশুদ্ধ থাকিলেও তাহা প্রচলিত করিবার অভিপ্রায়ে সাধারণ লোকের প্রিয় ভ্রমের সহিত তাহা জড়িত করিয়া প্রচার করেন। মহম্মদ স্বদেশীয় লোকদিগের আরাধ্য কাবা নামক প্রস্তরখণ্ডের উপাসনা উঠাইতে না পারিয়া ঐ উপাসনা আপনার ধর্ম-ভুক্ত করিয়া লইয়াছিলেন।

(৬) ধর্মপ্রবর্তকদিগের প্রতি অশ্রদ্ধা ভক্তি। কৃত্রিম আচরণ শূন্য বিশুদ্ধ-চরিত্র ধর্মপ্রবর্তকেরা অত্যন্ত সম্মানের উপযুক্ত। যাহারা ঐহিক ও পার-ত্রিক মঙ্গলের একমাত্র উপায়-স্বরূপ পরম পথ প্রদর্শন করেন তাঁহারা অতি-শয় কৃতজ্ঞতার উপযুক্ত। কিন্তু এরূপ ভক্তিকে উপযুক্ত সীমার মধ্যে রাখা কর্তব্য। যেহেতু ধর্ম-প্রবর্তকদিগের প্রতি অশ্রদ্ধা ভক্তি ধর্মসম্বন্ধীয় প্রচুর ভ্রমের কারণ। কোন কোন ধর্ম সম্প্রদায় আপনাদিগের অবলম্বিত ধর্ম মতের প্রবর্তককে ঈশ্বরবতার বলিয়া বিশ্বাস করে। কোন কোন ধর্ম

সম্প্রদায় আপনাদিগের ধর্ম-প্রবর্তককে দীক্ষার প্রেরিত জ্ঞান করিয়া তাহার প্রচারিত ভ্রমে ভ্রম বলিয়া নির্দেশ করিতে সমর্থ হয় না। তাহারা আপনাদিগের চিন্তে সত্য প্রবেশের পথ একেবারে রুদ্ধ করিয়া ফেলে। তাহারা বিবেচনা করে না যে সেই সকল ধর্ম প্রবর্তক মনুষ্য ছিলেন এবং মানব-স্বভাবের অপূর্ণতা হেতু কোন মনুষ্য অভ্রান্ত রূপে গণ্য হইতে পারে না।

(৭) পিতৃপুরুষদিগের প্রতি অত্যাচার ভক্তি। সাধারণ লোকে মনে করে যে পিতৃ পিতামহ যাহা বিশ্বাস করিয়াছেন তাহা কি কখন ভ্রম হইতে পারে? এই সংস্কার বশতঃ লোকে পিতৃ-পুরুষদিগের ভ্রমে বিশ্বাস করে এবং তজ্জন্ম সেই সকল ভ্রম এমনি বদ্ধমূল হয় যে শেষ কালে তাহার উচ্ছেদ করা অত্যন্ত দুকহ হইয়া উঠে। ভারতবর্ষে এক্ষণে প্রচলিত কলিত ধর্ম ও কুরীতি সকল উন্মূলন করিতে যে এত কষ্ট পাইতে হইতেছে উল্লিখিত অত্যাচার ভক্তিই তাহার প্রধান কারণ।

(৮) স্বজাতির প্রতি অত্যাচার অহুরাগ। পিতৃপুরুষদিগের প্রতি অত্যাচার ভক্তি যেমন ধর্মোন্নতি সংসাধন পক্ষে প্রবল প্রতিবন্ধক স্বজাতির প্রতি অত্যাচার অহুরাগও তেমনি প্রতিবন্ধক। এই অহুরাগ-বশতঃ লোকে পক্ষ-পাত-বিকৃত নয়নে স্বজাতির ধর্মকে দর্শন করে এবং অগ্র জাতির ধর্মকে ভয়াবহ জ্ঞান করে।

(৯) স্বমতের প্রতি অন্ধ অহুরাগ। স্বমতের প্রতি অন্ধ অহুরাগ অস্ত্রের ধর্মমতে যাহা সত্য আছে তাহা দেখিতে দেয় না ও বিবেচনারূপ-চক্ষুকে নিমীলিত করিয়া রাখে। এই অহুরাগবশতঃ লোকে অগ্র ধর্মাবলম্বীর কথা পর্য্যন্তকেও কর্ণে স্থান দেয় না। লোকে এই অহুরাগ-বশতঃ, ভিন্ন ধর্মাবলম্বী ব্যক্তিরা পরকালে নরকে পতিত হইবে আর আপনারা কেবল স্বর্গে যাইবে, এরূপ মনে করে। তাহারা এমন বিবেচনা করে না যে মনুষ্য ভ্রান্ত জীব, অস্ত্রের যেমন ভ্রম আছে তেমনি আপনারও ভ্রম থাকিতে পারে।

(১০) ধর্ম-সম্বন্ধীয় মতের বৈচিত্র্য জন্ত বিরক্তি ও নিরাশতা। কোন কোন ধর্মাবলম্বী ব্যক্তি পৃথিবীতে ধর্ম-বিষয়ে মতের বৈচিত্র্য দর্শন করিয়া

এইরূপ ভ্রমে পতিত হয় যে ধর্ম-বিষয়ে কিছুই জানা যায় না। সুতরাং তাহারা সংশয়বান্দ অবলম্বন করে।

উল্লিখিত মানস বিকার ও প্রবৃত্তি সকল ক্ষীণ যুক্তি সহকারে ঐরূপ ভ্রম সকল উৎপাদন করে; কেবল নিজের বলে তাহারা কোন ভ্রমাত্মক, বিশ্বাস উৎপাদন করিতে সমর্থ হয় না।

আত্মপ্রত্যয়ের প্রতি কিছুমাত্র নির্ভর না করা, কেবল যুক্তির প্রতি নির্ভর করা, ধর্ম সম্বন্ধীয় ভ্রমের দ্বিতীয় কারণ। আত্ম প্রত্যয়কে অগ্রাহ্য করিয়া কোন কোন ব্যক্তি ধর্মের মূলস্থজে অবিশ্বাস করে। তাহারা বিবেচনা করে না যে যদি আত্ম প্রত্যয়কে বিশ্বাস না করা যায় তবে কিছুই আর বিশ্বাস করা যাইতে পারে না। আত্মপ্রত্যয়কে পরিত্যাগ করিয়া কোন দার্শনিক পণ্ডিত হাস্যাস্পদ ভ্রমে পতিত হইয়াছিলেন। তাঁহাদিগের মধ্যে কেহ স্থির করিয়াছিলেন যে জড় নাই, কেবল জীবাত্মা ও ঈশ্বর আছেন \*। কেহ স্থির করিয়াছিলেন যে জড় নাই, জীবাত্মাও নাই, কেবল ঈশ্বর আছেন†। কেহ স্থির করিয়াছিলেন জড়ও নাই, জীবাত্মাও নাই, ঈশ্বরও নাই, কেবল কতকগুলি ভাব ও সংস্কার আছে‡। যে সকল দার্শনিকেরা আত্ম প্রত্যয়কে অবলম্বন করিয়া তত্ত্ব সকল নির্ণয় করেন তাঁহাদিগেরই মত গ্রাহ্য। অশিক্ষিত সামান্ত লোকের বিশ্বাসিত আত্ম প্রত্যয় গ্রাহ্য, কিন্তু দার্শনিকের আত্ম প্রত্যয় অস্বীকারমূলক সিদ্ধান্ত গ্রাহ্য নহে।

যুক্তির প্রতি কিছুমাত্র নির্ভর না করা ধর্ম সম্বন্ধীয় ভ্রমের তৃতীয় কারণ। কোন প্রত্যয় প্রকৃত আত্মপ্রত্যয় কি না তাহা নিদ্ধারণ করিবার জন্ত এবং আত্ম প্রত্যয়ের উপর যদি অত্র প্রকাশ প্রত্যয় আরোপিত হয় তবে ঐ দুইকে পরস্পর পৃথক করিবার জন্ত যুক্তি আবশ্যক! ঈশ্বরতত্ত্ব নিরূপণে ভাবমূলক যুক্তি আবশ্যক এবং ঈশ্বরতত্ত্ব প্রত্যয়ের ক্ষুরণ, পরিমার্জন ও উন্নতি কার্যমূলক যুক্তির প্রতি নির্ভর করে, তাহা পূর্বে প্রদর্শিত হইয়াছে।

\* বরক্লি।

† শঙ্করাচার্য্য।

‡ হিউম।

অতএব ধর্মতত্ত্বানুসন্ধানে যুক্তি অতীব আবশ্যক ইহা অবশ্য স্বীকার করিতে হইবে ।

ধর্মতত্ত্বানুসন্ধানে আমাদের বুদ্ধির সীমা সকল নিরূপিত আছে এই বিবেচনার অভাব ধর্ম সম্বন্ধীয় ভ্রমের চতুর্থ কারণ । ঈশ্বর ধর্মবিষয়ে আমাদের মনশ্চক্ষু সম্বন্ধে এক যবনিকা ফেলিয়া রাখিয়াছেন, সেই যবনিকার বাহিরে যাহা আছে তাহা জানিতে দিয়াছেন, আর ভিতরে যাহা আছে তাহা জানিতে দেন নাই । কিন্তু আমাদের সর্বদা চেষ্টা এই যে সেই যবনিকা ঠেলিয়া তাহার ভিতরে কি আছে তাহা দেখি । এই দুঃসাহসিকতার ফল এই হয় যে আমরা ভ্রমে পতিত হই । কতকগুলি এমন ধর্মতত্ত্ব আছে তাহার আমরা কিছুই জানিতে সক্ষম হই না । ঈশ্বরের পূর্ণ শক্তি, জ্ঞান, শ্রায়া ও করুণা এবং তাঁহার নিরাকারত্ব, অদ্বিতীয়ত্ব, সর্বব্যাপিত্ব ও নিত্যত্ব প্রভৃতি কতিপয় লক্ষণমাত্র আমরা জানিতে সক্ষম হই । কিন্তু যখন আমরা বিবেচনা করি যে ঈশ্বর আত্মা হইতেও ভিন্ন তখন অবশ্য স্বীকার করিতে হয় যে এমন সকল লক্ষণ তাঁহাতে আছে যাহা জীবাত্মার নাই এবং যাহা আমাদের বুদ্ধির অগোচর । আমরা এইমাত্র জানি যে পরকাল আছে, পরকালে পাপ পুণ্যের দণ্ড পুরস্কার হইবে এবং আত্মার ক্রমশঃ উন্নতি হইবে, কিন্তু কি প্রকারের কোন্ স্থানে কেমন করিয়া হইবে তাহা আমরা কোন প্রকারে জানিতে সক্ষম হই না । সে যবনিকার অন্তরালস্থ পদার্থের কথা, তাহা জানিবার আমাদের অধিকার নাই, আর আমাদের পরিত্রাণ-জন্ত তাহা জানিবার আবশ্যকও করে না । এক ধর্মতত্ত্বের সহিত অন্য ধর্মতত্ত্বের কিম্বা কোন ধর্মতত্ত্বের সহিত বিজ্ঞান-শাস্ত্রীয় কোন সত্যের আমরা কোন মতেই সমন্বয় করিতে পারি না । তথাচ সে সকল ধর্মতত্ত্বের কিম্বা বিজ্ঞানশাস্ত্রীয় তত্ত্বের আমরা কখনই অবিশ্বাস করিয়া থাকিতে পারি না । জগৎ অপূর্ণ, তাহাতে দুঃখ ক্লেশ আছে ; আমরা বুঝিয়া উঠিতে পারি না যে কি প্রকারে পূর্ণ পুরুষ হইতে অপূর্ণ জগতের উৎপত্তি হইল, কিন্তু পরমেশ্বর পূর্ণস্বরূপ ইহা আমরা না বিশ্বাস করিয়া কখনই থাকিতে পারি না । মনুষ্য স্বাধীন এই তত্ত্বের সহিত কার্য কারণ শৃঙ্খলে বদ্ধ জগতের অস্তিত্ব ও ঈশ্বরের সর্ব-

জ্ঞতার সমন্বয় করা যাইতে পারে না। কিন্তু মনুষ্যের স্বাধীনতা, জগতের বদ্ধ ভাব ও ঈশ্বরের সর্বজ্ঞতা এসকলই না মানিয়া আমরা থাকিতে পারি না।

অসম্যক্ দর্শন ধর্মসম্বন্ধীয় ভ্রমের পঞ্চম কারণ। অসম্যক্ দর্শন দুই প্রকার; দৃষ্টান্ত-সম্বন্ধীয় অসম্যক্ দর্শন ও প্রকরণ-সম্বন্ধীয় অসম্যক্ দর্শন। উপাস্ত দেবতার উপাসনা মাহাত্ম্যে কেবল কামনা স্থসিদ্ধির দৃষ্টান্ত সকল মনুষ্যেরা প্রণিধান করে। কামনা সিদ্ধি সম্বন্ধে ঐ উপাসনার নিফলতার ভূরি ভূরি দৃষ্টান্ত সকল দেখিয়াও দেখে না। ইহা দৃষ্টান্ত সম্বন্ধীয় অসম্যক্ দর্শনের দৃষ্টান্ত। রোগী ব্যক্তির সেবিত ঔষধ ও তাহার কৃত দেবোপাসনা এই দুয়ের মধ্যে ঔষধে উপকার দিয়াছে ইহা বিবেচনা না করিয়া উপাস্ত দেবতার উপাসনাই রোগ শাস্তির কারণ রূপে লোকে নির্ণয় করে। ইহা প্রকরণ সম্বন্ধীয় অসম্যক্ দর্শনের দৃষ্টান্ত স্থল। বিবেচনা করিলে প্রভাত হইবে যে অসম্যক্ দর্শনই ভ্রমাত্মক ধর্মের প্রধান আশ্রয়।

উপমাকে প্রমাণরূপে গ্রহণ করা ধর্ম-সম্বন্ধীয় ভ্রমের ষষ্ঠ কারণ। উপমা কোন বিষয়ের প্রমাণ হইতে পারে না। উর্ণনাভ যেমন আপনার শরীর হইতে তন্তু নিঃসারণ করিয়া জাল প্রস্তুত করে তেমনি ঈশ্বর স্বকীয় স্বরূপ হইতে জগৎ নিঃসারণ করিয়াছেন, এই উপমা দ্বারা কেহ কেহ প্রমাণ করেন যে ঈশ্বর জগতের কর্ম ও উপাদান কারণ। সেইরূপ, কুন্তকার যেমন মূর্ত্তিকা দ্বারা কুন্ত প্রস্তুত করে তেমনি ঈশ্বর নিত্য পরমাণু-গুঞ্জের দ্বারা জগৎ প্রস্তুত করিয়াছেন, এই উপমা দ্বারা কেহ কেহ প্রমাণ করেন যে ঈশ্বর জগতের কেবল কর্মকারণ। কিন্তু প্রথম উপমা যেমন প্রথমোক্ত মতের প্রমাণ স্বরূপ গণ্য করা যাইতে পারে না তেমনি দ্বিতীয় উপমা দ্বিতীয় মতের প্রমাণ স্বরূপ গণ্য করা যাইতে পারে না। নদী সকল যেমন সমুদ্রের সহিত মিলিত হইয়া নাম রূপ বিহীন হয় ও স্বীয় স্বীয় স্বতন্ত্র অস্তিত্বের বিলোপকে প্রাপ্ত হয়, তেমনি সকল ভিন্ন ভিন্ন জীবাত্মা সেই পরমাশ্রিতে লীন হইয়া স্বীয় স্বীয় অস্তিত্বের বিলোপকে প্রাপ্তিপূর্ব্বক তাঁহার সহিত একীভূত হইয়া যায়, এই উপমা দ্বারা কেহ কেহ নির্মাণ-মুক্তির সিদ্ধান্ত করেন। সেইরূপ, যেমন ভিন্ন ভিন্ন পক্ষী ভিন্ন ভিন্ন স্থান হইতে আসিয়া কোন বৃহৎ বৃক্ষে অবস্থিতি করে

তেমনি ভিন্ন ভিন্ন জীবাত্মা পরিশেষে সেই পরমাত্মাতে গিয়া অবস্থিতি করে, এই উপমা দ্বারা কেহ কেহ সাযুজ্য যুক্তি সপ্রমাণ করেন। কিন্তু ইহার মধ্যে ও প্রথম উপমা যেমন প্রথমোক্ত মতের স্বপ্রমাণ রূপ গণ্য করা যাইতে পারে না তেমনি দ্বিতীয় উপমা দ্বিতীয়োক্ত মতের প্রমাণ স্বরূপ গণ্য করা যাইতে পারেনা। কারণ দেখা যাইতেছে যে এক উপমা দ্বারা বাহ্য প্রমাণ হয় তাহাই আবার অন্য উপমা দ্বারা অন্যথা কৃত হয় তবে কোন বিষয় আত্ম-প্রত্যয় ও যুক্তি দ্বারা প্রকৃতরূপে সপ্রমাণ করিয়া বোধ-স্থলভার্থে উপমা ও উদাহরণ ব্যবহার করা যাইতে পারে, কেবল উপমার প্রতি নির্ভর করা যাইতে পারে না।

সাদৃশ্যমূলক যুক্তির প্রতি অত্যন্ত নির্ভর করা ধর্ম সন্দ্বন্ধীয় ভ্রমের সপ্তম কারণ। ইহা যথার্থ বটে যে বিবেক-সংঘটিত আত্মপ্রত্যয় দ্বারা আমরা জানিতেছি যে জীবাত্মার কতক গুলি লক্ষণ ঈশ্বরে আছে, কিন্তু আত্মপ্রত্যয় অল্প-সারে মনুষ্য যতদূর যাইতে পারে সাদৃশ্য-মূলক যুক্তির বশবর্তী হইয়া তাহা অপেক্ষা অধিক দূরে গমন করিয়া ভ্রমে পতিত হয়। মনুষ্য যেমন করিয়া ঈশ্বরকে ভাবুক না কেন, নিজ স্বভাবের অপূর্ণতা হেতু, ঈশ্বর যেমন অনন্ত রূপে মহৎ সেরূপ ভাবিতে এক বিন্দু মাত্রও সক্ষম হয় না। মহিষের জ্ঞান থাকিলে সে যেমন কল্লিত স্বর্গের 'নবীন তৃণময় বিস্তীর্ণ ক্ষেত্রে বিচরণকারী এক অতি প্রকাণ্ড সুন্দর মহিষের ন্যায় ঈশ্বরকে জ্ঞান করিত, তেমনি মনুষ্য যেমন করিয়া ঈশ্বরকে ভাবুক না কেন সে অনেক পরিমাণে তাঁহাকে মনুষ্যের ন্যায় ভাবে। ঈশ্বরের স্বরূপ ও তাঁহার প্রকৃতির প্রধান অংশ আমরা কিছু-মাত্র জানিতে সক্ষম হই না। যাহা আমরা জানিতে পারি তাহা তাঁহার কতিপয় লক্ষণ মাত্র, সেও আবার ঠিক আমাদের প্রকৃতির লক্ষণের ন্যায় আমরা জ্ঞান করি। তাঁহার জ্ঞান, তাঁহার শক্তি, তাঁহার করুণা, তাঁহার আনন্দ, প্রকার ও পরিমাণে আমাদের জ্ঞান, শক্তি, করুণা, ও আনন্দের ন্যায় নহে, তাহা আমাদের জ্ঞান শক্তি করুণা ও আনন্দ হইতে অনন্ত গুণে উৎকৃষ্ট ও অনন্ত পরিমাণে অধিক। জ্ঞানীন্দ্রের ঈশ্বর জ্ঞানের সহিত ঈশ্বরের ঈশ্বর জ্ঞান অর্থাৎ ঈশ্বরের স্বীয় প্রকৃতির জ্ঞান তুলনা করিলে জ্ঞানীন্দ্রের ঈশ্বর জ্ঞান এক অগুণমাত্রও হইবে না।



সাদৃশ্য মূলক যুক্তিকে অবলম্বন করিয়া জ্ঞানহীন মনুষ্যেরা বিশ্বাস করে যে আমাদের শ্রায় ঈশ্বরের শরীর ও মন আছে ও স্বর্গ বলিয়া তাঁহার বিশেষ নিবাস স্থান আছে, তথায় তিনি নিত্য পারিষদ দ্বারা সর্বদা বেষ্টিত হইয়া বাস করেন। পৃথিবীস্থ রাজার নিকট যাইবার জন্য যেমন প্রতiharীর সহায়তা আবশ্যক করে, ঈশ্বর সম্বন্ধে তজ্রপ জ্ঞান করিয়া মনুষ্য আপনার মনের স্বাধীনতা রূপ পরম রত্ন বিসর্জন দেয় এবং যে সকল ব্যক্তি আপনাদিগকে ঈশ্বর প্রেরিত বলিয়া পরিচয় দেয় তাহাদিগের নিকট আপনাদিগের মন বিক্রয় করে। মনুষ্য যেমন উপহারে সন্তুষ্ট হয় ঈশ্বরকে সেইরূপ মনে করিয়া অজ্ঞানী ব্যক্তির। তাঁহাকে স্নগন্ধি পুষ্প, উপাদেয় আহার, প্রভৃতি ইন্দ্রিয় স্নেহদ্রব্য উপহার দেয়। রাজার সেবায় শরীরকে কষ্ট প্রদান করিলে তিনি যেমন প্রসন্ন হইয়েন, ঈশ্বরকেও তজ্রপ মনে কবিয়া মনুষ্য কৃচ্ছ্র তপস্তা সাধনে প্রবৃত্ত হয়। সাদৃশ্যমূলক যুক্তিকে অবলম্বন করিয়া, যে ব্যক্তির যেরূপ স্বভাব, ঈশ্বরকে অধিক পরিমাণে সেই স্বভাব বিশিষ্ট বলিয়া সে বিশ্বাস করে। অত্যন্ত দয়ালু ব্যক্তি তাঁহাকে প্রায় কেবলই করুণাময় জ্ঞান করে। কোপন স্বভাব ব্যক্তি তাঁহাকে কোপন-স্বভাব ও পরকালে পাপীদিগকে নিত্যকাল শাস্তি দিবেন মনে করে। কিন্তু তাহাদের দুয়েরি ভ্রম। তিনি ন্যায়বান্ ও করুণাময় পুরুষ। যে ব্যক্তির পিতৃভক্তি অধিক সে ঈশ্বরকে ঠিক মর্ত্ত লোকের পিতার শ্রায় জ্ঞান করে। যে ব্যক্তির মাতৃভক্তি অধিক সে ঈশ্বরকে ঠিক পৃথিবীর মাতার শ্রায় জ্ঞান করে। যাহার আত্মা অতি কোমল-প্রকৃতি সে ঈশ্বরকে স্বামীরূপে উপাসনা করিতে অধিক ভাল বাসে। এভাবে অনেক মাধুর্য্য আছে বটে কিন্তু বিহিতরূপে ব্যক্ত করা আবশ্যক, নতুবা প্রলাপ বাক্যের শ্রায় প্রতীয়মান হইবার সম্ভাবনা। কোন কোন উপাসকেরা পরম প্রেমাম্পদ ঈশ্বরকে প্রিয়া স্ত্রী রূপে কল্পনা করিয়া নিজ নিজ গ্রন্থে ঈশ্বর-সম্বন্ধীয় মহৎ ভাব সকল ব্যক্ত করিয়াছেন, কিন্তু এ প্রকার উপাসনা কোনরূপেই বিহিত নহে। ঈশ্বরকে কেবল পিতা, মাতা, ও বন্ধুরূপে উপাসনা করা বিহিত।

মনুষ্য সাদৃশ্য-মূলক যুক্তির অত্যন্ত বশবর্ত্তী হইয়া পারলৌকিক অবস্থাকে ঐহিক অবস্থার শ্রায় জ্ঞান করে। অনেক জাতি পরলোকে হর্ষা আরাম

পরমা সুন্দরী জী প্রভৃতি ইজ্জত-সুখদ দ্রব্যের আধার বলিয়া বিশ্বাস করে।

উপরে সাধারণতঃ ধর্ম সঞ্চরীয় ভ্রমের কারণের বিষয় বলা হইল । এক্ষণে পাপ পুণ্য সঞ্চরীয় ভ্রমের কারণ বিশেষ রূপে নির্ণয় করা যাইতেছে।

অজ্ঞতা, অথবা কোন কর্মের প্রকৃতি বিষয়ে বিবেচনার অভাব, অথবা দুই কর্তব্যের বিরোধ উপস্থিত হইলে তাহার মধ্যে গুরুতর কর্তব্যের গুরুত্ব বিবেচনা না করা, অথবা বাল্যসংস্কার, অথবা কোন বিশেষ কর্তব্যের অযুক্ত গৌরব, অথবা স্বার্থপরতা, অথবা অন্য কোন নিকট প্রভৃতির প্রবলতা পাপ পুণ্য সঞ্চরীয় ভ্রমের কারণ । কোন ব্যক্তি কোন মন্দ কর্মকে মন্দ বলিয়া বোধ করিয়া তাহা করে না । তাহার নিকট ভাল বলিয়া প্রতীয়মান হয় এই জন্ত তাহা করে । যে কর্মের প্রকৃতি নির্ণয় করা অতি দুরূহ, সম্যক বিবেচনা দ্বারা তাহার প্রকৃতি নির্ণীত হইলে তৎসম্বন্ধে ভ্রম জন্মে । দুই কর্তব্যের বিরোধ উপস্থিত হইলে তাহার মধ্যে গুরুতর কর্তব্যের গুরুত্ব বিবেচনা না করা পাপ পুণ্য সঞ্চরীয় ভ্রমের আর এক কারণ । ঈশ্বর অথবা স্বদেশের প্রতি কর্তব্য কর্ম এবং পিতা মাতার প্রতি কর্তব্য কর্ম, এই দুই প্রকার কর্তব্য কর্মের বিরোধ উপস্থিত হইলে অনেকে অবিবেচনা হেতু শেষোক্ত কর্তব্যকে গুরুতর জ্ঞান করে । বাল্য সংস্কার পাপ পুণ্য সঞ্চরীয় ভ্রমের আর এক কারণ । বাল্য সংস্কার বশতঃ সহমরণের ন্যায় কোন বিগর্হিত প্রথা ভাল বলিয়া বোধ হয় । এক এক সময়ে লোকে বিশেষ ধর্মের যতদূর গৌরব করা উচিত তাহা অপেক্ষা অধিক গৌরব করে যাঁহারা সহমরণের প্রথা প্রথম বিধান করিয়া গিয়াছিলেন তাঁহারা পাতিব্রত্য ধর্মের যতদূর গৌরব করা উচিত তাহা অপেক্ষা অধিক গৌরব করিতেন । ইহা যথার্থ বটে যে স্ত্রীলোকের সম্বন্ধে পাতিব্রত্য ধর্ম যেমন গরীয়ান্ এমন অন্য কোন ধর্ম নহে । কিন্তু তাহা বলিয়া আত্ম-ঘাতিনী হইয়া মৃত পতির সহগমন করা উচিত নহে । যেমন অহিফেনের মত্ততার সময় অসম্বন্ধ কল্পনা সকল মনে উদ্ভিত হয় ও তৎপরে সে সকল অলীক বোধ হয় কিম্বা যেমন প্রবল সমীরণের সময় তটস্থিত বস্তুর প্রতিক্রিয়া প্রদর্শক স্থস্থির সুনির্মল হৃদ-বন্ধ কম্পিত হইলে সেই সকল প্রতিক্রমের ভঙ্গ হয়, তৎপরে বায়ু সামান্য কালে স্থস্থির হইলে পুনরায় সেই সকল প্রতিবিম্ব

দৃষ্ট হয়, সেইরূপ মনুষ্য নিরুপিত প্রবৃত্তির প্রবল বেগের সময়ে মোহান্বিত প্রযুক্ত  
 বন্দ কণ্ঠকে ভাল কণ্ঠ বলিয়া জ্ঞান করে, তৎপরে সে মোহতিমির তিরোহিত  
 হইলে সেই কণ্ঠ অমুচিত বোধ হয়। উল্লিখিত কারণ বশতঃ উচিতামুচিত  
 বোধ কোন কোন স্থলে বিকৃত হয় বলিয়া কোন কণ্ঠের কর্তব্যতা বা  
 অকর্তব্যতার নিশ্চয় নাই ইহা অতি অযুক্ত বাক্য। পাণ্ডু রোগে সকল  
 বস্ত্র পীতবর্ণ দেখায় বটে কিন্তু তাহা বলিয়া বস্ত্রের প্রকৃত বর্ণ অমুভব করা  
 যায় না এমত নহে।

ধর্ম সম্বন্ধীয় ভ্রম জন্ম পরকালে যে নরক-যন্ত্রণা সহ্য করিতে হইবে এমন  
 কখন বিশ্বাস করা যাইতে পারে না। কিন্তু ইহা বলিয়া ভ্রমের অপনোদন  
 করিবার ও ঈশ্বরকে জানিবার যে আমাদেরিগের ক্ষমতা আছে সে ক্ষমতা  
 পরিচালনা না করা অর্থাৎ অন্ধকার হইতে আলোকে গমন না করা দুষ্টীয়  
 যিনি সৌভাগ্য ক্রমে ঈশ্বরের যথার্থ জ্ঞান উপার্জন করিতে সক্ষম হইয়াছেন,  
 ঈশ্বরকে তাঁহার বৈরূপ উপাসনা করা উচিত সেরূপ উপাসনা না করা তাঁহার  
 পক্ষে অতীব দুষ্ট বলিতে হইবে। সকল ধর্মাবলম্বীদিগের মধ্যে অকপট  
 ব্যক্তির নিম্ন নিম্ন জ্ঞান ও কণ্ঠের উৎকর্ষানুসারে পুরস্কার প্রাপ্ত হইবেন  
 কিন্তু কোন ধর্মের কপট অমুচর দিগের নিকৃতি নাই।

## একাদশ অধ্যায় ।

### ঈশ্বরের আত্ম-পরিচয় প্রদান ।

ঈশ্বর স্বকীয় মহিমাতে যে স্বপ্রকাশ রহিয়াছেন তাহা ভঙ্গ করিয়া জ্যোতির্ময় বা অথ কোনরূপ ধারণ পূর্বক কোন মানবকে প্রত্যাদেশ করিয়াছেন ইহা কোন প্রকারে সম্ভব হইতে পারে না। কারণ যে পদার্থের যে স্বভাব তাহা সে আপনি কখনও অতিক্রম করিতে সমর্থ হয় না। ঈশ্বর যেমন ত্রিভুজকে এককালীন ত্রিভুজ ও বৃত্ত করিতে পারেন না তেমনি তিনি স্বকীয় সত্তাকে পরিবর্তিত করিয়া শরীর ধারণ করিতে কিম্বা কোন স্থানে কোন প্রকারে ইঞ্জিয়ার গোচর হইতে পারেন না। যদি বল এমন ত হইতে পারে যে কোন দেশে কোন বিশেষ ব্যক্তির হৃদয়ে সত্য ধর্ম প্রেরণ করিয়াছেন, কিন্তু এই প্রকার প্রত্যাদেশও সম্ভবপর নয়। শারীরিক স্ব্থ সচ্ছন্দতা, সত্যতা, বিদ্যা, ধন, মান, যশ ইত্যাদি সমস্ত বিষয়ের অভাব মনুষ্য স্বাভাবিক ক্ষমতা দ্বারা পূর্ণ করিতে সক্ষম হয় ; ধর্মতত্ত্ব জ্ঞান এই নৈসর্গিক বিধানের বহির্ভূত এমন কখনই হইতে পারে না। অপিচ প্রত্যক্ষ হইতেছে যে আমাদের সকল প্রয়োজনীয় বস্তু পূর্ব হইতে আয়োজিত হইয়া আছে। যেমন আমাদের ক্ষুধা নিবারণার্থ আহাৰ্য্য দ্রব্য ও রোগ শাস্তির জন্ত ঔষধ আয়োজিত আছে, তেমনি মনের ক্ষুধা নিবারণ ও মনের রোগ শাস্তি জন্ত সত্যধর্ম-রূপ অমৃত মানব-প্রকৃতির অন্তর্ভূত আছে। তাহা বুদ্ধি, বিবেক ও যুক্তি দ্বারা উদ্ধার করিয়া আমরা কৃতার্থ হই। যিনি নূতন উৎপন্ন পতঙ্গের পারিপাট্য পূর্ব হইতে বিধান করিয়াছেন, তিনি যে জীবাশ্মার ধর্ম পিপাসা শাস্তির জন্ত কোন নৈসর্গিক বিধান পূর্ব হইতে করেন নাই এমন কখনই হইতে পারে না। ধর্মতত্ত্ব সকল যে পরিমাণে ইহলোকে জানা

আমাদের পরিত্রাণ-জ্ঞাত আবশ্যক, তাহা ঈশ্বর নৈসর্গিক উপায় দ্বারা আমাদের জানিতে দিয়াছেন। যাহা তাঁহার অভিপ্রায় নয় বলিয়া আমরা জানি, তদ্বিশেষে যে সকল পৃথিবীস্থ প্রচলিত ধর্ম জ্ঞান-প্রদান করিবার অধিকার ব্যক্ত করে সে সকল ধর্ম ভ্রান্তি সম্বল। পরন্তু যেন স্বীকার করিলাম যে কোন দেশের বিশেষ ব্যক্তির মনে সত্যধর্ম ঈশ্বর প্রেরণ করিয়াছিলেন, কিন্তু তাহার বার্তা পাইয়া তাহাতে যাহারা বিশ্বাস করিয়াছে তাহারাই কেবল পরিত্রাত হইবে, সেই প্রত্যাদেশ হইবার পূর্বে ও পরে যে যে দূরকালবর্তী অথবা দূরদেশ-বাসী ব্যক্তিরা তাহার বার্তা পায় নাই, অথচ সত্যস্বরূপ অনন্তস্বরূপ পরমেশ্বরে একান্ত প্রীতি স্থাপন পূর্বক নিতান্ত যত্নের সহিত তাঁহার প্রিয়কার্য সাধন করিয়াছে, তাহার কখনই পরিত্রাত হইবে না এমন কিরূপে হইতে পারে? যদি বল যে, যে সকল পবিত্র-চরিত্র ধর্মপরায়ণ মহাত্মা ব্যক্তি সে প্রত্যাদেশের বার্তা পান নাই তাঁহারাও পরিত্রাত হইবেন, তবে যখন স্বকীয় বুদ্ধিমত্তা দ্বারা সেই সকল ব্যক্তি ধর্মতত্ত্ব সকল পরিজ্ঞাত হইতে পারিলেন তখন প্রত্যাদেশের আর কি আবশ্যকতা রহিল?

যদি এমত আকাশবাণী হয় যে “ঈশ্বরকে অভক্তি কর, আর সকল মনুষ্যের প্রতি বিদ্বেষ কর” তাহা হইলে আমাদের অন্তরস্থ ধর্মভাবের সহিত সেই আকাশবাণীর অতৈক্য প্রযুক্ত তাহাকে অগ্রাহ্য করিতে পারা যায় কি না? যদি তাহা অগ্রাহ্য করা বিধেয় হইল তবে মনুষ্যের অন্তরস্থ ধর্মভাবকে ঈশ্বর-বাক্যাভিমানী ধর্মমতের পরীক্ষক স্বরূপ স্বীকার করিতে হইবে কি না? মনুষ্যের অন্তরস্থ ধর্মভাব যে এরূপ পরীক্ষক তাহার আর এক নিদর্শন এই যে তাহা পরীক্ষক না হইলে ঈশ্বর-বাক্যাভিমানী কোন ধর্মমতের উৎকর্ষ অমুভব পূর্বক তাহা অবলম্বন করিতে মনুষ্য সকল প্রবৃত্ত হইত না, কিন্তু সেই মত বিকৃতাকার ধারণ করিলে, তাহা বিকৃতাকার ধারণ করিল কি না ইহা বোধ করিতে না পারা প্রযুক্ত দ্বিতীয় প্রত্যাদেশের আবশ্যক হইত। ঈশ্বর বাক্যাভিমানী ধর্মমতের গৌরবের বিষয় যে সকল ধর্মোপদেশ ও নীতিহীন সে প্রকার ধর্মোপদেশ ও নীতিহীন যখন সেই ধর্মানভিজ্ঞ

ভিন্ন-দেশীয় জ্ঞানী মনুষ্যেরাও উক্ত করিয়াছেন দৃষ্ট হইতেছে, তখন ঈশ্বর-প্রত্যাদেশের আবশ্যকতা নাই ইহা বিলক্ষণ প্রমাণ হইতেছে।

ঈশ্বর-প্রত্যাদেশ মানিবার পূর্বে যখন ঈশ্বরের অস্তিত্ব ও পূর্ণতা জানিতে হয়, অর্থাৎ ঈশ্বর আছেন, তিনি ভ্রম-প্রমাদ-শূন্য, তিনি যাহা বলিতেছেন তাহা কখনই মিথ্যা হইতে পারে না, এমত বিশ্বাস করিতে হয়, আর যখন তিনি ভ্রম-প্রমাদ-শূন্য তখন তিনি অবশ্য পূর্ণস্বরূপ এমত জানিতে হয়, আর যখন তাঁহার পূর্ণতা হইতে অত্যাশ্চর্য্য ধর্ম্মতত্ত্ব সকল উদ্ভাবন করা যাইতে পারে তখন ঈশ্বর প্রত্যাদেশের আর কি আবশ্যকতা রহিল ?

প্রচলিত ধর্ম্মতত্ত্ব সকলের মধ্যে কোন কোন ধর্ম্মাবলম্বী ব্যক্তিরা নিজ নিজ ধর্ম্ম ঈশ্বরোক্ত, ইহা প্রমাণ করিবার জন্ত সেই সেই ধর্ম্মের প্রবর্তক-দিগের কৃত অলৌকিক কার্য্যের ও তাহাদিগের উক্ত ভবিষ্যদ্বাণীর যথার্থ ব্যাখ্যান করিয়া থাকেন। উক্ত প্রকার অলৌকিক কার্য্য ও ভবিষ্যদ্বাণী সম্ভবপর কি না সেই তত্ত্বানুসন্ধানে প্রবৃত্ত হওয়া যাইতেছে।

অলৌকিক ঘটনা অসম্ভব। অসম্ভব কথা বিশ্বাস করিবার পূর্বে আপনাকে জিজ্ঞাসা করা কর্তব্য যে কাহার কথায় তাহা বিশ্বাস করি ? যে ব্যক্তি সে কার্য্য বর্ণন করিয়াছে সে কোন্ সময়ে জীবিতবান ছিল, কোন্ স্থানে তাহার বাস, সে উক্ত অলৌকিক ঘটনা আপনি চাক্ষুষ প্রত্যক্ষ করিয়াছিল কি না, তাহার চরিত্র কিরূপ ছিল, তাহার প্রবন্ধিত হইবার কোন সম্ভাবনা ছিল কি না, তাহার মিথ্যা বলিবার কোন কারণ ছিল কি না, যে গ্রন্থে ঐ অদ্ভুত কার্য্যের বিবরণ লিখিত আছে তাহা যথার্থ তাহার প্রণীত কি না, এ প্রকার তত্ত্বানুসন্ধান না করিয়া কোন অসম্ভব কথা বিশ্বাস করা যাইতে পারে না। যদি বল পুরাবৃত্তে লিখিত বিষয় সকল অনায়াসে বিশ্বাস কর কিন্তু আমাদিগের ধর্ম্মের প্রমাণ যে গ্রন্থে আছে তাহার কথা একেবারেই বিশ্বাস কর না কেন ? তদ্বিষয়ে বক্তব্য এই যে পুরাবৃত্তে সম্ভবপর কথা লিখা থাকে, অসম্ভব অদ্ভুত কার্য্য যাহা আমরা চাক্ষুষ প্রত্যক্ষ করি নাই আর যাহা অনেক শতাব্দীর পূর্বে ঘটিয়াছে তাহাতে অবশ্যই এমন কঠিন পরীক্ষা নিয়োগ করা কর্তব্য। বিশেষতঃ দৃষ্ট হইতেছে যে, যেমন যে কালে ভূত ডাইনের

অস্তিত্বে বিশ্বাস লোকের মনে প্রবল থাকে সে কালে কোথা হইতে যেন ডাইন ও ভূতের কার্য্য সকল ঘটে, তেমনি যে কালে অলৌকিক কার্য্যে বিশ্বাস লোকের মনে প্রবল থাকে সেকালে কোথা হইতে যেন অলৌকিক কার্য্য সকল ঘটে। আমাদের দেশে বর্তমানকালে এমন কতবার ঘটয়াছে যে যাহার কথা বিশ্বাস করা যায় এমন সকল লোকে মহাপুরুষদিগের কৃত আশ্চর্য্য ক্রিয়া সকলের কথা গল্প করিয়াছেন আর বলিয়াছেন যে তাহারা নিজে ঐ সকল আশ্চর্য্য ক্রিয়া চাক্ষুষ প্রত্যক্ষ করিয়াছেন এবং বলিয়াছেন যে যে স্থানে ঐ সকল অদ্ভুত ব্যপার ঘটিয়াছিল সে সকল স্থানে ঐ কথা রাষ্ট্র আছে। তৎপরে বিশেষ তত্ত্বানুসন্ধান দ্বারা দেখা গিয়াছে যে তাহা অমূলক অথবা প্রতারণা মূলক। প্রচলিত কোন কোন ধর্ম্মের অনুবর্ত্তীরা কহিয়া থাকেন যে সেই সেই ধর্ম্মেব সংস্থাপকদিগের যে সকল শিষ্যেরা আপনাদিগের প্রণীত গ্রন্থেতে তাহাদিগের অদ্ভুত কার্য্য বিবরণ করিয়াছেন সেই শিষ্যদিগের মধ্যে কেহ কেহ সেই সকল অদ্ভুত ক্রিয়ার যথার্থতা প্রমাণ দিবার জন্ত উৎকট যত্ন প্রাণ পর্য্যন্ত সমর্পণ করিয়াছেন অতএব তাহাদিগের কথা কি প্রকারে মিথ্যা হইতে পারে? তাহার উত্তর এই যে যদি সেই সকল গ্রন্থ সেই সকল শিষ্যদিগের যথার্থ প্রণীত হয় আর সেই সকল শিষ্য যথার্থই তাহাদিগের প্রাণ পর্য্যন্ত অর্পণ করিয়াছিল তথাপি ইহা বিবেচনা করিতে হইবে যে তাহারা কেবল সেই সকল অদ্ভুত কার্য্যের যথার্থতার প্রমাণ দিবার জন্ত প্রাণ সমর্পণ করিয়াছিল এমন নহে। তাহারা ভ্রমাক্রান্ত প্রযুক্ত তাহাদিগের গুরু প্রবর্ত্তিত মতে বিশ্বাস পরিত্যাগ করিতে না পারিয়া প্রাণ পর্য্যন্ত অর্পণ করিয়াছিল।

জগতে যত কার্য্য হইতেছে তাহা নিয়মানুসারে হইতেছে। ঈশ্বরের নিয়ম ভঙ্গ হইয়া কোন কাণ্ড হয় না। যে কার্য্য আপাততঃ অলৌকিক বোধ হয় তাহা কোন বিদিত নিয়মানুসারে না হউক কোন অবিদিত নিয়মানুসারে হইবে। যখন ইহা নিশ্চয় যে অলৌকিক ঘটনা বিদিত নিয়মানুসারেই হউক অথবা অবিদিত নিয়মানুসারেই হউক কোন নিয়মানুসারে তাহা ঘটয়া থাকে, তখন যে ধর্ম্মপ্রবর্ত্তক দ্বারা অলৌকিক কার্য্য

কৃত হয় তিনি যে ঐশী ক্ষমতা বিশিষ্ট তাহা কি প্রকারে বলা যাইতে পারে? ঐন্দ্রজালিকেরা আমাদিগকে বিশ্বয়জনক ব্যাপার সকল দেখায়, সেই সকল বিশ্বয়জনক ব্যাপার আমাদিগের অবিদিত নিয়মানুসারে হইয়া থাকে। তাহা বলিয়া কি আমরা তাহাদিগকে ঐশী ক্ষমতা বিশিষ্ট বলিয়া মানিব?

পূর্বেই প্রমাণ করা গিয়াছে যে ঈশ্বরের পূর্ণত্ব পূর্ণ হইতে না মানিলে ঈশ্বর-প্রত্যাদেশের সম্ভাবনাই স্বীকার করা যাইতে পাবে না। ঈশ্বরের পূর্ণ স্বরূপের সহিত যে ধর্মমতের ঐক্য আছে সেই ধর্মমত ঈশ্বরোক্ত হইবার সম্ভাবনা, অথ প্রকার ধর্মমত ঈশ্বরোক্ত হইবার সম্ভাবনা নাই। যথার্থ ঈশ্বরোক্ত ধর্ম অবশ্য ঈশ্বরের পূর্ণত্বের সহিত সঙ্গত। প্রচলিত ঈশ্বর বাক্যাভিমानी সকল ধর্মে এই পরীক্ষা নিয়োগ করিলে তাহার মধ্যে কোনটাই রক্ষা পায় না। কোন ধর্ম বলিতেছে ঈশ্বর গোপালয়ে জন্ম গ্রহণ করিয়া গোপিনীদিগের নবনীত অপহরণ পূর্বক ভক্ষণ করিয়াছিলেন, কোন ধর্ম বলিতেছে যে তদুদ্ব্য প্রবর্তক এক মুহূর্ত্ত মধ্যে সপ্তম স্বর্গে আরোহণ করিয়া যবনিকার অন্তরালে উপবিষ্ট ঈশ্বরের সহিত কথোপকথন করিয়াছিলেন, কোন ধর্ম ব্যক্ত করিয়া থাকে ঈশ্বরের শৈশবকালে তাঁহার ধর্মাবিবেকের সময় স্বয়ং ঈশ্বরই আবার কপোতরূপ ধারণ করিয়া পৃথিবীতে অবতরণ করিয়াছিলেন ও বৃদ্ধ মল্লয্যের আকার আশ্রয় করিয়া একজন ভক্তের সহিত ব্যায়াম করিয়াছিলেন।

প্রচলিত ধর্মগ্রন্থ সকলেতে যে সকল ভবিষ্যদ্বাণী আছে তাহাদের মধ্যে অধিকাংশ এমত অস্পষ্ট ভাষায় লিখিত যে তাহাদের ব্যাখ্যাতারা মধ্যে মধ্যে তাহাদের অর্থ পরিবর্তন করিতে বাধ্য হইবেন। যেগুলি স্পষ্ট ভাষায় লিখিত ও যথার্থ ঘটনা আছে তৎপাঠে বিলক্ষণ বোধ হয় যে প্রথম বুদ্ধি ব্যক্তির অনুমান দ্বারা তাহা অনায়াসে উক্ত করিতে সমর্থ হইয়াছিলেন, আর কতগুলি ভবিষ্যদ্বাণী বাস্তবিক ঘটে নাই, যেমন খৃষ্ট ও তাঁহার শিষ্যদিগের উক্ত তাহাদিগের সময়েই মহাপ্রলয় ঘটনা-বিষয়ক ভবিষ্যদ্বাণী। অবশিষ্ট ভবিষ্যদ্বাণী কৃত্রিম ও ঘটনার পর গ্রন্থমধ্যে নিবেশিত হইয়াছে।



## দ্বাদশ অধ্যায় ।

সত্যধর্ম কি এই প্রশ্নের উত্তর ও ব্রাহ্ম ধর্মের

স্বরূপ ও লক্ষণ ।

সত্যধর্ম তত্ত্ব ও ধর্ম-সম্বন্ধীয় ভ্রমের কারণ নিরূপণ করা হইয়াছে ; এক্ষেপ্ত্রিধিবীস্থ ধর্মমত সকলের মধ্যে কোন্ ধর্মমত সত্য সেই অনুসন্ধানে প্রবৃত্ত হওয়া বাইতেছে ।

( ১ ) সকল পদার্থ ও ঘটনার সম্পূর্ণ নিত্য নির্ভর স্থল কোন পূর্ণ পদার্থ আছে । (২) শ্রেষ্ঠতম প্রণালী অনুসারে তাঁহার উপাসনা করা কর্তব্য । এই দুইটি প্রত্যয় ধর্মের মূল প্রত্যয় । ঐ দুই প্রত্যয়ে স্বেচ্ছা জ্ঞানের দ্বারা উপনীত হওয়া যায় । ধর্মের মূল প্রত্যয় সকল নিরতিশয় মহৎ পদার্থের প্রতিপাদক, অতএব সেই সকল নিরতিশয় মহৎ পদার্থের নিরতিশয় মহৎ ভাবই তাহাদের যথার্থ ভাব । যে পর্য্যন্ত না মনুষ্য ঐ সকল নিরতিশয় মহৎ পদার্থের নিরতিশয় মহৎ ভাব উদ্ভাবন করে অর্থাৎ যে পর্য্যন্ত না ধর্মের মূল প্রত্যয়ের সহিত সম্পূর্ণরূপে সঙ্গত যে ভাব যে পর্য্যন্ত না সে ভাব উদ্ভাবন করে, সে পর্য্যন্ত ধর্মোন্নতির সম্ভাবনা থাকে । ঐ নিরতিশয় মহদ্যাব উদ্ভাবিত হইলে ধর্মমত অনুন্নমিতব্য আকার ধারণ করে । কিন্তু ঐ অনুন্নমিতব্য ধর্মমতের ব্যাখ্যান ও তাৎপর্য্য উন্নমিতব্য থাকে । ঐ অনুন্নমিতব্য ধর্মমত এই কয়েকটি বাক্যে ভুক্ত আছে ।

( ১ ) ঈশ্বরের অনন্তত্ব ।

( ২ ) ঈশ্বরের পিতৃত্ব ও মনুষ্যেব ভ্রাতৃত্ব ।

( ৩ ) ঈশ্বরের নিকটত্ব ।

( ৪ ) মনুষ্যের ইচ্ছার স্বাধীনতা ।

( ৫ ) ঈশ্বরের প্রতি প্রীতি ও ঈশ্বরের প্রিয়কার্য্য সাধন ।

( ৬ ) আত্মার অশেষ উন্নতি ।

ঈশ্বরের সন্মুখাপিত্ব ও পিতৃত্ব ও স্নেহভাব হইতে তাঁহার নিকটস্থ পাওয়া যাইতেছে। তিনি যখন আমাদের পিতা ও স্নেহ ও আমাদের হৃদয়ের অভ্যন্তরে সর্বদাই স্থিতি করিতেছেন তখন তাঁহার নিকটে যাইবার জন্য কোন মনুষ্যের সহায়তা আবশ্যক নাই। জ্ঞান-চক্ষু উন্মীলন হইবার জন্য অবশ্য গুরুপদেশ আবশ্যক করে, কিন্তু তজ্জ্ঞ গুরুকে জগদগুরুর স্থানে স্থাপন করা কখনই উচিত হয় না। ঈশ্বর আমাদের নিকটে আছেন, কিন্তু যদি আমরা প্রীতিদ্বারা তাঁহার সহিত নিগূঢ় সম্বন্ধ স্থাপন না করি তবে তিনি আমাদের নিকট হইতে দূরে থাকেন। ঈশ্বরের প্রতি প্রকৃত প্রীতি থাকিলে তাঁহার প্রিয়কার্য সাধন করিতে আপনা হইতেই প্রবৃত্তি হয়। ঈশ্বরের পিতৃত্ব মনুষ্যের ভ্রাতৃত্ব বুঝায়। যেহেতু ঈশ্বর সকল মনুষ্যের পিতা। ঈশ্বরের পিতৃত্ব আশ্রয় অশেষ উন্নতি বুঝায়, যেহেতু যখন আমরা সেই অমৃত পুরুষের পুত্র তখন আমরা অমৃতের অধিকারী। অতএব সমস্ত সত্যধর্ম মত ঈশ্বরের অনন্তত্ব, ঈশ্বরের পিতৃত্ব, মনুষ্যের ইচ্ছার স্বাধীনতা ও ঈশ্বরের প্রতি প্রীতি, এই চারি বাক্য সম্যক রূপে ভূক্ত আছে। ধর্মের মূলস্বত্রের অর্থস্বরূপ উল্লিখিত ধর্ম-মত অত্যন্ত প্রাচীনকাল হইতে প্রবাহিত হইয়া আসিতেছে। পূর্বকাল জ্ঞানীদিগের ভ্রমাত্মক মত সকলের বিলোপ হইয়াছে কিন্তু তাহাদিগের দ্বারা পরিব্যক্ত ধর্মের মূলস্বত্রের যথার্থ অর্থগুলি জ্ঞানালোক সম্পন্ন মনুষ্যদিগের মধ্যে অদ্যাপি প্রচলিত আছে এবং বিদ্যার যত উন্নতি ও প্রচার হইতে থাকিবে ততই উক্ত ধর্ম বিস্তৃত অভ্যুজ্জল রমণীয় পরিচ্ছদে পরিবৃত্ত হইবে এবং সাধারণ লোকদিগের মধ্যে ততই ব্যাপ্ত হইতে থাকিবে। ধর্মের মূল-স্বত্রের যথার্থ অর্থস্বরূপ উল্লিখিত ধর্মমত, তাহার ব্যাখ্যা ও তাৎপর্য সংশোধিত, পরিমার্জিত ও উন্নত হইবে কিন্তু সে অর্থ চিরকাল বিরাজমান থাকিবে।

এই পরম পবিত্র ধর্মমত সত্যোক্তে প্রতিষ্ঠিত, সত্যই ইহার আয়তন ; ঈশ্বরই ইহার উপদেষ্টা, ঈশ্বরই ইহার প্রবর্তক, যেহেতু ঈশ্বরই সত্যের আবহ। এ ধর্মে ঈশ্বরনির্দিষ্ট কোন ধর্ম-গ্রন্থ অথবা উপাসনা-পদ্ধতি নাই ; ক্রিয়া-কলাপরূপ বাহ্য আড়ম্বরের সহিত ইহার সম্বন্ধ নাই। ইহা কেবল অন্তরের

ধর্ম। এ ধর্মমতে কোন নির্দিষ্ট দিবস পুণ্য দিবস নহে। যখন উপাসকের চিত্ত ঈশ্বরে সর্বদা সমর্পিত থাকে তখন সকল দিবসই পুণ্য দিবস। এধর্মেতে কোন বিশেষ স্থান উপাসনার স্থান নহে, যে স্থানে চিত্তের একাগ্রতা হয় সেই স্থানই উপাসনার স্থান। এধর্মে কোন ধর্ম-বাক্যকের আবশ্যকতা রাখে না, সাধু ব্যক্তি আপনিই আপনার ধর্মবাক্যক। এ ধর্মেতে ঈশ্বররের নিকট যাইবার জন্য কোন ঈশ্বর-প্রেরিত বা ঈশ্বরানুগৃহীত ব্যক্তির সাহায্য আবশ্যক করে না, বিগুরু চিত্তই মনুষ্যের প্রকৃত ঈশ্বর-প্রতীহারী। এ ধর্মেতে ঈশ্বরকে উপহার দিবার বিধি নাই, প্রীতিরূপ পুষ্পই তাঁহার প্রকৃত উপহার। এ ধর্মেতে কোন কৃচ্ছ্র সাধন তপস্যা নাই, নিকৃষ্ট প্রবৃত্তিদের দমনই এ ধর্মের তপস্যা। এ ধর্মেতে কোন বলিদান নাই, স্বার্থপরতা পরিত্যাগই এ ধর্মের বলিদান স্বরূপ। এ ধর্মেতে কোন যাগ যজ্ঞ নাই, রোপকারই এ ধর্মের যাগযজ্ঞ। এ ধর্মেতে জ্ঞানকাণ্ড ও কর্মকাণ্ড বলিয়া দুই পৃথক্ পৃথক্ ধর্মমার্গ নাই; যেমন চক্ষু বিনা হস্ত বৃথা; যেমন হস্ত বিনা চক্ষু বৃথা; তেমনি কর্ম বিনা জ্ঞান বৃথা। এ ধর্মের কোন বীজমন্ত্র নাই, “ভাল হও ও ভাল কর” এই ইহার বীজমন্ত্র। এ ধর্মেতে যোগী ও ভোগী এমন কোন প্রভেদ নাই, এ ধর্মেতে ভোগই যোগ এবং যোগই ভোগ। সাংসারিক সম্পদ সময়ে ঈশ্বরকে সর্বদা স্মরণ করাই পরম যোগ, আর সাংসারিক বিপদ সময়ে বিপদকে তুচ্ছ করিয়া ব্রহ্মানন্দে নিমগ্ন হওরাই পরম ভোগ। এ ধর্মেতে শ্রেয় ও প্রেয় বলিয়া বিতেন্দ নাই। যাহা শ্রেয় তাহাই প্রেয়, আর যাহা যথার্থ প্রেয় তাহাই শ্রেয়। এ ধর্মের প্রাণ ঈশ্বরের প্রতি প্রীতি, ইহার শরীর তাঁহার প্রিয় কার্য সাধন। এ ধর্মের দেবতা ঈশ্বর, পূজা প্রীতি, ও ফল ঈশ্বরপ্রাপ্তি। উল্লিখিত ধর্মমতকে ব্রাহ্মধর্ম বলা যায়। তাহা যড়্গুণায়ক।

সে ছয়টি গুণ এই—

(১) সত্য।

(২) সহজ।

(৩) সর্বসমঙ্গসীভূত।

(৪) অত্যন্ত মহৎ।

৫) অত্যন্ত মধুর ।

(৬) অত্যন্ত উপকারী ।

ব্রাহ্মধর্ম সত্যধর্ম । ব্রাহ্মধর্ম স্মৃতি দার্শনিক বিচার দ্বারা প্রমাণীকৃত হয় ; ব্রাহ্মধর্ম হৃদয়েরও সঙ্গে মিলে । ব্রাহ্মধর্মের জ্ঞায় সত্য ধর্ম আর জগতে নাই । ঈশ্বর যেমন সত্য ব্রাহ্মধর্মও তেমনি সত্য । ব্রাহ্মধর্ম সহজ ধর্ম । পণ্ডিত অপণ্ডিত শিক্ষিত অশিক্ষিত বালক বৃদ্ধ সকলেই এ ধর্মকে বুঝিতে সক্ষম হয় । এ ধর্ম সর্বসমঞ্জসীভূত । (১) এ ধর্ম আত্মপ্রত্যয় ও যুক্তিসম্মত-ধর্ম ; এ ধর্ম বিজ্ঞান ও হৃদয় সম্মত ধর্ম । অত্যাশ্রয় ধর্মের অমুবর্তী লোকেরা নূতন আবিষ্কৃত বিজ্ঞানের সঙ্গে তাহাদের বিশ্বাসস্থল নিজ ধর্মের সমন্বয় করিতে কত আয়াস পায় । কিন্তু ব্রাহ্ম ধর্মের সহিত তাহার সমন্বয় করিতে ব্রাহ্মধর্মের অমুবর্তীদিগকে কিছুই কষ্ট পাইতে হয় না । (২) এ ধর্ম কবিত্বভাবে পরিপূর্ণ অথচ সত্যের আকর । জ্যোতিঃ ও সৌন্দর্যের আধার রস-স্বরূপ পূর্ণ পুরুষের অস্তিত্ব, ঈশ্বরপ্রীতি, হৃদয়ে সেই পরম স্মৃতিদের বর্তমানত্ব, আত্মার অশেষ উজ্জ্বলতা, ও এক উৎকৃষ্ট ও শোভন লোক হইতে অস্ত্র উৎকৃষ্টতর ও শোভনতর লোকে গমন, মনুষ্যের ভ্রাতৃত্ব এই সকল ভাব অপেক্ষা রসায়িত ভাব আর কোথায় পাওয়া যাইবে ? এ প্রকার কবিত্ব ভাবে পরিপূর্ণ হইয়াও ব্রাহ্মধর্ম পরম সত্য ধর্ম । তাহা জ্ঞানশাস্ত্রের কঠিনতম পরীক্ষাও সহ্য করিতে সক্ষম হয় । (৩) এ ধর্ম আধুনিক অথচ প্রাচীন । প্রাচীনকালের জ্ঞানী মনুষ্যের সত্য উপদেশ সকল আমরা ভক্তি ও আদর পূর্বক গ্রহণ করিয়া থাকি, অথচ ধর্মের বেশ উন্নত হইতে পারে না এমনত বিশ্বাস করি না । ব্রাহ্মেরা মুক্তকণ্ঠে বলিতে পারেন “ধর্ম বিষয়ে ইতিপূর্বে যাহা কিছু নির্ণীত হইয়াছে এবং উত্তরকালে যাহা কিছু নির্ণীত হইবে সে সমুদায়ই আমাদের ব্রাহ্মধর্মের অন্তর্গত ।” (৪) এ ধর্মের সহিত সকল ধর্মের ঐক্য আছে, অথচ অনৈক্যও আছে । সকল ধর্মের সত্য ব্রাহ্মধর্মে লওয়া হইয়াছে, অথচ তাহাদের কোন ভ্রম লওয়া হয় নাই । (৫) ব্রাহ্মধর্মে দর্শনকারদিগের বিশ্বাস ও সাধারণ লোকের বিশ্বাস সর্বসমঞ্জসীভূত ভাবে আছে । সাধারণ লোকের হৃদয়গ্রাহী বিশ্বাস সকল ব্রাহ্মধর্মে আছে, অথচ তাহা দার্শনিক বিচার সম্মত । ঈশ্বর নিগূঢ়

ও অনির্বাচনীয় স্বরূপ ইহা দার্শনিক বিচার দ্বারা পাওয়া যাইতেছে, আবার তিনি মঙ্গল স্বরূপ তাহাও ঐ বিচার দ্বারা পাওয়া যাইতেছে। কিন্তু এই দুই তত্ত্বই লোকের হৃদয়গ্রাহী। যে হেতু প্রথম তত্ত্ব দ্বারা লোকের আশ্চর্য্য বৃত্তি উত্তেজিত হয়। ও দ্বিতীয় তত্ত্ব দ্বারা লোকের প্রীতি-বৃত্তি উত্তেজিত হয়। (৬) ব্রাহ্মধর্ম মুক্ত অথচ বদ্ধ। ব্রাহ্মধর্ম কোন মানব উপদেষ্টা অথবা ধর্মগ্রন্থের দাস নহে, কিন্তু তাহা সত্য ও ঈশ্বরের দাস। (৭) ব্রাহ্মধর্ম চতুরস্র ধর্ম। ব্রাহ্মধর্ম সংসার পরিত্যাগ করিয়া অরণ্যবাসী হইতে বলে না, আর ঈশ্বরকে পরিত্যাগ করিয়া সাংসারিক মোহে অভিভূত থাকিতে বলে না; ব্রাহ্মধর্ম আমাদের সকল মনো-বৃত্তিকে নিয়মিতরূপে চালনা করিতে আদেশ করে; কিয়ৎ কালের জন্ত নির্দোষ আমোদ উপভোগ করাকেও ধর্মের অঙ্গ মধ্যে পরিগণিত করে। ব্রাহ্মধর্ম অত্যন্ত মহৎ। ঈশ্বর অনন্ত স্বরূপ, সেই অনন্তস্বরূপ পদার্থে মনকে নিমগ্ন করা উচিত, আত্মা নিত্যকাল বর্তমান থাকিবে ও তাহার ক্রমশঃ উন্নতি হইবে ও আমাদের ঈশ্বর-জ্ঞান ও ঈশ্বর-প্রীতি ক্রমশঃ বর্দ্ধিত হইয়া বাক্য মনের অগোচর কল্পনাতে সুখসম্ভোগ হইবে, ইহা অপেক্ষা মহৎ ভাব আর কি হইতে পারে? ব্রাহ্মধর্ম অত্যন্ত মধুর। যদি ঈশ্বরে করুণা ব্যতীত আর সকল লক্ষণ থাকিত এবং তিনি যদি নির্দয় হইতেন তবে সেই সকল লক্ষণের অসীমত্ব প্রযুক্ত তিনি কি ভয়ানক পদার্থ হইতেন! এক করুণা গুণই তাঁহার সকল গুণকে কি মধুর করিয়াছে! সেই মঙ্গলস্বরূপ পরম বন্ধু আমাদের একমাত্র পরম প্রেমাস্পদ পদার্থ। সেই একমাত্র পরম প্রেমাস্পদ পদার্থে একান্ত প্রীতি করা কর্তব্য ও তাঁহার প্রিয়কার্য্য সাধনে অনবরত রত থাকা উচিত, ইহা অপেক্ষা আর মধুর ভাব কি আছে? ব্রাহ্মধর্ম অত্যন্ত উপকারী। ব্রাহ্মধর্মের মতানুসারে সকল লোক চলিতে আরম্ভ করিলে এখনি মর্ত্য লোক স্বর্গ ধামে পরিণত হয়।

## পরিশিষ্ট ।

একমাত্র দ্বিতীয় নিরাকার পরমেশ্বরে বিশ্বাস অনেক অসভ্য জাতি  
দিগের মধ্যে প্রচলিত আছে ।

একমাত্র দ্বিতীয় পুরুষে ও পারলৌকিক দণ্ড পুরস্কাৰে বিশ্বাস এফ্রিকার  
বহুদেবোপাসক অনেক অসভ্য জাতিদিগের মধ্যে অথও ও বিস্তীর্ণরূপে  
প্রচলিত আছে । নিম্নোল্লিখিত দুই প্রত্যয় তাতাব জাতিদিগের ধর্মের  
অন্তর্গত । প্রথম প্রত্যয় ঈশ্বর এক, তিনি সকলের স্রষ্টা ও সকলের  
নিয়ন্তা এবং একমাত্র উপাস্ত পদার্থ । দ্বিতীয় প্রত্যয়, সকল মনুষ্য তাঁহার  
সৃষ্ট । এক পিতার পুত্রের ছায় পবম্পরকে পরস্পর ভ্রাতৃস্বরূপ জ্ঞান  
করা সকল মনুষ্যোবই উচিত । কাহারও প্রতি অত্যাচার আচরণ করা  
কর্তব্য নহে । সকলেই তাঁহার প্রদত্ত সুখে অধিকারী ; সেই প্রদত্ত  
সুখকে অবিহিতরূপে উপভোগ করা উচিত মহে । এমিয়া খণ্ডস্থ বৌদ্ধ  
মতাবলম্বী অনেক অসভ্য জাতির আদি বুদ্ধ নামে সর্বস্রষ্টা সর্বনিয়ন্তা  
একমাত্র দ্বিতীয় পুরুষের উপাসনা করে । বঙ্গদেশের ত্রিপুরা প্রদেশস্থ  
পর্বত ও জঙ্গল-বাসী অতি অসভ্য কুকীরা সর্বস্রষ্টা সর্বাদিপতি একমাত্র  
ঈশ্বরে বিশ্বাস করে ও তাঁহাকে “খোজীন পুতিয়াঙ্” নামে ডাকে  
ঐ দেশের পশ্চিম দিকস্থ পর্বত ও জঙ্গল-বাসী সাঁওতালেরা একমাত্র  
নিবাকার পরমেশ্বরে বিশ্বাস করে ও “মেরেংবুক” নামে তাঁহার উপা-  
সনা করে । এমেবিকার উত্তর ভাগস্থিত অসভ্য ইণ্ডিয়ান জাতি ঈশ্বরকে  
পরমাত্ম্যরূপে জ্ঞান করে ও তাঁহার স্বরূপ বিষয়ে বিশুদ্ধ মত ব্যক্ত করে ।  
প্রাচীন জাতিদের মধ্যে গ্রীকেবা যখন অসভ্য ছিল তৎকালের অর্ফিউস্  
নামে এক কবি উক্ত করিয়াছিলেন “জিয়ুসই রাজা, জিয়ুসই সকল বস্তুর  
আদিয় পিতা । জ্ঞান ও সর্বাধিদায়কারণী শ্রীতি সকল বস্তুর আদিম  
জনয়িতা । সকলেই জিয়ুসের অন্তরে সংস্থিত । এক শক্তি এক ঈশ্বর  
নামে আছেন ; তিনিই সকলের নিয়ন্তা ।” প্রাচীন জবম্যানদিগের এই

বিশ্বাস ছিল যে ঈশ্বরই সকল বস্তুর নিয়ন্তা, সকল ভূত তাঁহার অবীন ও আজীবন। প্রাচীন স্কেন্ডিনেবিয়ানদিগের ধর্মপুস্তকে ঈশ্বরের এক প্রকার বর্ণনা আছে “ঈশ্বর সকল বস্তুর স্রষ্টা এবং নিত্য প্রাণ ও চৈতন্যময় মহত্তর পুরুষ। তিনি সকল গুপ্ত বিষয় জানিতেছেন ও তাঁহার কোন পরিবর্তন নাই।” তাহাদিগের ধর্মগ্রন্থের আর এক স্থানে উক্ত আছে “সেই সর্বশক্তিমান্ নির্ভয় পুরুষই সকল বস্তু শাসন করিতেছেন। তাঁহার নিকেতনে জায়পরায়ণ ব্যক্তির বাস করিবেন এবং নিত্যকাল আনন্দ উপভোগ করিবেন তিনি একমাত্র সর্বক্ষমতা-সম্পন্ন পুরুষ। জগতে যত চেতন পদার্থ আছে তিনি তাহাদের সকলের অতীত। তিনি সর্ব কাল বিদ্যমান এবং ভূত ভবিষ্যতের নিয়ন্তা। কি উচ্চ কি অধম কি ক্ষুদ্র কি বৃহৎ তিনি সকলেরই ঈশান; তিনি ভুলোক ও ছালোক এবং অমৃত লাতের উপযোগ্য মনুষ্যকে সৃষ্টি করিয়াছেন এবং স্বর্গ মর্ত্য রচিত হইবার পূর্বে বিরাজমান ছিলেন।” গিটি নামক পূর্বকালের এক অসভ্য জাতি জ্যামোলিক্সিস্ নামে সত্যস্বরূপ পরমেশ্বরের উপাসনা করিত এবং লোকে মৃত্যুর পর তাঁহার নিকটে গমন করে এই বিশ্বাস করিত। গ্রীক ও রোমানেরা ইংরাজ জাতির অসভ্য পূর্বপুরুষদিগের ডুইড নামা ধর্ম-যাজকদিগের ঈশ্বর-বিষয়ক মতের সহিত প্রাচীন ভারতবর্ষ ও মিসর ও অনুর ও পারশ্ব দেশ সকলের যাজকদিগের ঈশ্বর-বিষয়ক মতের সম্পূর্ণ সাদৃশ্য দেখিয়া চমৎকৃত হইয়াছিল। পূর্বকালে অসম্পূর্ণ সভ্য পিরুদেশের ইন্কা নামক রাজারা ও অমাত নামক জ্ঞানীরা স্বর্গ মর্ত্যের স্রষ্টা একমাত্র সত্যস্বরূপ সর্বশক্তিমান্ ঈশ্বরকে “পাচকেমক্” অর্থাৎ বিশ্বাত্মা বলিয়া উপাসনা করিতেন। পাচকেমক্ কে? ইহা অমাতদিগকে জিজ্ঞাসা করাতে তাঁহারা উত্তর করিয়াছিলেন যে “পাচকেমক্ বিশ্বের প্রাণস্বরূপ। ইনি সকল ভূতকে পালন ও প্রতিপোষণ করিতেছেন, কিন্তু যেহেতু তাঁহাকে আমরা দেখিতে পাই না ও জানিতেও সমর্থ হই না অপ্রযুক্ত তাঁহার উপাসনার্থে কোন মন্দির নির্মাণ না করিয়া অথবা তাঁহাকে বলি প্রদান না করিয়া মনে মনে তাঁহাকে পূজা করি ও অচিন্ত্য বলিয়া তাঁহাকে নির্দেশ করি।” মেক্সিকো দেশের বহুদেবোপাসকেরা এক সর্বশ্রেষ্ঠ নিরতিশয়

মহান্ স্বতন্ত্র পুরুষে বিশ্বাস করিত ও তাঁহাকে যথোচিত ভর ও ভক্তি করিত। তাঁহার কোন প্রতিমূর্ত্তি নির্মাণ করিত না যেহেতু তিনি অদৃশ্য বলিয়া তাহাদের বিশ্বাস ছিল। তাঁহাতে আমরা জীবিত আছি ও তিনি সর্বময় এই সকল শব্দে তাহারা তাঁহার স্বভাব নির্দেশ করিত। চিলি প্রদেশের পূর্বকালের অসভ্য লোকেরা সর্বশ্রেষ্ঠ পরমেশ্বরকে “পরমাত্মা” “মহান্ পুরুষ” “সর্বশক্তিমান্” “নিত্য” “অনন্ত” বলিয়া উক্ত করিত। প্রাচীনকালের বহুদেবোপাসক অসভ্য আরবেরা সর্বশ্রেষ্ঠা সর্বনিয়ন্তা পুরুষকে “আল্লা” নামে উপাসনা করিত ও পরকালে বিশ্বাস করিত। মহম্মদ পরমেশ্বরের উল্লিখিত নাম গ্রহণ করিয়াছিলেন ও নিজপ্রণীত কোরাণ নামক ধর্মগ্রন্থে ব্যবহার করিয়াছেন।

উপরে অসভ্য জাতিদিগের ধর্মমত প্রকাশক যে সকল বাক্য উদ্ধৃত হইল তাহাতে কোন কোন জাতির পরকালে বিশ্বাস ও প্রকাশ পাইতেছে। বস্তুতঃ পরকালে বিশ্বাস প্রায় সকল অসভ্য জাতিদিগের মধ্যে বিলক্ষণ প্রচলিত আছে। মৃত শরীরকে সমাহিত করিবার প্রণালীতে এবং মৃত ব্যক্তির উদ্দেশে প্রার্থনা এবং পিণ্ডদানাদিতে ঐ বিশ্বাস প্রকাশ পায়। এমেরিকা-খণ্ডের অসভ্য জাতিরা মৃত যোদ্ধার শব-গর্ভে তাহার ধনু ও অস্ত্রাস্ত্র ও পরিচ্ছদ ও ইকা রাখিয়া দেয়। বাহাতে অনুচর কর্তৃক রাজবৎ পরিবৃত হইয়া প্রেতপুরে গমন করিতে পারে এই জন্ত সিথিয়েরা গাথেরা এবং অসভ্যাবস্থার গ্রীকেরা কোন প্রধান ব্যক্তির মৃত্যুর পর তাঁহার সহিত তাঁহার স্ত্রী ও দাস দাসী ও অশ্ব দগ্ধ অথবা প্রোথিত করিত। ভূতে বিশ্বাস, যোনিভ্রমণে বিশ্বাস, মৃত ব্যক্তির দেবত্ব কল্পনা, তাহার স্বর্ণাখুঁ ক্রিয়া, সমাধি-গন্ধিরোপরি উপহার দ্রব্য স্থাপন, মৃত ব্যক্তিদেব নামোল্লেখ পূর্বক শপথ কার্য এ সকলই ঐ বিশ্বাসের চিহ্নস্বরূপ। ইজিপ্ট দেশীয় লোকেরা, গলেরা, ও স্কেণ্ডিনেবিয়েনেরা মৃত্যুকে জীবনের চরম লক্ষ্য বলিয়া বর্ণনা করিত। মৃত ব্যক্তির আত্মার নির্দিষ্ট বাসস্থান আছে সকল অসভ্য জাতিরই এরূপ বিশ্বাস আছে। তাহাদের মতে মৃত্যু বিনাশ নহে কেবল জীবনের পরিণাম মাত্র। তাহারা স্বর্গকে পৃথিবীর আয় জ্ঞান করে কিন্তু তাহা পৃথিবী অপেক্ষা উৎকৃষ্ট স্থান বলিয়া বর্ণনা করে।



পরকালে ঈশ্বর বিচার করেন ও পাপ গুণ্যের দণ্ড পুরস্কার হয় এ বিশ্বাস  
 প্রথমে তাহাদের থাকে না। কিন্তু তাহাদের ধর্মভাব যত উন্নত হইতে  
 থাকে ততই তাহাদের পারলৌকিক অবস্থার ভবিষ্যৎ উন্নত হয়।

---









